

雍正朝
汉文
谕旨
汇编



广西师范大学出版社

中國第一歷史檔案館編

雍正朝漢文諭旨匯編

第四冊（上諭清冊）

廣西師範大學出版

雍正朝漢文諭旨彙編 第四册 目錄

戶部貴州司造送節年上諭條奏事件册 (雍正元年八月至雍正十三年八月)

一 諭嗣後權關者務須秉公查驗過關船隻納稅即放不得勒索阻滯 雍正元年八月初二日 二

二 諭內外官民以重農爲首務愛惜物力切杜浮糜 雍正五年三月初三日 三

三 諭嗣後各關於部頒號簿務須據實填寫 雍正七年二月二十三日 六

四 諭內閣著通飭直省各處富戶當存濟人利物之心行救困扶危之事 雍正七年三月初四日 七

五 諭內閣著直省督撫嚴禁屬員借前降勸導富戶體恤貧民之旨需索生事 雍正七年十一月初五日 九

六 諭內閣著傳旨直省官員軍民嚴禁借清查稅額耗羨歸公之名剝削商民 雍正七年十二月初四日 一

七 諭內閣著各省巡撫藩司將耗羨項下銀兩留於本省以備地方公事之用 雍正八年十一月二十二日 一五

八 諭內閣京師雨雪不足著大學士九卿等恪慎齋戒至誠祈禱等情 雍正八年正月二十日 一七

九 諭內閣著署貴撫元展成將來牛地方建築石城之事委員確估妥議具奏 雍正十年五月十四日 一八

一〇 諭諸王大臣今歲元旦瑞雪佳祥各員當益加奮勵朝夕修省 雍正十二年正月初二日 一九

一一 諭內閣著將貴州遵義等縣山場小稅加恩豁免 雍正十二年六月二十八日 二二

一二 諭內閣著將粵東海關稅務交與總督鄂彌達兼管等情 雍正十二年七月十四日 二三

一三 諭內閣著各該督撫將各關口土棍擾累勒索等弊確查嚴禁 雍正十三年二月初八日 二四

一四 諭責元展成於剿撫古州逆苗之事甚屬溺職著該部嚴察議奏 雍正十三年五月二十八日 二四

一五 諭著將黔省今年錢糧通行蠲免並著該督撫實心安插被賊擾害之民 雍正十三年八月初三日 二六

兵部造送上諭檔册 (雍正九年正月至十二月)

一六 諭著署天津總兵管承澤即速來京另有差遣 雍正九年正月初四日 二九

一七 諭內閣著馮允中專管西寧總兵印務管承澤署理大通總兵等情 雍正九年正月初四日 二九

一八 諭內閣著自京運送軍器至西安以備甘涼西寧等處新兵之用 雍正九年正月初四日 三〇

一九 諭內閣著將前往西寧辦理青海彝務之都統德成給與養廉銀兩等情 雍正九年正月初五日 三〇

二〇 諭內閣著侍郎馬爾泰前往西安與武格協辦軍需 雍正九年正月初六日 三一

二一 諭內閣土司魯華齡抒誠宣力俟遊擊缺出以參將銜委署並賞孔雀翎等 雍正九年正月初九日 三一

二二 諭命拉色禮馳往西安辦理副都統事 雍正九年正月初十日 三二

二三 諭內閣著賞給抗擊準噶爾賊人之總兵樊廷一等阿達哈哈番等情 雍正九年正月十一日 三二

- 二四 諭內閣著將內大臣克什圖差往青海協管兵丁 雍正九年正月十二日……………三五
- 二五 諭著給與扎那副都統職銜賞銀二千差往軍前 雍正九年正月十三日……………三五
- 二六 諭內閣范時繹差往陝西辦理軍需著給欽差大臣關防 雍正九年正月十三日……………三五
- 二七 諭內閣副將軍查弼納前赴軍營著給與昭武將軍之印 雍正九年正月十六日……………三六
- 二八 諭內閣著直隸總督唐執玉自古北口宣化督標內調馬兵一千前往西安 雍正九年正月十六日……………三六
- 九九 諭內閣著雲南提督張耀祖解任由貴州安龍總兵哈元生補授其缺 雍正九年正月十六日……………三七
- 三〇 諭內閣著將每逢祭祀並不齋戒自云長有瘡癩之永奇交宗人府查明 雍正九年正月十七日……………三八
- 三一 諭內閣著鄂善著將酒齋至西路軍營祭奠陣亡將士等情 雍正九年正月二十日……………三八
- 三二 諭內閣著重慶總兵官任國榮來京另用等武職陞轉事 雍正九年正月二十二日……………四〇
- 三三 諭內閣著賞與土古魯收糧筆帖式奇書拖沙拉哈番並銀五百兩 雍正九年正月二十三日……………四一
- 三四 諭內閣著兵部將哈元生之子古北口提標把總哈峻德調來引見 雍正九年二月初二日……………四一
- 三五 諭著兵部行文鄂爾泰遇有遊擊守備缺出分別將千總哈尚德馬良貴題補 雍正九年二月初二日……………四二
- 三六 諭著副都統二格前往肅州協同辦理軍需暨署總兵馬會伯仍在肅州辦事 雍正九年二月初三日……………四二
- 三七 諭著杭奕祿班第眾佛保即速來京 雍正九年二月初七日……………四三
- 三八 諭著黃廷桂憲揀選川兵二千名前往西藏換回從前駐藏之兵 雍正九年二月十四日……………四三
- 三九 諭著北路寧夏兵丁一千名於六月初旬起身回去等情 雍正九年二月十六日……………四四
- 四〇 諭著岳鍾琪將去冬隨樊廷迎戰準噶爾有功將弁兵丁查明更換休息等事 雍正九年二月二十九日……………四五
- 四一 諭著馬會伯前赴巴爾庫爾軍營協辦軍務 雍正九年二月三十日……………四七
- 四二 諭著何祥書往北路軍營並酌授綠旗武職品級管轄九千車兵 雍正九年三月二十七日……………四七
- 四三 諭著奏事筆帖式阿常阿差往河南 雍正九年三月二十七日……………四七
- 四四 諭內閣著欽差大臣史貽直等前赴秦省專司宣諭化導之事不得派累需索地方 雍正九年四月十四日……………四八
- 四五 諭內閣著德成協同提督馮允中辦理西寧總兵官事務等事 雍正九年四月十四日……………四九
- 四六 諭內閣著護軍參領花色署理河南城守尉印務並著布政使高斌協同辦理 雍正九年四月初一日……………五〇
- 四七 諭內閣著給興駐防太原各旗閑散兵丁酌加餉銀務令勤謹當差向上 雍正九年五月初一日……………五〇
- 四八 諭內閣著任國榮仍帶總兵官銜前往北路軍營管理車兵兼司屯種事務 雍正九年五月十一日……………五一
- 四九 諭內閣著岳奇調補登州總兵挑選湖廣兵丁二千帶往西安駐劄等事 雍正九年五月十三日……………五二
- 五〇 諭內閣著照爾泰所請動支公用銀兩以資滇黔兩省兵丁搬移家口 雍正九年五月十五日……………五三
- 五一 諭內閣著將探聽賊情遇害之西路軍營千總馬建功等照陣亡例加恩恤賞 雍正九年五月十七日……………五四
- 五二 諭內閣著京營遊擊邵銓與岳奇一同赴楚挑選兵丁赴陝並口傳諭意 雍正九年五月十九日……………五五

五三	諭定皇族子侄輩起名用字之規則	雍正九年五月二十九日	五五
五四	諭內閣著通行宣示天下兵弁恩賞生息銀兩一事當徐徐次第推行	雍正九年五月二十九日	五六
五五	諭內閣著宗人府會同議政大臣等秉公詳議承襲恭親王爵位之人	雍正九年六月初七日	五八
五六	諭內閣著將編輯上諭八旗之果親王等交部議叙	雍正九年六月十二日	六一
五七	諭內閣著兵部侍郎通智前往西寧協辦軍務等情	雍正九年六月十九日	六二
五八	諭內閣河南巡撫中軍事務仍著副將王來佑管理	雍正九年六月二十一日	六三
五九	諭內閣著於八旗滿蒙漢及包衣下人等內選派漢仗好者二千	雍正九年六月二十三日	六三
六〇	諭內閣著將川撫憲德奏摺一件封發內閣學士德齡等秉公察審	雍正九年六月二十八日	六四
六一	諭內閣著將差往三省查看地方收成之劉於義王國棟等俱給驛遞夫馬等情	雍正九年七月初三日	六四
六二	諭內閣著將擅離汛地之格默爾革職令往騰格里卡倫效力贖罪	雍正九年七月初五日	六五
六三	諭內閣著原任巡撫布蘭泰阿克敦隨大將軍馬爾賽辦理糧餉事務	雍正九年七月初七日	六六
六四	諭內閣著江南總督高其倬馳驛來京陛見再赴雲南總督之任	雍正九年七月初十日	六六
六五	諭內閣著將大學士忠達公馬爾賽授為撫遠大將軍	雍正九年七月十三日	六七
六六	諭內閣著將阿克敦授為內閣額外學士隨撫遠大將軍印	雍正九年七月十八日	六七
六七	諭內閣著各駐防將軍於額設兵丁外應由滿洲壯丁內添設若干詳察議奏	雍正九年七月十九日	六七
六八	諭內閣著湖廣總督邁柱揀選楚省歷練武弁送交川督黃廷桂酌量委用	雍正九年八月初二日	六八
六九	諭內閣著河南總督田文鏡舉奏武弁赴川交黃廷桂委用	雍正九年八月初二日	六八
七〇	諭內閣著欽差宣諭大臣史貽直將河東河西運糧駐兵之處米穀草豆時價兩月奏聞一次	雍正九年八月初二日	六九
七一	諭內閣著將馬蘭泰等四人授為撫遠大將軍參贊	雍正九年八月初五日	六九
七二	諭內閣著將蕭定國等發往北路軍營交馬爾賽以守備委用	雍正九年八月初五日	六九
七三	諭內閣著兵部行文臺灣總兵呂瑞麟漳州總兵初有德不必來京陛見	雍正九年八月十三日	七〇
七四	諭內閣著雲貴廣西總督鄂爾泰乘驛來京陛見沿途以禮迎送供應	雍正九年八月十四日	七〇
七五	諭內閣著伊禮布前往北路馬爾賽軍營在參贊內行走及常賚授為副將軍等情	雍正九年八月十五日	七一
七六	諭內閣著鎮守總兵周一德來京陛見差往北路軍營	雍正九年八月十七日	七一
七七	諭內閣著兵部詳議出征官弁現委署而未經實授之缺如何題補等情具奏	雍正九年八月十八日	七二
七八	諭內閣著將軍前效力之順承郡王錫保管封永遠承襲罔替	雍正九年八月十九日	七四
七九	諭內閣著將林黃彩補授福建水師提標左營遊擊等情	雍正九年八月二十日	七四
八〇	諭內閣著宗人府將壽元壽泰交伊族長拘禁在家毋令出門	雍正九年八月二十二日	七五
八一	諭內閣著岳鍾琪將在額拉穆克河擊賊有功之人造冊送部	雍正九年八月二十四日	七五

八二	諭著雲南駐劄柴木多之兵即速起身前往西藏備用	雍正九年八月二十四日	七六
八三	諭內閣著各省駐防大臣官弁將營伍悉心整理訓練向後每年差員查看	雍正九年八月二十四日	七七
八四	諭內閣著彝陵總兵杜森即赴四川松潘帶兵	雍正九年八月二十八日	七八
八五	諭內閣著侍讀學士阿蘭泰協領哲庫納等乘驛前往巴爾庫爾軍營	雍正九年八月三十日	七八
八六	諭內閣著鄂爾多斯之扎薩克王等將立界之事各抒意見商酌具奏	雍正九年九月初一日	七九
八七	諭內閣著柏之藩前往阿爾泰軍營管轄綠旗兵丁	雍正九年九月初三日	八〇
八八	諭內閣著將貴州提督楊天縱加太子太保銜以原品休致等情	雍正九年九月初七日	八〇
八九	諭內閣著準廣東總督郝玉麟解任調養提督張溥暫署總督印務	雍正九年九月十四日	八一
九〇	諭內閣著河南南陽總兵馬世龍前往署理江南提督印務等情	雍正九年九月十五日	八二
九一	諭內閣著永良補授筆帖式並將宗學內考取一二等者揀選數人引見	雍正九年九月二十三日	八三
九二	諭內閣著將散秩大臣欽拜侍郎納延泰副都統阿岱授為撫遠大將軍參贊	雍正九年十月初九日	八三
九三	諭內閣著狼山總兵王安國以原品解任回籍遺缺著尹繼善揀選委署	雍正九年十月十一日	八四
九四	諭內閣著兵部通行曉諭各召募兵丁大臣官弁等屏除積弊	雍正九年十月十六日	八四
九五	諭內閣著五旗王公等令在門上看守坐堆之護軍披甲人等歸旗操演	雍正九年十月十七日	八五
九六	諭莊親王等著柏之藩仿效李衛訓練之法悉心教習各省送京兵丁	雍正九年十月十七日	八六
九七	諭內閣著提督路振揚等將沿邊何處添派兵邊城何處應修之事詳查定議	雍正九年十月二十二日	八七
九八	諭內閣著湖廣總督邁柱驗看楊琦量材授職令其赴軍前效力	雍正九年十月二十七日	八八
九九	諭內閣著宣化等處總兵於各關口嚴行稽查如有逃回兵役即鎖拿解京	雍正九年十一月初五日	八八
一〇〇	諭內閣著蘇州織造海保就近將鎮江營伍情形不時查驗	雍正九年十一月初六日	八九
一〇一	諭內閣著將副都統阿成阿帶領之長勝兵改為家選兵	雍正九年十一月初六日	九〇
一〇二	諭內閣嗣後北路弁員題補之事著順承親王辦理	雍正九年十一月十九日	九〇
一〇三	諭內閣著南方駐防將軍等酌存馬價遇有調遣即可購買應用	雍正九年十一月二十二日	九一
一〇四	諭內閣著周一德同柏之蕃等一同訓練技勇兵丁	雍正九年十一月二十四日	九二
一〇五	諭內閣著將軍前失職之紀成斌革去提督改為副將效力贖罪等情	雍正九年十二月十七日	九二
一〇六	諭內閣著潮州總兵王郡署理福建陸路提督等情	雍正九年十二月二十五日	九三

兵部造送上諭檔冊(雍正十一年正月至十二月)

一〇七	諭內閣大定副將楊馥擊賊陣亡著將其子楊恒新授為游擊等情(殘)	雍正十一年正月十六日	九五
一〇八	諭內閣著大學士鄂爾泰前往北路軍營宣示訓諭(殘)	雍正十一年正月十八日	九五

- 一〇九 諭內閣著王羣暫署福建水師提督等情 雍正十一年正月十九日……………九六
- 一一〇 諭內閣著署劉於義等嚴飭陝甘提鎮不得借公費等項攤派兵丁(殘) 雍正十一年正月二十日……………九七
- 一一一 諭內閣著劉章署理太原總兵康華齡往署南贛總兵 雍正十一年正月二十三日……………九八
- 一一二 諭內閣陵內神路石文焯並未派兵看管著交該部察議 雍正十一年正月二十八日……………九九
- 一一三 諭內閣著軍營加意整理軍備嚴禁攤派兵丁(殘) 雍正十一年二月初九日……………九九
- 一一四 諭內閣著寄字王士俊告知山東壽張營遊擊劉驥人甚去得 雍正十一年二月十七日……………一〇一
- 一一五 諭內閣著安福自備鞍馬前往伊父阿齊圖處學習行走 雍正十一年二月二十日……………一〇二
- 一一六 諭內閣著哈達哈等將往扎大同違法生事之滿洲旗兵查出嚴懲 雍正十一年二月二十日……………一〇二
- 一一七 諭內閣著照貴州巡撫所請令臨陣退縮之馬騏等四遊擊仍留軍前贖罪 雍正十一年三月十七日……………一〇三
- 一一八 諭著賞給雲南鶴麗總兵楊國華孔雀翎一個 雍正十一年三月二十五日……………一〇五
- 一一九 諭內閣著江南河標中軍副將葛世雄來京引見 雍正十一年四月初四日……………一〇五
- 一二〇 諭內閣著行文各路將軍嚴格查禁所屬弁兵跟役造作浮言 雍正十一年四月初七日……………一〇五
- 一二一 諭內閣著宋愛來京鄂禮暫署天津總兵雍正十一年四月十二日……………一〇七
- 一二二 諭內閣著照鄂爾泰所請於呼倫布兒兵內選派二千往軍營等情 雍正十一年四月二十五日……………一〇七
- 一二三 諭內閣著八旗都統駐防將軍等將匠役人等不時嚴查加意教習 雍正十一年四月二十七日……………一〇八
- 一二四 諭內閣著各路軍前將軍等將領催效力好者注册俟凱旋之日作為另戶 雍正十一年四月二十九日……………一〇〇
- 一二五 諭內閣嗣後八旗各部院虧空案內有婪贓及侵欺人己之項不准寬免 雍正十一年五月初九日……………一一一
- 一二六 諭內閣西路軍前病故兵丁家口月餉俱以部文到日扣除已領者免追 雍正十一年五月二十四日……………一一一
- 一二七 諭內閣著領侍衛內大臣豐盛額馳往宣化會審高弘榮食劣一案 雍正十一年五月二十六日……………一一二
- 一二八 諭內閣著領侍衛內大臣豐盛額將辦理軍需事務欽差大臣關防帶給王棠 雍正十一年五月二十六日……………一一三
- 一二九 諭內閣著福建陸路提督王郡調補水師提督遺缺著將軍阿爾賽署理 雍正十一年五月二十七日……………一一三
- 一三〇 諭內閣著劉章署太原總兵李漣補授南贛總兵等武職任用事 雍正十一年六月十二日……………一一四
- 一三一 諭內閣著內地安插土司各省督撫悉心稽查妥善安置 雍正十一年六月十七日……………一一四
- 一三二 諭內閣著將蘇努之子由各省監禁處放出令往右衛歸人額兵駐答 雍正十一年六月十七日……………一一五
- 一三三 諭內閣著由龍江關盈餘銀內支給稅務人員辦公費用並賞江寧織造養廉 雍正十一年六月二十三日……………一一五
- 一三四 諭內閣著地方督撫等官加意民間防火倘有疏忽從重議處 雍正十一年七月初七日……………一一六
- 一三五 諭內閣著范宗堯隨平郡王前往軍營酌量委用 雍正十一年七月十八日……………一一七
- 一三六 諭內閣著范宗堯自備鞍馬前往北路軍營效力贖罪 雍正十一年七月十八日……………一一七
- 一三七 諭內閣著廣東南雄副將李斯援來京引見另行酌用 雍正十一年七月二十日……………一一八

- 一三八 諭內閣著將張家口監督德敏解任調回質訊 雍正十一年七月二十五日……………一一八
- 一三九 諭內閣著負恩枯過之王嵩自出資力於鄂爾昆種地效力等情 雍正十一年八月初十日……………一一九
- 一四〇 諭內閣著各省鎮臣巡察營汛不必拘定期限不可擾累所屬 雍正十一年八月十二日……………一二〇
- 一四一 諭內閣著倉場總督兆華涂天相將本年辦理漕糧各員分別議叙 雍正十一年九月初一日……………一二〇
- 一四二 諭內閣著將曹煥革職發往北路臺站效力贖罪 雍正十一年九月十一日……………一二一
- 一四三 諭內閣著將坐臺原任員外郎馬爾素庶吉士舒明枷號仍留坐臺效力等情 雍正十年九月十八日……………一二二
- 一四四 諭內閣著將福建候補知府張良弼改補武職參將留省題補 雍正十一年九月二十五日……………一二二
- 一四五 諭著將鄂爾奇革職 雍正十一年九月二十六日……………一二三
- 一四六 諭內閣著將廣東左翼總兵李萬倉革職來京等情 雍正十一年九月二十八日……………一二三
- 一四七 諭內閣著將綏赫德發往北路軍臺效力贖罪 雍正十一年十月初七日……………一二四
- 一四八 諭內閣著派噶爾璽等馳往洪郭爾鄂倫地方管轄兵丁等情 雍正十一年十月十五日……………一二四
- 一四九 諭內閣嗣後直省總兵有巡查營汛之事俱著商請督提具本請旨 雍正十一年十月二十五日……………一二五
- 一五〇 諭內閣嗣後頒給督撫提鎮等敕書務將轄地職責詳確開載 雍正十一年十月二十五日……………一二五
- 一五一 諭內閣著馬召南署理福寧總兵 雍正十一年十月二十七日……………一二七
- 一五二 諭內閣著將松潘口外慣賊占架擦戎亞之子放回倘再為非立置嚴刑 雍正十一年十一月十八日……………一二七
- 一五三 諭內閣嗣後府州縣官考試武童務須悉心校閱以除冒濫諸弊 雍正十一年十一月十九日……………一二八
- 一五四 諭內閣著將張樹言交李衛於古北口委署守備 雍正十一年十一月二十一日……………一三〇
- 一五五 諭內閣嗣後督提等保題將弁務首重弓馬兼選漢仗 雍正十一年十一月二十四日……………一三〇
- 一五六 諭內閣署永州總兵王惟一不能勝任著總督邁柱另選委署 雍正十一年十一月二十六日……………一三一
- 一五七 諭內閣凡摺奏大員即將從前奉到朱批逐一查明封繳不得遲稽遺漏 雍正十一年十一月二十七日……………一三二
- 一五八 諭內閣建造臺灣城垣炮臺不可惜費潦草著閩督郝玉麟等妥議具奏 雍正十一年十二月十二日……………一三三
- 一五九 諭內閣著李桂芳往署夔州副將原署副將馬順令回撫標本任 雍正十一年十二月二十日……………一三五
- 一六〇 諭內閣著照福州將軍阿爾賽所請將王輝仍留閩省以要缺題補等情(殘) 雍正十一年十二月二十三日……………一三六
- 一六一 諭內閣著雲南開化總兵仇元正以原品休致(殘) 雍正十一年十二月二十六日……………一三七
- 一六二 諭內閣酌調紅郭爾額降兵丁前往北路軍營(殘) 雍正十一年十二月二十七日……………一三七

刑部直隸司造送奉到上諭清冊 (雍正四年正月至十二年十二月)

- 一六三 諭刑部著將獄內人犯及早清理速行結案 雍正四年正月二十七日……………一三九
- 一六四 諭著將隆科多革退吏部尚書其家人牛倫即行處斬 雍正四年正月二十八日……………一三九

- 一六五 諭著將允禵家中沈文等四名太監遞解原籍嚴行拘管 雍正四年五月二十一日
- 一六六 諭著將奈滿岱免死發往杭州當差將其子賞與果郡王入辛者庫 雍正四年六月十七日
- 一六七 諭著將德爾泰發往黑龍江當差免其枷責 雍正四年六月二十七日
- 一六八 諭著將秋審案内何純恭等一百七十七名俱免死釋放 雍正四年七月十三日
- 一六九 諭著將原任將軍陳泰暫停治罪給限一年照數完伊侵欺銀兩 雍正四年八月初三日
- 一七〇 諭著將原南陽總兵佟世鑄暫停枷責令其速行完結應追銀兩 雍正四年八月十八日
- 一七一 諭內閣九卿等著將刑部情實重囚招冊中可稍寬者十餘人分別發落 雍正四年十月初四日
- 一七二 諭著將參領丁士鴻佐領吳琨革職從寬免枷號等情 雍正四年十月十二日
- 一七三 諭內閣九卿等著將今年緩法人犯招冊中稍可寬宥者分別發落 雍正四年十月十四日
- 一七四 諭著將在打箭爐辦過茶馬事件之馬起龍從寬免其治罪 雍正四年十月十七日
- 一七五 諭內閣九卿等著將妄參田文鏡貪贓壞法之御史謝濟世革職嚴審 雍正四年十二月初七日
- 一七六 諭著將原宣化總兵許國桂監候秋後處決 雍正四年十二月初十日
- 一七七 諭著將打毀米廠擁鬧巡撫公堂之廣東惡棍閻尚義等秋後處決等情 雍正五年正月二十三日
- 一七八 諭著將運米致斃駱駝並收受銀兩之原都統圖思海絞監候其子監禁 雍正五年閏三月二十八日
- 一七九 諭嗣後緝拿人犯著各該衙門即速行文不得稽遲 雍正五年閏三月二十八日
- 一八〇 諭著將偷盜人參之茶葉庫庖使三塔斬監候秋後處決等情 雍正五年四月初十日
- 一八一 諭著將在圈禁處所妄行魘魅之允禩從寬免死仍照舊拘禁 雍正五年五月初二日
- 一八二 諭著將原山西平陽革職知府董紳發往臺站效力 雍正五年五月初十日
- 一八三 諭嗣後人官變價房產若有浮銀給還本人 雍正五年六月二十一日
- 一八四 諭著將菩薩保案内擬絞之王二等秋審時須擬情實 雍正五年七月初八日
- 一八五 諭著將妄造訛言之劉老兒改爲應斬監候 雍正五年八月十九日
- 一八六 諭著將菩薩保韋駝保之妻子賞給誠親王入辛者庫等情 雍正五年八月
- 一八七 諭著將肆行貪贓壞法之總管常齡改爲斬監候秋後處決 雍正五年十月十六日
- 一八八 諭刑部著將發往軍臺之原浙江布政使佟吉圖差人帶來其家人加緊看守 雍正五年十月十六日
- 一八九 諭著將隆科多保舉之革職總兵張殿臣發回原籍不許出境 雍正五年十月十八日
- 一九〇 諭嗣後除滿洲正身之另戶外其犯罪發遣者當酌量給披甲之人爲奴 雍正五年十月十九日
- 一九一 諭著將偷盜禮部庫銀內金冊之陳保住即行處斬等情 雍正五年十一月十九日
- 一九二 諭著將訛詐銀兩之內務府筆帖式碩啓泰即行處斬等情 雍正五年十一月二十一日

一九三	諭著將隱匿趙世綸家產並以符咒騙人之顯應寺尼姑克璽絞監候	雍正五年十一月二十九日	一六六
一九四	諭著刑部將通州大盜楊自金等聚眾拒捕脫逃一案人犯解京審擬	雍正五年十二月初七日	一六七
一九五	諭著將延信改爲斬監候及延信阿林那之子孫從寬免死等情	雍正六年四月初二日	一六八
一九六	諭著理藩院刑部將觀音保收受裴大光銀兩之處訊明具奏	雍正六年五月初二日	一六八
一九七	諭著將調理皇后疾病無效之醫生吳謙免死永遠在監爲監犯治病	雍正六年六月初四日	一六九
一九八	諭著將賠完米石之已革副都統薩齊庫趙保從寬免其枷號	雍正六年十一月初七日	一七〇
一九九	諭延信之妻已入顯親王辛者庫著不必發遣	雍正六年十二月二十日	一七二
二〇〇	諭命江南提督加意訪拿亳州私鑄之人	雍正七年五月十五日	一七二
二〇一	諭著將從前進藏收受金子之員外郎蘇金太絞監候秋後處決等情	雍正七年六月二十日	一七三
二〇二	諭著將君前奏對妄稱王爺之已革宗人府府丞蔡嵩原品休致	雍正七年閏七月二十日	一七四
二〇三	諭著將謝濟世注釋大學毀謗程朱案內李紱不必拿問等情	雍正七年九月二十六日	一七六
二〇四	諭內閣著將大學士孫桂止俸案件開復	雍正七年十一月二十七日	一八一
二〇五	諭著將原任主事傅爾遜圍禁高牆催追銀兩	雍正七年十二月十九日	一八二
二〇六	諭著將謝濟世從寬免死其妻子家產免入官等情	雍正七年十二月二十二日	一八二
二〇七	諭著將刑部郎中赫楞格暫停枷責發往臺站效力	雍正七年十二月二十八日	一八三
二〇八	諭內閣著將漢軍世家之裔范時繹尚崇廩李永昇釋放令其遷善改惡	雍正八年十一月初十日	一八四
二〇九	諭著將原鎮海將軍何天培名下應追銀兩照數追出不必加倍	雍正九年三月十六日	一八七
二一〇	諭著將刊刻詩文捏造狂詞之五達塞於允俄處圍禁等情	雍正九年十二月初九日	一八八
二一一	諭著另行定擬亳州等處私鑄各案並將溺職知州余光祖發往奉天	雍正十年四月二十二日	一八八
二一二	諭著將侵用庫銀之廂藍旗漢軍參領高煥即行處斬	雍正十年四月二十六日	一九〇
二一三	諭著將正白旗蒙古參領朝典革職令其自備鞍馬前往達爾濟軍前效力贖罪	雍正十年六月二十五日	一九〇
二一四	諭著將岳興阿枷責之處寬免	雍正十年九月初九日	一九一
二一五	諭著行文欽拜將紀罕上鎖由驛解京	雍正十年九月二十七日	一九一
二一六	諭著將並不親身稽查牧養官馬之副都統徐仁圖爾沁從寬免其枷責	雍正十年十月二十五日	一九二
二一七	諭著將狗庇受賄之原都統耿化祚從寬免其枷責	雍正十年十二月二十日	一九二
二一八	諭著將屢次行竊之旗人李二等照舊例發往黑龍江等處	雍正十一年四月十九日	一九三
二一九	諭著將失機縱賊負恩誤國之副將紀成斌即於軍營處斬等情	雍正十一年六月初一日	一九三
二二〇	諭著將利誘家人誣告其主之伍什泰永遠枷號示眾等情	雍正十一年八月二十三日	一九六

一一一	諭著總兵軍糧之總將楊大立自備鞍馬前往北路軍營種地贖罪	雍正十一年九月初六日	一九六
一一二	諭著將助比爲奸之戶部員外郎那泰等分別斬絞監候秋後處決	雍正十一年十二月二十日	一九七
一一三	諭著將修城包工料之員外郎富謙等分別斬絞監候秋後處決	雍正十二年八月十六日	一九七
一一四	諭都統祖秉衡領兵沿途牲畜多傷著於到京口即行革職嚴辦	雍正十二年十二月二十一日	一九八


荊州將軍造送部咨欽奉上諭事件冊 (雍正三年十二月至十年七月)

一一五	諭內閣宣示先師孔子聖諱丘字回避之法	雍正三年十二月二十七日	二〇一
一一六	諭嗣後交界地方失事探實賊盜之處無論隔境一面緝拿一面移文	雍正四年二月十一日	二〇三
一一七	諭著揀選人員前往直隸四十二州縣清理倉庫整飭地方	雍正四年八月初一日	二〇四
一一八	諭內閣嗣後逃人被毆身死者不應擬抵應使逃人知所畏懼	雍正四年十月十四日	二〇八
一一九	諭內閣九卿等酗酒之徒逞醉殺人不可寬宥	雍正四年十月十四日	二〇九
一二〇	諭內閣著直省督撫通查所屬監獄加意防範毋令獄官任意凌虐罪人	雍正四年十月十九日	二一〇
一二一	諭外省督撫諸臣宣示不敢亦不願當興利除弊之名	雍正四年十一月十一日	二一二
一二二	諭向後倘有侵欺虧空之員即按例治罪有應正法者立行正法	雍正五年正月十九日	二一六
一二三	諭內外官民以重農爲首務專務本業以杜浮糜	雍正五年三月初三日	二一九
一二四	諭嗣後官員追賠之項若所交數目浮於原參數額多者俱著給還本人	雍正五年閏三月十三日	二二三
一二五	諭前以水旱爲考成之處不必定例等情	雍正五年七月初八日	二二五
一二六	諭內閣嗣後凡屬月選特旨調簡之員倘在任有貪婪劣迹著加倍治罪	雍正五年七月初七日	二二五
一二七	諭內閣嗣後惟一品官員之家許用黃銅器皿其餘臣民一概禁止	雍正五年九月初三日	二二三
一二八	諭內閣著文武官員將籍貫年歲不實者即行改正以實年開明注册	雍正五年十月十八日	二三六
一二九	諭內閣著各省督撫飭地方官嚴行禁止民人演習拳棒武藝	雍正五年十一月二十八日	二三八
一三〇	諭內閣著直省督撫實力查拿偷鑄私錢之匪類不可絲毫疏縱	雍正六年正月二十一日	二四〇
一三一	諭內閣著內外執法臣工嗣後齊擬罪案毋得一罪而引兩律	雍正六年正月二十七日	二四二
一三二	諭內閣著各省督撫將從前所請帶往之人現在屬下者俱令回京另用	雍正六年七月十一日	二四四
一三三	諭內閣著刑部等將內外永遠枷號之人查明姓名罪情奏聞	雍正六年八月初六日	二四七
一三四	諭內閣著將陣亡盡節或清廉公正大臣之子孫有問罪及虧空者確查具奏	雍正六年九月初六日	二四八
一三五	諭內閣著各省督撫於省會之地置備救火器具嚴行防火救火	雍正六年九月十五日	二五一
一三六	諭內閣著八旗嗣後凡屬分賠之項本人止完應賠之數不得混同攤派	雍正六年十二月十六日	二五三
一三七	諭內閣著直省將軍督撫凡有門軍勒索出入人民錢文者嚴加懲治	雍正七年二月十九日	二五五

二四八	諭內閣著通州天津二處文武官員嚴禁賭博宰牛等情	雍正七年三月十四日	二五六
二四九	諭著地方督撫嗣後拿獲賭博必窮究賭具之由來	雍正七年六月初六日	二五八
二五〇	諭內閣外間訛傳宰牛開禁必係奸徒造言著嚴查嚴禁	雍正七年六月十五日	二六一
二五一	諭內閣著督撫等秉公察審官員彼此互揭之案	雍正七年閏七月十一日	二六四
二五二	諭內閣著內外大小臣工欲記面奉之旨者將所記呈奏	雍正七年八月十九日	二六五
二五三	諭內閣嗣後充發烟瘴之旗人太監等犯倘凌虐解役需索行凶即具題正法	雍正七年十月初八日	二六六
二五四	諭內閣著內外文武大臣嚴杜朋黨之患務爲端人正士	雍正七年十一月初四日	二七〇
二五五	諭內閣向中外臣民宣示怡親王之高厚美德	雍正八年五月十四日	二七六
二五六	諭內閣著向岳鍾琪頒發撫遠大將軍印信	雍正八年十二月二十日	二八〇
二五七	諭內閣著通行宣示各省協標兵丁暫不給發生息銀兩緣由	雍正九年五月二十九日	二八一
二五八	諭內閣著駐防大臣官弁整理營伍勤加訓練嗣後每年差員查看	雍正九年八月二十四日	二八四
二五九	諭內閣著募兵官弁屏除積弊嚴禁老弱無能之人濫冒入伍	雍正九年十一月十六日	二八五
二六〇	諭內閣著各省駐防將軍等將少養馬匹存價於官一有調遣即可購買應用	雍正九年十一月二十二日	二八六
二六一	諭內閣著大學士九卿等各宜恪慎齋戒彈職奉公以敬天祈福	雍正十年正月十七日	二八八
二六二	諭內閣著內外文武官員於齋戒日期佩戴齋牌觸目警心恪恭罔懈	雍正十年二月十二日	二九〇
二六三	諭各該旗將八旗人等追賠各項情由造冊轉奏候分別加恩寬免	雍正十年閏五月十三日	二九一
二六四	諭內閣凡軍前官員家中已領隨甲糧餉不必扣還其應領之項照常支領	雍正十年六月十三日	二九四
二六五	諭內閣軍務文移督撫將軍俱用照會提鎮各官俱用牌割	雍正十年七月二十一日	二九五
二六六	諭內閣著趙弘恩所請重加修葺南嶽之廟	雍正十年七月二十六日	二九六

上諭條

戶部貴州



趙揚園

閻花

十二年以前全

十二年銷簽對清

十二年銷簽對完

雍正元年八月初二日奏事員外郎龔全等捧出

硃筆

上諭諭各省關差國家之設關稅所以通商而非以累商所以便民而非以病民也
朕撫御寰區加惠黎庶惟恐民隱不能上達近聞權閹者往往寄耳目于胥役不
寔驗客貨之多寡而止憑胥役之報單胥役于中未免高下其手任意勒索飽其
欲者雖貨多稅重而朦蔽不報者有之或從輕重報者亦有之不遂其欲雖貨少稅
輕而停滯關口至數日不得過是時以國家之額稅聽猾吏之侵漁以小民之脂膏飽
奸胥之豁壑司其事者竟若罔聞知乎又聞放關或有一日止一次者江濤險急
河路窄隘停舟候關于商民亦甚不便嗣後權閹者務秉公實心查驗過關每
隻隨到隨查應報稅者納稅即放不得任胥役作弊勒索阻滯以副朕通商便
民之意至于崇文門收稅及分派各處查稅之人亦有多方勒索分外苛求之弊京

師為四方輻輳之地行李絡繹豈宜苛刻滋擾監收者尤當不時稽察杜絕弊端
尔等
若不遵諭旨經朕訪聞定從重治罪特諭欽此

雍正五年三月初三日奉

上諭自古帝王致治誠民莫不以重農為首務書陳無逸先知稼穡之艱難詩載幽
風俗叙田家之力作論語云百姓足君孰與不足孟子云民事不可緩也蓋國以民為
本民以食為天農事者帝王所以承天養人久安長治之本也我國家撫綏寰宇

聖祖仁皇帝臨御六十餘年深仁厚澤休養生息戶口日增生齒益繁而直省之內地不加
廣近年以來各處皆有收成其被水歉收者不過州縣數處耳而米價遂覺漸貴閩廣
之間頗有不敷之慮望濟于隣省良由地土之所產如舊而民間之食指愈多所入不
足以供所出是以米少而價昂此亦理勢之必然者也夫米穀為養諭之寶既賴之以生則

當加意愛惜而不可存輕棄之心且資之者衆尤當隨時樽節而不可縱口腹之欲每人能省一勺在我不覺其少而積少成多便可多養數人若人人如此則所積豈不更久所養豈不更衆乎養生家以食少為要訣固所以顯神養氣所以節用惜福也况胥主於信習慣便成自然每見食少之人其精神氣體未嘗不壯此顯而可見者至于各省地土其不可以種植五穀之處則不妨種他物以取利其可以種植五穀之處則當視之如寶勤加墾治樹藝菽粟安可舍本而逐末棄膏腴之沃壤而變為果木之場廢饔飧之恒產以俾圖盈餘之利乎至於烟葉一種于生人日用毫無裨益而種植必擇肥饒善地尤為妨農之甚者也亦民較量錙銖且但顧目前而不為久遠之計故當圖利之時若令其舍多取少察重就輕必非其情之所願而地方官遽然繩之以法則勢有所難行轉滋紛擾惟在良有司勤勤懇懇諄切勸諭俾小民豁然醒悟知稼穡為身命之所關非此不能生活而其他皆不足恃則群情踴躍不待督課而皆盡力於南畝矣朕聞江南江西湖廣粵東數省有一歲再熟之稻風土如此而仍至於乏食者是地土之力有餘而播植之功不足豈非小民

習於怠惰而有司之化導者有未至耶或者曰米穀太多則價賤而難于糶賣昔人有穀賤傷農之說諺語所謂熟荒者此則不必過慮假若小民勤於耕作收穫豐盈至價賤而難於出糶朕必多發官價以糶買之使重農務本之良民獲利而有餘貲也朕生平愛惜米穀每食之時雖顆粒不肯拋棄以朕上食萬方豈慮天瘦之不給而所以如此樽節愛惜者實出於天性自然之敬慎並不由于勉強且以米穀乃

上天所賜以生養萬民者朕為天下生民主惟有敬謹寶重仰冀

天心默佑雨暘時若歲獲有秋俾小民家有蓋藏人歌樂土朕既為億萬生民計不敢輕忽天貺爾等紳衿百姓獨不自為一身一家之計乎朝夕生養之需既受

上天之所賜若果加意愛惜隨時樽節則天必頻賜賚長享盈寧之福若恣情縱欲暴殄天物則必上干天怒不蒙賜賚而水旱灾侵之事皆所不免其理豈或爽哉又聞江西廣西地方竟有以米穀飼養豚豕者誠思穀食之與肉食孰重孰輕孰急孰緩而乃以

上天之所賜小民終歲勤苦之所獲者為豢養物類之用豈不上干天和而輕民命乎朕所

以憐：訓諭者惟期天下之人專務本業以杜浮糜愛惜物力以圖久遠其體朕敬迓
 天庥勤恤民隱之意則爾等家室必益至于豐饒爾等子孫必永綿其福澤思之思之母
 忽朕言著將此曉諭內外官民人等並通行遠鄉僻壤咸使聞知特諭欽此

三

雍正七年二月二十三日奉

上諭各關開放船隻之處向例有部頒號簿簿使稽查茲聞各關另設私簿徵收惟
 于報部之時始將號簿挨日填造其意以水路船隻往來多寡不齊若據實填簿
 則不能逐日有徵收之數目恐干駁查是以設法勾派填造如此則簿內全非實在數
 目與商船過稅串票毫不相符殊非政體且凡事據實則可以無弊作偽則弊
 實叢生今既係任意勾派填造則號簿亦為虛設矣嗣後各關于部頒號簿務須
 據實填寫如無船隻過稅之日亦即註明不得仍蹈前轍如敢故違定行嚴加
 議處該部亦不得混行指駁致滋弊端欽此

雍正七年三月初四日內閣抄出奉漢字

上諭直省各處富戶其為士民殷實者或由於祖父之積累或已身之經營掇持儉約然後能致此饒裕此乃國家之良民也其為鄉紳有餘者非由於先世之留遺即已身之俸祿節制謹度始能成其家計此乃國家之良吏也是以紳衿士庶中之家道殷實者實居五福之一而為國家所愛養保護之人則爾等本身安可不思孳孳為善以求保其身家乎夫保家之道若奢侈糜費固非所以善守而慳吝刻薄亦非所以自全周禮以鄉三物教萬民有曰孝友睦婣任卹可知公財行惠任卹之義與孝友而並重者也蓋九民之情賤者忌人之貴貧者忌人之富彼窮乏之人既有游閒破耗自困其生又皆不知已過轉懷忌於溫飽之家若富戶復以慳吝刻薄為心腹削侵牟與小民爭利在太平盛世年穀順成之時固可相安從未遇歉荒之時貧民肆行搶奪先衆人而受其害者皆為富不仁之家也迨富家被害之後官法究擬必將搶奪之貧民置之重典是富戶以歛財而傾其家貧民以貪利而喪其命豈非兩失之

道大可憫惻者乎朕為此勸導各富戶等平時當以體恤平民為念九鄰里佃戶中之

窮乏者或遇年穀歉收或直青黃不接皆宜平情通融切勿坐視其困而為之援

手如則富戶濟貧民之急貧民感富之情居常能緩急相周有事可守望相助伎

求之念既忘親睦之心必篤豈非富戶保家之善道乎從來家國一理若富戶能自保

其身家貧民知共衛夫富戶一鄉如此則一鄉永靖一邑如此則一邑長寧是富戶之

自保其家尤富戶之宣力於國也朕臨御以來屢經人條奏民間貧富不均請行限

田之法區區遠賊曾靜私著謗書謂方今輕徭薄賦惟利於豪強以力兼并之家與貧

民無值法復行耕田不能養贍百姓寺語朕恩此寺怪謬支離之說乃理勢所萬

不能行者朕天下富者一而貧者百以一人之有餘欲濟眾之不足貧者未能便能成立而富

戶無辜已受摧殘矣此乃懷欲窮天下之賊論有此情理乎朕既知其必不可行若但

令地方出示曉諭陽奉陰違朕實恥而不為若以不能行之事委之各省督撫以示德

於貧民使之感朕恩意而以奉行不力之故歸怨於各督撫寺又朕所不忍為者是特

頒諭旨告誡爾等富戶為富戶者當知己之得於天者甚厚當存濟人利物之心行
救困扶危之事敦睦宗族明卹鄉鄰下逮佃戶傭工皆加惠養則人之感其德意即可
消患於未萌况積善之家必有餘慶種福果於天地之間子孫必常享豐厚豈
不美歟着各省督撫將朕此旨通行該屬之鄉紳士民人等共知之料朕赤子良民必
不負朕期望之誠意也特諭欽此

五

雍正七年十一月初五日內閣抄出奉

上諭朕前降旨勸導富戶體恤貧民乃教人以仁厚為心以貪刻為戒或於年穀歉收
之時行濟人利物之事施惠愛於鄉里積福慶於子孫此即古人任恤之義然亦聽
本人之樂從與否並不繩以官法強以所不願也今聞江西奉到諭旨之日署撫張坦
麟即行牌與布政使而布政使李蘭轉行各屬有將分送過富戶鄉紳姓名造冊開

報之語以致路屬差役社保等沿戶挨查借端嚇詐凡屬溫飽之家俱將姓名填入富
戶冊內報官索錢到手始免開列現據進賢縣民樊子亮南昌縣監生劉思試等各
行控告而李蘭始飭有司停止造冊地方富民方得安靜又聞江南有游手好閑之輩
登富戶之門而詐騙者又有無耻生員假鄉試盤費不足而勒索富家者經督臣范
時繹出京嚴禁其風始熄夫以朕訓人為善之諭旨而庸劣有司如李蘭者奉行不善
遂致閭閻之間生事滋擾而宵小不法之徒又從而藉口逞奸使素封之家供其需
索身為地方大吏不能宣布朝廷德意易俗移風轉將朕之恩旨顛倒錯誤何至
於此極似此庸材深可痛恨以朕所聞一二省如此或他省尚有似此者亦未可定特
頒此旨通行曉諭倘有復蹈前轍者經朕訪聞定將該省大小官員從重議處特
諭欽此

雍正七年十二月初四日内閣抄出奉

上諭朕即位以來屢有臣工條奏各處地方官徵收落地稅銀交公者甚少所有贏餘皆入私橐國計民生并受其累者雍正三年又有人條奏廣西梧州一年收稅銀四五萬兩不等止解正項銀一萬一千八百兩潯州一年收稅銀二萬兩止解正項銀四千六百兩應令該撫查核擬定奏聞并令各省地方官員等抽收稅銀之處俱據實奏報等語隨經九卿議令各省督撫遴委廉幹能員監收一年之後看其贏餘若干奏聞候旨等語朕思孟子言治國之道首稱取于民有制所謂有制者即一定額徵之數也若稅課之屬無顯然額徵之數則官吏得以高下其手而閭閻無所遵循即如從前各處稅課經地方官徵收有于解額之外多數倍者且有多至數十倍者既無一定之章程則多寡可以任意其弊不可勝言屬員既已貪取則上司必致苛求官員既已營私則胥役必致橫索日積

月累漸有增加之勢而難于稽查豈非民生之隱患乎朕是以先從奏條所請及九卿所議令各省督撫遴委賢員監收一年以定科則其徵收不及舊額者亦令奏聞降旨裁減年來報出贏餘之處朕皆令留于本地或作各官養廉之需或為百姓公事之用使官員用度有賴則自不妄取民財使地方公用有資則即可寬恤民力無非以小民之財物仍用之於民間不令飽貪官污吏之慾壑而已若該督撫等果能督率有司奉行盡善將一年所收者悉行奏聞不及額數者請旨減免則賦有常經萬民共受其福矣乃聞外省中多有奉行不善者如廣東廣西地方則假稱奉旨歸公之名而有加嚴之弊又聞山西落地稅務甚多潞澤二府更甚陵州一邑僻處山中向無額稅今年五月新行添出百姓頗以為苦又垣曲絳縣地方名橫嶺關係晉豫通衢行人絡繹舊設巡檢一員稽查盜匪並無稅課今該巡檢于往來貿易之人每遇一馱索錢十文二十文不等民有怨言以朕所聞

如此則他省之類此者不少矣以朕愛民除弊之善政而庸劣有司奉行舛錯借歸公之名或肥肉養家或爭多鬪勝以致肩挑背負之微物皆徵收稅課而督撫等又不悉心稽查民間苦于擾累或起朝廷加稅之疑獨不思朕心愛養斯民數年以來如江南浙江江西三省額徵錢糧則永遠豁免六十餘萬各省每年蠲免之正賦又一二百萬不等而發帑為地方興修工程者又不下數百萬此外^且所共知者豈有加惠黎元於數千百萬之帑金並不吝惜而轉與小民爭此蠲頭之利乎又如江南通州落地稅原額八百兩自康熙三十四年以後每年止報收二百餘兩至三百兩不等屢經戶部駁查至雍正五年陳時夏始將通州渡口稅銀五百兩已歸併海關徵收是以祇存三百兩情由咨覆戶部經戶部行令該撫確查保題至今三年未見題奏此又寬玩公事不惜民隱之一端也至于提解火耗乃均平通便之道官員有養廉之資民間無苛派之擾上司無得受餽遺徇情瞻顧之私下屬無請託鑽營暗通賄賂之弊種種有益於吏治民

生之處屢頒諭旨甚明從前督撫中有請將耗羨歸公者朕切加訓飭蓋
 此項乃民間之物惟有用之於本地之官民用之於本地之公事若將絲毫歸公
 是朕利其所有矣朕必不為也聞廣東火耗從前是加二有餘自楊宗仁在任
 時定為加一今藩司提解七分州縣已將耗羨加至一七其中尚有戕頭各項合
 計仍是加二廣東一省如此或他處官員亦有因所得養廉不能供其奢靡
 之浪費而設法巧取於民督撫等失於覺察者亦未可定提解火耗之舉始
 於諾敏之在山西朕曾屢次降旨此乃通變宜民之舉若奉行得人則官民並受
 其益倘奉行不善則不能有益於地方各省中有不能行者有不便行者悉
 皆聽之不可勉強一例通行也朕之前旨甚明是以晉省得諾敏豫省得田文鏡
 果然經理得宜此舉遂成善政如廣東等省未得有如諾敏田文鏡之人無怪
 屬吏之假公濟私生事擾累也夫以朕養百姓體恤官吏之苦心諒地方有司不
 能遵奉宣布且緣以為奸使利歸于己怨歸于上此等之人非尋常貪賍

枉法者可比其意欲以擾亂國政結怨民等如查嗣庭陸生楠等之懷藏逆志其罪斷不可宥各直省督撫將朕此旨刊刻頒布所屬大小官員及鄉邑軍民人等知悉自諭到通行之後倘仍有借清查稅額耗羨歸公之名剝削商民加添重耗者一經發覺將經徵之員于本地方即行正法其該管各上司失于覺察者亦必從重治罪決不寬貸特諭欽此

七

雍正八年十一月二十二日內閣抄出奉

上諭朕即位之初清查戶部錢糧始^知歷年以來虧空竟至二百五十餘萬之多是時怡賢親王管理部務奏稱此項虧空歷年已久若一一根究責令賠補則獲罪之人甚衆懇請寬免查究嗣後以本部餘平銀兩陸續代為完補等語朕以歷年該管之堂官庫員職司出納而虧空至于如此若不責令賠補則國法何在而

作弊之人亦無以示懲因令孫渣齊秉公開報著追其開出之數原不及虧空之半其餘則仍係怡賢親王經理代爲完補也迨至上年計實孫渣齊所開之數完納者甚少而拖欠者仍多朕思怡賢親王仁厚居心曾有代完之語今成其善念將應追之項悉予豁免准以戶部平餘銀兩代爲完項此戶部彌補虧空之始末也數年以來該部既有補帑之事是以各省解銀交庫之時平銀未免稍重但從前解京銀兩到部交納時襍費繁多又有暗中包攬官吏勒索種種情弊此外所共知者自怡賢親王管理三庫以來弊絕風清各色浮費悉行禁革雖餘平銀兩畧略加添而較之從前襍費則減省已多且怡賢親王之意原欲俟虧空彌補全完之後仍將平銀裁減此亦王屢次陳奏于朕前者今庫中虧空之項俱已補足著將辛亥年春撥解部銀兩照從前餘平之數減去一半該部即行文各省巡撫布政使知之此項銀兩大約出自耗羨項下嗣後著留于本省以備地方公事之用若司庫官員有額外多索者著管理三庫之王大臣查叅若外省官

員因此次恩旨將解部之項或有扣剋短少等弊亦著王大臣指參從重議處
特諭欽此

○雍正十年正月二十日內閣抄出

上諭京師自上年冬以及新春未得雨雪畿輔地方及近京各省雖有造報得雪者看未亦
未普遍霑足因思上年十一月十五日食據欽天監觀候曾引占書云菑早未麥
有傷之語陳奏朕前朕心甚為憂懼擬於正月祈穀之期虔禱

上帝以迓

天和乃朕躬滿感風寒醫家奏請避風靜攝是以未嘗躬親祀典此心愈加乾惕維

茲數月以來雨雪未降顯係

誠

上天垂象以示其可畏也朕虔修省體察政治之闕失以期仰格

天心爾大學士九卿等各宜恪慎齋戒至誠祈禱尤當洗心滌慮殫職奉公以為敬
天祈福之本京師為四方輻輳之地民食浩繁更宜預為籌畫至於該督撫等各
自敬修省國而為地方兩澤之有無播種之遲早務期悉心訪察先事圖維倘
二變敵愾必預思慮預防之策未使黎民有乏食之虞方不負朕之委任倘有玩
忽隱飾等弊經朕訪聞必加嚴譴內外大臣等領此諭旨務在實心奉行不
必以空言覆奏特諭欽此

九

○雍正十年五月十四日内閣抄出奉

上諭據貴州布政使常安奏稱黔省下游苗疆兵米有由陸路運送者需用人夫
應文與地方官僱腳運送從前軍興之際日給三分之數今可否量為加增庶

幾永遠行之無累於民等語苗地站路崎嶇險峻原非坦途且將永爲定例自應仿照時價給發著署撫元展成飭行司道等或計站道之遠近按站定價或就站道之里數按里給銀每夫每日議定幾分務使敷用可以永遠遵行又常安奏稱來牛城垣爲八寨之藩籬通古州之大道若建石城益資捍蔽等語來牛地方卽建築土城未嘗不可以捍蔽但聞該處土鬆難保堅固且取石亦不甚遠若建石城可以一勞永逸著元展成委員確估妥議具奏特諭欽此

○
○ 雍正十二年正月初二日

上御

乾清宮西爇閣

召諸王大臣面奉

諭旨諸王大臣以元旦立春恰遇甲寅年丙寅月戊寅日甲寅時瑞雪繽紛竟日盈尺考之占

書最為佳祥豐年可慶為朕稱賀朕素不言祥瑞降諭至再至三爾諸王大臣聞之孰
矣凡祥瑞者特其兆耳兆也者古之先見高屬未成之際全在人事贊成凡靈芝慶雲麟鳳
嘉禾之屬皆

天心所以示喜豈得不以為慶但須君臣益加修省以祇承

天之休命果能事事上合

天心賜得一個是字則祥乃成其為祥否則其事尚在未成何得遽為稱慶洪範恭之對
待曰狂如或因有嘉兆而不加修省遂侈然自肆則狂之咎徵特在轉移間耳祥其可恃乎
朕不敢妄自比擬但理以譬喻而得明譬如爾諸王大臣朕以其人可用許以加恩其人聞
朕恩旨便自放縱頓改前操朕亦惟有收回成命而加之以罪豈得更不轉移仍以恩待乎
總之灾祥之兆尚視人事如何以定休咎過灾而能加修省灾必不成為灾過祥而龜勉敬
承祥必益成其祥倘遇灾而不知修省其灾固不待言過祥而不知敬承其祥豈能必其為
祥也朕于天人感應之際信之甚篤知之甚明信之篤是刻不敢自懈自逸知之明是以不

憚反覆申明詰誠爾諸王大臣詩云天維顯思無曰高高在上蓋面前虛空即是昊天足履撮土即是大地此面前虛空與日月星辰所麗之天無二無別此是履撮土與岳瀆山河所載之地無二無別皆屬天地一身之內猶如人有七尺之軀人身後一毫毛則通體皆知痛癢豈有不入于天地中舉一念行一事而天地有不痛癢相關者乎作善降之百祥作不善降之百殃如影隨形如響應谷形谷既存而以影響為不可必之數豈不愚昧顛倒之甚夫善者公而已矣心乎天下國家之謂公心乎一身一家之謂私為大臣者誠心乎天下國家之公而不計及一身一家之私天有不降之百祥者朕信其必無是理然則其一身一家之計正復得則得也苟心乎一身一家之私而不計及天下國家之公天有不降之百殃者朕亦信其必無是理然則其一身一家之計亦復失則失也朕雖深信此理朝乾夕惕不敢刻忘然天下國家之事非朕一身所能獨理書曰天工人其代之朕不能不賴爾諸王大臣之克代天工則朕固不能已于諄諄訓誡爾諸王大臣也朕非推諉爾諸王大臣但朕所為者朕之事諸王大臣須各盡爾諸王大臣之事且惟無志則不能自之而推委他人如為大臣者以天下國家之事為己躬之事以為非我莫能為而身任之而不辭斷不諉之他人一人如是人

人如是則內外大小諸務有不事事合宜者乎如使內而八旗部院每事諉之叅佐
 司屬叅佐司屬又諉之大臣外而督撫藩臬每事諉之府廳州縣府廳州縣文諉
 之督撫藩臬又或內則諉之于外外則諉之于內內外交相推諉皆謂至上有乾
 斷如此則朕何所恃以代天之工朕雖朝乾夕惕亦何由使事事合宜以仰邀
 上天之嘉祥福應乎今歲元旦時雪既有其兆當益加奮勵朝夕修省以其成此瑞慶
 我君臣其共勉之欽此

雍正十二年六月二十八日內閣抄出奉

上諭據總督尹繼善等奏稱黔省遵義府除遵義仁懷兩大稅之外又有遵義縣
 小板場等壹拾肆山場小稅銀叁百三十九兩零綏陽縣永興山場小稅銀六十六
 兩桐梓縣新街山場小稅拾肆兩零共肆百拾玖兩零到場之物皆係遵義仁懷兩

大稅處已經徵稅者查黔省原有各山場小稅久經豁免遵義向隸川省是以仍循舊規今既改隸黔省應請一例邀免以除民累等語遵義等縣山場小稅既於遵義仁懷兩大稅處已經徵收若分販小場又復抽取未免重複催頭衙役更得藉端需索均有未便著照黔省通例一併加恩豁免該部即遵諭行欽此

雍正拾貳年七月十四日內閣奉

上諭據毛克明奏稱粵東海關地面遼濶事務繁多洋商胥吏以及地方勢豪引誘串通弊端百出監督一官難於稽查防範不若就近歸於督撫兼管則通省文武軍民均受統屬節制不敢欺公玩法丹令京員掌管監督印信監收錢糧則稅務肅清而弊端可杜等語毛克明所奏是著照所請將粵東海關稅務交與總督鄂彌達兼管稽查彈壓令內務府員外郎鄭伍賽掌管監督印信監收錢糧等項毛克明應否仍令兼管之處著鄂彌達定議具奏欽此

雍正十三年二月十一日內閣抄出本月初八日奉

上諭聞江南淮安板閘地方有土棍人等開立寫船保載等行由該縣濫請司帖合夥朋充為客商之擾累自經該閘差追帖禁止而土棍等仍改易姓名盤踞淮閘上下凡有南河北河西河三路豆米貨船內有重載在於閘口催覓小船起剥者土棍等輒借強執催任意勒索使用不厭食不休客商甚為苦累每每觀望不前此朕得之傳聞者着該督撫再行確查倘果有此等情弊即嚴懲禁止毋得視為具文嗣後布政司衙門亦不得濫給牙帖若他處閘口有似此作弊者着督撫一體查禁欽此

一四

雍正十三年伍月二十八日奉

上諭據哈元生元辰成奏報古州逆苗不法臣哈元生於四月二十日馳赴軍前調度閏四月三十月初一日副將紀龍周儀署恭將哈尚德崔傑等各領官兵分路擊殺逆苗


奔逃斬獲無算驛路開通黃平一帶地方居民復業及時耕種等語前聞黃平一帶居民被逆苗擾害朕心深為軫念已經降旨諭令該督撫動撥正項錢糧確查賑恤今民人復業之初或仍有遺徙未回及資生無力者著元展成遴選賢員招徠安插加意撫綏勿令一人失所此次哈元生進勦已降旨授為揚威將軍所有在事有功將弁兵丁候事竣查明分別議叙其附賊之逆寨餘黨應勦應撫之處著哈元生酌量辦理據元展成奏摺內稱黃平地方為倉庫監獄重地元展成既知黃平為倉庫監獄重地逼近苗疆從前何意止設官兵三十名被賊侵擾而伊平時全不留心籌及亦不具奏請旨以致倉卒無備甚屬溺職今官兵到彼苗賊回避乃自然之情勢而元展成奏報之時不自知從前辦理之非大言不慚似有以地方復舊為幸之意甚屬不合事畢論其功過著該部嚴察議奏欽此

雍正十三年八月初三日奉

上諭從前經理苗疆之意原因苗性兇頑久為地方居民之害是以計議剿撫
 為又安百姓之計若云利其民人則其人不過如鳥獸之屬若云貪其土地則
 其地本在吾版圖之中縱使日久之後苗衆抒誠向化輸納少許錢糧計其尚
 不及設汛養兵萬分之一然則國家果何所利而為此哉乃經理之始既多疎虞
 而善後之策又復草率即如迤迤苗疆之要州縣設兵不過三四十名全
不足以資捍禦而逆苗萌動之時文武官弁又皆在睡夢之鄉茫然一無知
覺今逆苗突入內地勾引熟苗肆行搶掠良民遭其荼毒以安民之心而成害
 民之舉朕與前後經理之大臣安能辭其過耶每當讞獄之時遇身獲重罪之
 犯應加刑辟者朕與執法之臣皆再四推研求其生而不可得然後置之於法此心
 尚應惻然其見小卑劣者尚欲賣法以為陰德今黔省被害之民皆無罪之良民也
 我君臣目視其遭兇苗之慘禍如湯火朕言念及此幾為淚落實無顏以對被

害之黎庶也不知代朕經理之大臣又如何存心矣其幸得保全之民人此時當竭力撫綏以贖吾君臣從前之過勿裨煩勞勿惜公帑期登災黎於衽席若再稽查不力董率無功以救災恤困之資或飽汚吏貪官之腹不令窮民得霑實惠經朕訪聞將大小官員在該省即時正法以示衆或有但知潔己而不能安插貧民者著該督撫即以溺職題叅不必論其向日之官聲稍為寬貸其災黎避徃之地方亦照此旨一體料理若視為隣省之事稍存怠忽之心朕亦必治以溺職之罪若將賑之項借名侵蝕者亦必即行正法貴州既有被害之州縣則運餉募夫俱須隣郡接濟著將今年黔省錢糧通行蠲免其被賊殘害之州縣蠲免三年錢糧若有已徵在官者准抵下次應徵之額賊著將此旨通行曉諭各省官弁兵民等咸使聞知特諭欽此

雍正九年正月起到十二月止



兵部造送

上諭檔

冊

雍正九年正月初四日大學士公馬爾賽等傳

旨署天津總兵管承澤著即速來京另有差遣之處欽此

雍正九年正月初四日內閣抄出奉

上諭西寧大通二處總兵官印務俱係提督馮允中兼管今當軍需之際西寧地方甚為緊要着馮允中專管西寧總兵官印務其大通總兵官印務着副都統管承澤署理管承澤未京請訓馳驛前往其辦理青海事務之散秩大臣達爾巴往噶斯地方着都統德成馳驛前往給與欽差大臣關防與恩滿岱等協同辦理青海與情噶斯軍需欽此

雍正九年正月初四日內閣奉

上諭甘涼西寧等處現在增募兵丁但新募之兵應給軍器一時未能齊備
着將角弓五千張戰箭二十五萬枝烏鎗五千桿自京送至西安交與巡撫武格
侯大將軍岳鍾琪署總督查爾阿派定需用處所武格即委員送去欽此

雍正九年正月初五日內閣抄出奉

上諭都統德成前往西寧辦理青海翼務及噶斯軍需着照達爾之例給與養廉
銀兩其帶去之司官陰柱筆帖式額爾德孫護倫太亦酌量給與養廉又從前
派往陝省辦理西路軍需之司官傅寧武弘彥掄達禮王曉林朝着許容照例
給與養廉銀兩欽此

雍正九年正月初六日內閣抄出奉

上諭侍郎馬爾泰着馳驛前往西安與巡撫武格協同辦理一應軍需事務其
養廉之項着巡撫武格酌量支給欽此

雍正九年正月初九日內閣奉

上諭據提督馮允中奏稱西寧所屬土司魯華齡年力精壯實心辦事
歷年隨師征勦辦理軍需著有勞績請俟有遊擊缺出委署等語該
土司魯華齡抒誠宣力甚屬可嘉除已降旨與馮允中於西寧大通
遊擊缺出將魯華齡以叅將銜委署外茲因副都統二格前赴西寧著

賞給魯華齡孔雀翎併蟒緞大緞十疋以示朕優獎効力土官之至意欽

此

三

雍正九年正月初十日議政大臣大學士公馬爾賽等轉傳

上諭署副都統拉色禮著馳驛前往西安辦理副都統事欽此

三

雍正九年正月十一日內閣抄出奉

上諭準噶爾賊人乘我西路軍營不備傾其醜類犯我卡倫盜趕駝馬勢甚猖獗
總兵官樊廷率領副將冶大雄等領兵二千當賊二萬之衆轉戰七晝夜救出西

處卡倫官兵與總兵官張元佐等會合之後擊殺賊兵不計其數又將盜去駝馬
牲畜奪回樊廷忠勇冠軍頗能勝美總兵官張元佐副都統綽般台吉衮布三等
台吉定扎拉錫領兵應援奮力夾攻大敗賊衆副將張朝良以孤軍被因而能
全師出圍允此將弁皆見義能勇授身効力均屬可嘉樊廷着賞給一等阿
達哈哈番張朝良治大雄俱着賞給拜他拉布勒哈番張元佐綽般着賞給
拖沙拉哈哈番台吉滾布着封公爵三等台吉定扎拉錫着授為查薩克一
等台吉其餘有功將弁俱着大將軍岳鍾琪查明奏聞朕自然一一加恩從
優議叙樊廷着賞銀一萬兩張朝良治大雄俱着賞銀五千兩張元佐綽般俱
着賞銀三千兩但等軍前無需用銀兩之處着將賞賜銀兩令大將軍岳鍾琪
差人送交但等任所請屬收受再着署內務府總管郭善馳驛前往肅
州于軍需銀兩內動支十萬兩俟大將軍回赴軍營時郭善同往令大將軍

將此番出征弁兵等查明戰功等第鄂善宣傳諭旨按名賞給至陣亡將
弁兵丁著大將軍分晰查明造冊具奏到日候朕降旨從優賞卹再令該
督撫動用正項錢糧于安西地方建立忠勇祠將陣亡之弁兵丁等設造牌
位送入祠內令地方官春秋致祭俾義烈將士永遠流芳以示朕崇獎忠勲
之至意此番賊人侵犯西路軍營起于倉猝朕未先事籌及岳鍾琪措置失
宜朕與岳鍾琪當分任其過紀成斌護理寧遠大將軍印務身在軍營其
功過俟事定再議外其餘失事員弁一槩從寬免議著大將軍岳鍾琪
不必查參欽此

雍正九年正月十二日内閣抄出奉

上諭內大臣克什圖差往青海同王額爾德尼額爾客托客托恩等管青海兵

丁克什圖所辦驛站事務交與五十四倫公辦理欽此

雍正九年正月十三日奏抄出奉

旨嚴扎那着給與副都統職銜賞銀二千兩令其製辦前往伊所帶筆帖式

照前往軍前之筆帖式賞給欽此

雍正九年正月十三日内閣奉

旨范時繹差往陝西辦理軍需著給與欽差大臣關防欽此

雍正九年正月十六日內閣抄出奉

上諭副將軍查弼納前赴軍營着給與昭武將軍之印帶去若途次行走
有行文之處着用昭武將軍之印欽此

雍正九年正月十六日內閣抄出奉

上諭着直隸總督唐執玉會同署提督路振揚于古北口兵丁內派出馬兵二百名
宣化鎮標營兵丁內派出馬兵五百名該督于督標兵丁內派出馬兵三百名
其派一千名令遵化營遊擊趙偉京營守備陳璋周福旺楊侃効力之千
總馬之龍前往保定該督將三處兵丁分交與趙偉等帶領前往西安
府聽大將軍岳鍾琪署總督查郎阿調遣欽此

雍正九年正月十六日內閣交出奉

上諭雲南提督張耀祖此次辦理烏蒙軍務甚屬不及有爪提臣之職著辭任
交與總督鄂爾泰查奏若目下尚有需用之處着酌量委用贖罪効力行
走雲南提督員缺著貴州安龍總兵官哈元生補授安龍鎮總兵官員缺
著將鎮雄叅將歸勳補授烏蒙總兵官員缺著將督標中軍副將徐成貞
補授臨安總兵官員缺著將新泰副將董芳補授其古州楚姚二鎮總兵官
員缺俱屬緊要著總督鄂爾泰於所屬總兵副將內或調補或揀選一面奏著
一面奏聞其所有副將各員缺亦著鄂爾泰進行委著題補特諭欽此

雍正九年正月十七日內閣抄出奉

諭旨問公永奇每逢祭祀如何並不齊或據永奇云長有瘡癩着交宗人

府查欽此

內閣抄出雍正九年正月二十日奉

上命內務府總管鄂善齊內庫銀十萬兩前往西路軍營賞賚有功將士并

加卹致奠于陣亡弁兵因

召入大學士公馬爾賽大學士張廷玉蔣廷錫尹泰步軍統領阿齊圖理藩院尚書特古

忒及鄂善等面頌

諭旨

上深憫効忠授命之士親酌酒三爵洒淚諭鄂善曰此番準噶爾賊衆侵犯西路汎界盜竊駝馬乘我不備事起倉猝其力戰克敵者甚屬可嘉而効命疆場者尤為可憫前已降旨令建忠勇祠春秋祭享以表忠節矣茲因賞給世職令其子孫承襲永誌恩澤副將徐宗仁着給與拜他拉布勒哈番守備劉貴才劉芳而李國勳俱着給與拖沙拉哈番其應得卹典仍着該部察例具奏千總王大謨徐維新外要把總方正劉世勳俱着該部從優議卹此外如有應加恩卹之弁員俱着大將軍岳鍾琪查明具奏凡陣亡兵丁于卹賞定例之外倍加賞卹其跟役人等有受傷亡故者着照兵丁卹賞定例給賞朕今以酒三爵遙酌陣亡將士徐宗仁等鄂善將酒賚至軍營凡陣亡將士每名以羊一隻奠祭宣朕憫卹傷悼悱惻不忘之至意此番以死勤事之人非尋常衝鋒破陣之比實因一時倉猝不及預料乃朕未曾先期籌畫之所致朕心深為抱愧尤覺悚感朕所以徧加恩卹者出

于中心之至誠非欲借此以鼓勵行間將士也朕不得已而用兵本欲全師克敵
不損一人乃為至願豈必捐軀致命始稱効忠報國乎今此陣亡弁兵朕雖加恩
優卹而惻怛不忍之念愈覺難釋于懷著鄂善將朕諭旨編行宣布令衆
知之至于所賚賞賚銀十萬兩鄂善至軍營時或與大將軍岳鍾琪或與獲
大將軍印務紀成斌分別將弁兵丁建功出力之等次秉公賚給務使宣勞効
忠之人俱得沾被恩賜以示國家酬庸獎勲之令典欽此

三

雍正九年正月二十二日內閣奉

上諭重慶總兵官任國榮著來京另有用處重慶總兵官員缺著山永協副將張朝
良補授張朝良現領兵在外其重慶總兵官印務著提督黃廷桂於副將秦
將內遴選委員署理欽此

雍正九年正月二十三日內閣抄出奉

上諭上古魯收糧之筆帖式奇書以二百餘人竭力衛糧桿賊賊衆圍困數日能固守糧營保全軍實深屬可嘉着賞與拖沙拉哈番再賞銀五百兩其同在上古魯糧城之弁兵着岳鍾琪查卹河查明到日從優叙賞欽此

雍正九年二月初二日內閣抄出奉

旨傳諭兵部將提督哈元生之子古北口提標把總哈峻德調來引見欽此

雍正九年二月初二日奏事郎中張文斌等交出奉

旨千總合尚德人明白去得亦會効力着兵部行文與總督鄂爾泰遇有遊擊
缺出題補原任千總馬良貴遇有守備缺出亦行題補欽此

雍正九年二月初三日內閣抄出奉

上諭副都統二格着前往肅州協同署總督查郎阿辦理軍需事務又前降旨
令署肅州總兵官馬會伯前赴軍營協同紀成斌辦理軍務今大將軍岳鍾琪
奏請親赴軍營則馬會伯可以不必前往着仍在肅州辦事候朕諭旨欽此

雍正九年二月初七日大學士公馬爾賽等面奉

上諭爾等寄信與岳鍾琪查朗阿着知會梳奕旅班第衆佛保令其即速
來京欽此

雍正九年二月十四日內閣抄出十二日大學士公馬爾賽等奉

上諭駐藏之官弁兵丁等已經數年未曾更換朕心深為軫念查從前派往之
兵係陝西一千名四川一千名今陝西兵丁現有征勦準噶爾之事難以派往西藏四川
新經招募充伍之兵甚多着提督黃廷桂巡撫憲德酌量於新舊兵丁內揀
選二千名前往西藏將從前駐藏之兵換回其弁員等自總兵以至千把亦應更
換若大員內一時不得職銜相當之人着加意揀選幹員加銜委署前往着黃廷
桂憲德悉心定議具奏欽此

內閣交出雍正九年二月十六日奉清字

上諭北路寧夏兵丁一千名着令回去伊等在外日久近經又調寧夏兵丁前往肅州現在寧夏兵丁亦少應俟盛京黑龍江等處兵丁全至軍營時令伊等于六月初旬起青草時起身回去統領此兵現在副都統赫色圖克善來京應即令伊等緩緩帶至寧夏再來爾等行文赫色圖克善如在途遇見則令伊等即緩緩回至軍營等候如至京城亦着緩緩回去寧夏副都統燕圖着仍留軍營伊如欲將寧夏官兵內留用二十名即令留用燕圖仍照舊着在參贊大臣上行走令伊管轄何處兵丁之處着大將軍傅爾丹酌量辦理欽此

雍正九年二月二十九日内閣抄出奉

上諭國家教養將士加恩于平時原欲其有勇知方緩急可恃以備千城之選果能臨
戎遇敵奮勇先登勞績戰功卓然可紀尤當沛以殊恩優加體恤以獎志誠而奮壯畧
也上年冬底準噶爾之事出于不備總兵官樊廷等率領兵弁鼓勇星馳以寡敵衆
轉戰十餘晝夜壯三軍之威破賊人之胆此等功績實在平時勤寇平戎之上朕心
嘉悅以頒諭旨厚加爵賞以表忠勤又念國家之所望于弁兵與弁兵之報効國家者
惟在奮力行間耳今弁兵之奮力至于如此從來罕聞者是但等之力以効伊等之職已
無忝矣雖義勇之士口不言勞未嘗遽有耽逸求安之念然朕揆情度理應令戰陣
有功之弁兵更換休息朕心始安若將已經致身竭力之人仍留戎行以待大軍凱旋
之後朕不忍也況兵丁中有侵冒冰雪觸犯鋒鏑而損傷手足者尤可憫惻已降諭旨

令軍營加意調治務俾速痊給與狀載口糧送回本汛想著大將軍等已遵旨料理矣
著大將軍岳鍾琪將此次隨樊廷張朝良等禦賊有功之將弁兵丁各一查明應令各
回本營本汛者著另選撥以代之並將此旨曉諭軍營俾悉朕褒嘉勇壯篤念勤勞
之至意朕又思川陝二省地方數千里甚為遼闊今西邊有辦理軍需之事總督一員難以
控制向來川省曾設總督今仍著添設四川總督一員即以提督黃廷桂補授其四川提督
員缺著將原提督紀成斌調補原提督員缺著將肅州總兵官樊廷補授肅州總
兵官員缺著將重慶總兵官張朝良調補重慶總兵官員缺著將漕標副將馬義補
授漕標副將員缺著將浙江提標參將王邦寧補授直隸山永協副將員缺著將莊浪
營參將冶夫雄補授石雲倬馬紀勳等到軍營之後著樊廷等再各回新任紀
成斌未回四川之先其提督印務仍著黃廷桂兼管特諭欽此

內閣交出雍正九年二月二十日奉

上諭馬會伯着前赴巴爾庫爾軍營協同紀成斌辦理軍務欽此

雍正九年三月二十七日內閣抄出奉

上諭何祥書着往北路軍營去令大將軍傅爾丹酌量授以綠旗
武職品級照伊石禮哈令管轄九千車兵効力行走欽此

雍正九年三月二十七日奏事郎中張文斌等傳

旨奏事筆帖式阿常阿差往河南著馳驛前去欽此

雍正九年四月十四日內閣抄出奉

上諭朕因陝甘二省習聞匪類訕謗朝政之言以致無知之人被其迷惑又以連年用兵邊塞輓粟飛芻不無資于民力之虞而草野之間不知軍國邊防之重計朝廷萬不得已之苦心弱于私情妄生疑惑是以特遣左都御史史貽直侍郎杭奕祿署內務府總管鄭禪寶率同翰林院庶吉士六部學習人員國子監肄業之選拔貢生等前赴秦省專司宣諭化導之事務使僻壤遐陬家喻戶曉不可視為具文潦草塞責更不可指稱公事派累地方倘奉行不力而轉令地方有供應之煩是朕之遣官非所以安之乃實以擾之也欽差大臣等已給與驛馬廩給其分派之官員等皆厚給公帑以為僕從車馬館餐行李之費所到之府州縣地方一絲一粟不許索取該有司亦不許應付餽送倘

有不遵朕旨者與受同罪決不姑貸欽差與有司官除宣諭化導公事外不得私相往來招人指摘倘地方官有干謁逢迎等情經朕訪聞必從重治罪若差徃之官員等有生事滋擾而總理大臣失于覺察者朕將于大臣是問倘地方辦理軍需有騷擾民間而差徃之大臣官員知而隱匿者別經發覺朕于欽差之大臣官員是問將此旨通行曉諭知之特諭欽此

四五

雍正九年四月十四日內閣抄出奉

上諭提督馮允中熟悉邊情老成練達但聞近患目疾行走須人扶掖於訓練操防稍覺未便西寧一鎮關係緊要其總兵官事務著德成協同辦理固原提督樊廷現在軍前已降旨令回固原之任俟樊廷到任後范時捷著協同馮允中辦理西寧總兵官事務欽此

雍正九年四月十七日內閣抄出奉

旨河南城守尉邱務著護軍叅領花色署理再著布政使高斌協同辦理欵此

雍正九年五月初一日內閣抄出奉

上諭據山西巡撫石麟奏稱太原駐防兵丁五百名內派出三百名前往寧夏所有留營兵丁不敷本地輪流差委之用據各旗閑散丁壯塞爾泰等呈稱自祖父以及本身俱受國家養之恩未能仰報萬一今情愿不領錢糧當差効力臣隨親行考驗選得年力精壯技藝可觀者一百名照伊等所請不給錢糧令其承應差使看守地方將來俟有兵丁缺即將伊等揀選頂補等語太原各旗閑散兵丁等雖稱不領錢糧情愿効力但伊等既今當

差學習行走亦當酌加恩澤以示鼓勵著每名每月給與餉銀一兩兵米三斗以資其食
用著該石麟時加教訓務令勤謹當差勉向上若有名糧缺出即將伊等揀選頂補以
副朕教養兵丁之至意特諭欽此

四八

雍正九年五月十一日內閣抄出奉

工諭任 國榮着仍帶總兵官銜前往北路軍營管理車兵兼司屯種事
務着大將軍傅爾丹酌量派委照總兵官胡傑之例行走欽此

雍正九年五月十三日內閣奉

上諭曾謨著調補充州等處總兵官岳含奇著調補登州等處總兵官前降諭旨令湖廣預備兵丁二千名聽候西路軍營調撥之用著岳含奇前往湖廣會同總督邁柱加意挑選人材壯健技勇優長者二千名即令岳含奇帶領前赴西安駐劄其領兵之副叅遊守千把等官亦著邁柱岳含奇揀選前往敷用則已不必多派此所派兵丁內著長子藤牌者挑選五百名或一千名充入二千名之數若弁兵有人材可用情願前赴軍前効力者亦酌量派岳含奇酌量派用此二千兵丁著于秋末冬初候旨從湖廣起身一應賞賚銀兩照例給與其登州總兵官印務著浙江温州總兵官冉起鳳前往署理温州總兵官印務著總督李衛遴選委署欽此

雍正九年五月十五日內閣抄出奉

上諭據雲貴廣西總督鄧爾泰奏稱善洱府添設新鎮額兵二千四百名內除原收普威營兵一千四百名及新募補額外其餘調撥之兵俱有家口在各標營一時無力搬移未免分心兩地且景蒙營原撥普威營兵二百名時因鎮威江壩等處屢有軍務家口尚在景蒙地方今又改歸新鎮亦應令其搬移居住共計未搬家口兵丁八百名相應仰懇聖恩賞給路費俾得成家立業又黔省撥往古州清江等處各鎮協營兵丁及滇省烏蒙鎮新增兵丁二千五百名內有道途搬移之費者應否一體賞給以廣皇仁等語數年以來滇黔兩省兵丁踴躍急公甚屬効力朕已屢加恩澤獎賞勤勞茲所派往善洱及古州清江烏蒙等處之兵俱從他處搬移安土重遷應加恩恤

該督陳奏甚是著照所請給與遷移之資於公用銀兩內即行支給以副朕
惠養兵丁之至意特諭

五一

雍正九年五月十七日內閣抄出奉

工諭西路軍營千總馬建功奉差探聽賊兵信息帶領兵丁十人前往因人少力單遇
賊被害並傷兵丁石玉張秀閻德三人深可憫惻馬建功俱著照陣亡之例加恩
恤賞欽此

雍正九年五月十九日內閣抄出奉

上諭前日降旨令山東總兵官岳含奇前往湖廣挑選兵丁帶領赴陝以為
備用京營遊擊卞銓人材壯健辦事明白著加叅將銜與岳含奇一同赴楚
卽隸岳含奇標下分任領兵之職挑選楚兵時著卞銓一同挑選所有論岳
含奇旨意著卞銓口傳卞銓著賞銀一千兩為路費其領兵赴陝馬匹口
糧等項仍照例支給欽此

五三

雍正九年五月二十九日面奉

上諭爾等子侄輩名上一字俱著仍用弘字下一字如必有日字傍者恐不敷用以
致重複內庭已用之字此後著隨便擇取不必據定有日字傍者再火一輩名上一字
俱著仍用永字下一字亦隨便擇取汝將此旨亦知會宗人府應改正者改正欽此

雍正九年五月二十九日內閣抄出奉

上諭朕視天下兵丁皆為一體莫不冀其生計有賴俯仰從容然養育于平時者自有經常畫一之道而加恩于格外者則不得不由近及遠次第舉行量國用之盈絀而為之若必欲一概施恩不分遠近先後則將因經費之不敷而稽遲膏澤之下逮矣如恩賞生息銀兩一事首先及于在京之八旗兵丁次則推廣于外省駐防之八兵及督撫提督標下之兵丁等又次推廣於各省鎮標之兵丁等皆令將軍副都統督撫提督大臣會同經理以為長久之計數年來固有料理得宜可濟兵丁之緩急者而措置未協啟人議論者亦往往有之則此事經畫之難可知矣至于各省協標兵丁同列行伍朕豈不欲一體加恩但各兵分防之處與督撫提鎮相隔遙遠若偶遇緩急必須文移往來多延時日始得領此數金豈能濟其一時之用若

照例給發生息銀兩與協鎮等則現今督撫提鎮大臣辦理此事尚覺繁雜未能妥貼協鎮以下等官豈可交辦此事徒貽累于弁員而無裨于兵丁之實用乎况天下兵丁衆多國家經費通盤計筭其勢難以普及此亦一定之情理近聞各省協標兵丁有謂督撫提鎮等不為代請而生怨望之心者為此特頒諭旨着該管官通行宣示使伊等知國家之施恩並無偏向或行之冰澤自有後先將來西陲軍務告竣國用充饒朕再徐思周偏加恩之策若伊等不察事勢此時遽欲均霑妄生冀倖是因朕逾格之恩而放伊等非分之望則朕唯有將現行之恩賞悉令撤回然後可以畫一豈不因數人之無知而阻衆人受恩之路乎思之特諭

欽此

雍正九年六月初七日內閣抄出

上諭朕叔恭親王常寧昔年受

皇考反愛深恩不知感激報効而因循懶惰悠忽終身此中外所共知者恭親

王身後

皇考因滿都護平日糊塗庸愚為衆人所輕賤即恭親王在日亦憎厭不以
為子不便將伊承襲只得以其弟海善承襲封貝勒令在內庭行走教誨
施恩望其成立以繼恭親王之後乃伊性情暴戾行止乖張口出逆言心無倫
理種種罪惡不可殫述嗣因陶和氣案內款蹟敗露革去貝勒禁錮在家
未幾仍蒙

皇考寬宥慈恩將伊釋放遣往軍前効力贖罪乃伊仍不悛改輒敢違旨私

回若論軍法憲章均無可赦朕念其為恭親王後裔委曲全其性命仍行拘禁此海善之大概也從前海善獲罪之後無應襲之人

皇考不得已而用滿都護且加以

厚恩畀以榮寵緊要職任無非欲其努力向上改過自新以延恭親王一脈也乃伊下愚不移受恩不感轉入于阿其那塞思黑蘇努保泰等之邪黨私相固結而不思

皇考高厚之鴻慈其顛倒妄亂至于如此及朕即位以來仍復加恩任用指示開導以感動其天良或收後效而伊顧恋匪黨狡獪百端捏感人心阻撓國政且鑽營詐偽行止卑污其獲罪被叅之案不可枚舉朕悉行寬宥而保全之此滿都護之大概也滿都護之弟對青額庸劣不堪罔知愧恥昔在侍

衛班聯曾因飲酒沉醉竟溺于中和殿階級之上此衆人所共知者海善之子倫木布昔蒙

皇考深加恩養令其在乾清門侍衛班中行走訓誨於今冀其上進乃

皇考升遐之日萬國臣民如喪考妣而倫木布面無悲感之容目無涓滴之泪

朕以此知其未具人心矣是以降旨將伊與伊父海善一同拘禁今已病故此

對青額倫木布二人之大概也朕恭親王之子孫大抵如此假如稍有可望成立

之人則滿都護屢獲重罪之後朕即可選擇而另用之矣祇因不得其人

以將滿都護姑容曲宥以至於今今滿都護病故伊又無子現今無可承襲

者朕念吾叔後嗣凋零再四思維欲再加斟酌或擇一人襲封貝勒或賜襲

郡王以繼其後然而得人則可以繼續先緒不得其人則必至廢墜豈聲且

一時勉強襲封而不克承受得未獲罪被遣難以保全非所以成就之也海善等即前車之鑒着宗人府會同議政大臣八旗都統滿洲尚書侍郎等秉公詳慎于恭親王子孫內選擇可以襲封之人通公舉出奏聞旨另有勅諭若果不得其人朕意欲照

皇考時以朕弟淳郡王過繼純親王為嗣之例于朕幼弟中選擇一人封為郡王以繼恭親王之後如此則朕之王爵可以長久綿延而伊之親子孫各守祿位易于稱職永遠共受國家之恩澤以為有益亦着悉心定議具奏特諭

五六

雍正九年六月十二日內閣奉

上諭朕數年以來為八旗事件所降諭旨果親王今挨次編輯呈覽朕

親加詳閱甚屬妥協王既稱本館校閱等官在館寔心効力行走將
校閱官德齡穆敦繙譯官常保松壽舒敏對當官色蘭泰覺羅玻忒
交部議叙果親王亦着議叙具奏欽此

五七

雍正九年六月十九日內閣抄出奉

上諭兵部侍郎通智著前往西寧協同德成辦理軍務其察漢托輝渠工程等項
著內務府總管鄂善前往寧夏與史在甲一同辦理此旨到日通智即速起身西
寧其工程一應錢糧事件有史在甲在彼不必俟鄂善到時交代欽此

前赴

雍正九年六月二十一日內閣抄出奉

上諭河南因田文鏡授為總督是以將中軍改為副將今田文鏡辭任養病暫令張元懷署理巡撫印務田文鏡病痊自然仍回原任其巡撫中軍事務仍着副將王來佑管理欽此

雍正九年六月二十三日內閣抄出奉

上諭八旗滿洲蒙古漢軍以及包衣佐領家下人等內照從前將漢仗好行走歷練能受辛苦者再派二千名賞給伊等家主伊等作為另戶一應應得恩賞俱照從前僕兵給與欽此

雍正九年六月二十八日內閣奉

上諭四川巡撫憲德奏摺一件著封固發與內閣學士德齡鴻臚寺卿顧祖鎮秉公察審若德齡顧祖鎮已起身來京著仍回四川辦理欽此

內閣抄出雍正九年七月初三日奉

上諭直隸河道總督劉於義侍郎王國棟趙殿最翰林院侍讀學士春山給事中汪懋德福御史王壯差往三省查看地方收成俱著給與驛遞夫馬王國棟趙殿最著給與欽差大臣關防春山等著給與欽差官員關防

欽此

雍正九年七月初五日內閣抄出奉

旨格默爾擅離汛地領兵欲回西寧近邊地方甚屬悖謬理應以軍法從事朕念伊之先人不忍加誅而此番追擒叛賊諾爾布伊之派往人員已經拿獲格默爾着寬免其死革職令往騰格里卡倫地方効力贖罪行走噶喇大查霖乃駐扎卡倫為首人員並不小心防守以致馬匹被賊搶去甚屬庸懦不堪着將查霖革職一併令往騰格里卡倫地方効力行走伊等若不努力行走仍致馬匹被竊悞事定照軍法治罪郎中富寧係格默爾一同辦事之人格默爾領兵回來富寧並不阻止反將修城夫役一同帶回有悞工程亦屬悖謬着將富寧革職留任仍令督修城工効力贖罪若不上緊修築貽悞城工定行從重治罪欽此

雍正九年七月初七日內閣抄出奉

旨大將軍公馬爾賽帶兵前往著派原任延撫布蘭泰原任侍郎阿克敦
辦理糧餉事務欽此

雍正九年七月初十日內閣抄出奉

上諭江南總督高其倬將印務交與戶繼善署理即馳驛來京陛見再赴
雲南之任總督鄂爾泰將任內事件料理清楚高其倬一到即行交代馳驛
來京欽此

雍正九年七月十三日内閣抄出奉

旨大學士忠達公馬爾賽着授為撫遠大將軍給與撫遠大將軍印欽此

雍正九年七月十八日内閣抄出奉

旨阿克敦著授為內閣額外學士隨撫遠大將軍印欽此

雍正九年七月十九日内閣抄出奉

上諭看來各省駐防處所現今壯丁滋生繁多若令伊等閑居既無以學習技勇而定額錢糧亦難以贍其家口着交與各處將軍等于滿洲壯丁內酌看其諳習騎射堪膺差遣者額設兵丁之外今應添設若干作何給與錢糧揀演技勇之處着詳察周悉議奏欽此

雍正九年八月初二日内閣抄出奉

上諭現任四川才能之武弁不多欵將隣省幹弁揀選數員命往以備川省之用着
詢問湖廣總督邁柱于楚省武職曾經歷練之人將所知者舉出一面奏聞一面令赴川
省交與川督黃廷桂等酌量委署題補倘大員一時難得即進守等員亦可其所
有員缺即着邁柱或委署或題補酌量具奏欽此

雍正九年八月初二日内閣抄出奉

上諭川省才能將弁不多着詢問總督田文鏡于河南武職內將所知者舉出具奏該
弁赴川着黃廷桂酌量題補委用欽此

雍正九年八月初二日內閣抄出奉

旨甘肅河東河西沿邊一帶凡運糧駐兵之處米穀草豆時價著史貽直
鄭禪寶訪查確實兩月一次奏聞欽此

雍正九年八月初五日內閣抄出奉

旨馬蘭泰查克旦博爾屯武格俱著為撫遠大將軍叅贊欽此

雍正九年八月初五日內閣抄出奉

旨蕭定國朱文炳卽見著發往北路軍營交與撫遠大將軍馬爾賽以守
備委用効力行走僕伊等起程之時其應得俸賞悉照守備例賞給欽此

雍正九年八月十三日內閣奉

上諭從前降旨令初有德呂瑞麟于今年九十月間來京陛見昨因臺
灣總兵更換需人已將呂瑞麟命往並令不必來京陛見漳州總
兵印務亦屬緊要初有德亦不必來京陛見着兵部即行文前去

欽此

雍正九年八月十四日內閣奉

上諭雲貴廣西總督鄂爾泰來京陛見於署總督高其倬到滇之後起身着
乘驛按程而行所過地方照大將軍岳鍾琪上年進京之例派撥弁兵護送
沿途文武官員悉按該管上司之禮迎送供應將來鄂爾泰回任之日亦
照此遵行欽此

雍正九年八月十五日內閣抄出奉

旨伊禮布著往北路撫遠大將軍馬爾賽軍營在恭贊內行走常賚著投為副將軍卓鷲著補授寧夏將軍署理鎮安將軍印務其寧夏將軍印務仍著傳泰署理欽此

雍正九年八月十七日內閣抄出奉

上諭鎮草總兵官周一德朕欲命往北路軍前有委用之處著預備行裝等項未京陛見候朕諭旨其鎮草總兵員缺甚屬緊要著總督邁柱會同提督岳超龍于通省總兵內揀選具題調補或于副將叅將內揀選委署著一面奏聞一面即令赴任欽此

雍正九年八月十八日內閣抄出奉

上諭雍正七年八月內降旨陝西四川直隸山東山西河南等省所派出征之大小官弁俱係能員嗣後六省所出之官弁員缺着該上司委員遞行署理准其美俸俟凱旋之日將出征之員與委署之員合併比較揀選引見請旨補授朕之此旨蓋欲使効力疆場之人凱旋之日即可得陞遷而委署稱職之材亦得兼收並用實兩全之道也但今行之二年委署之員漸多資授之員漸少每遇缺出該管大臣往往以不得合例可以委署之員甚費躊躇前經署陝西總督查郎阿奏請將委署之員越次再行委署朕已降旨允行又查郎阿奏請揀發遊守等官二十四員為陝甘二省之用朕又降旨令將出征有功新回營汛之人揀選題補矣今思各省出征之員未能即回本任而委署之缺日積日多則題補之法應當籌畫變通者着於

于缺之中分出三缺為出征弁員陞補之缺北路者交與大將軍馬爾賽西路者交與大將軍岳鍾琪各於出征弁員內揀選題補其餘七缺則將本省之弁員或即行題補或暫行委署令該管大臣酌量其直隸之缺交與提督路振揚陝甘二省之缺交與著督查郎阿河東二省之缺交與總督田文鏡四川之缺交與總督黃廷桂山西之缺交與石麟石麟著以巡撫署理山西提督事務給與印信通省武弁聽其管轄此數省之缺著該督提等秉公衡量或即行題補或委署試用務期允當有裨益於營伍若出征之員有奉草事故之缺即著該大將軍於出征弁員內進行題補現今各省委署未經實授之缺如何題補將來如何分缺及缺出之後如何知會兩路大將軍之處著兵部詳悉定議具奏特諭欽此

七八

雍正九年八月十九日內閣抄出奉

上諭順承郡王錫保自派往軍前以來辦理軍務克殫誠心勤勞宣力材識膽量俱屬可嘉宗室賢王允稱無忝王之祖多羅額郡王亦係國家懋著勞績之賢王今將錫保晉封永遠承襲罔替大將軍馬爾賽到軍營時著王來京欽此

七九

雍正九年八月二十日內閣奉

旨諭福建水師提標左營遊擊員缺甚屬緊要據總督高其倬奏稱閩安協中營守備林黃彩諳練水師兼熟水工克勝提標遊擊之任澎湖協左營千總李孟亦習水務克勝閩安協守備之任等語林黃彩著補授福建水師提標左營遊擊李孟著補授閩安協中營守備欽此

雍正九年八月二十二日內閣奉

旨壽元壽恭身係宗室行此等無恥之事殊于宗室有玷着宗人府交伊族長等拘禁伊家毋令出門伊族長仍不時稽察欽此

雍正九年八月二十四日內閣抄出奉

上諭據寧遠大將軍岳鍾琪奏報朕于七月十二日從巴爾庫爾軍營統領大兵兼程進發至二十三日與賊衆相遇于^額拉穆克河屢次接戰我師奮勇殺傷賊兵不計其數賊彘力不能支大敗四散從山後向西飛遁而去臣于二十四日接奉諭旨令臣略行遊擊即欵撤兵于二十五日旋師八月十一日回至巴爾庫爾等語大將軍岳鍾琪此次領兵襲擊賊衆進退遲速

俱合機宜并兵等奮勇爭先賊兵大創越山飛遁具見大將軍調度有方將士同心効力其屬可嘉著岳鍾琪將在事有功之人分別造冊送部俟將成功之日將此一併從優議叙賞賚其陣亡及帶傷之兵丁著岳鍾琪照例即行賞卹欽此

八二

雍正九年八月二十四日辦理軍需領侍衛內大臣公豐盛額等奉

上諭八月十九日降旨將柴木多駐劄之雲南兵丁一千名令其前往西藏備用爾等已行文與總督鄂爾泰及西藏辦事大臣等但朕思由雲南省城轉行柴木多路途紆遠未免多遲時日爾等可行文與雲南領兵駐劄柴木多之大員知悉此旨到日該員即將各兵丁應用之馬匹衣裝等項料理齊

備將弁等統領卽速起身按程前進不必等候雲南總督文書至弁兵起身時一應馬匹衣裝口糧等項俱著辦理柴木多軍需之官員寬裕應付毋得遲悞欽此

八三

雍正九年八月二十四日內閣奉

上諭朕聞各省駐防兵丁技勇多屬生疎營伍亦覺廢弛所養馬匹多不足額漢軍尤甚且竟至遇有急用之時將營馬出賣與人者種種積習至今尚未悛改今特頒諭旨通行曉諭着該管大臣官弁等悉心整理勤加訓練務令軍容嚴肅武備周全朕于明年春月各差科道等官前往查看向後年年為例倘仍蹈故撤一經奏定將該管大臣官弁等嚴加議處特諭欽此

雍正九年八月二十八日內閣抄出奉

上諭彞陵鎮總兵官杜森著前往四川松潘帶領派出之官兵若西寧有調兵之處即令統領前往彞陵鎮總兵官邱務著山永協副將冶大雄前往署理此旨到日杜森即起身赴川其應得俸薪等項著該督撫照例支給彞陵鎮總兵官邱務著該督委員暫行署理不必候冶大雄交代欽此

雍正九年八月三十日內閣抄出奉

旨內閣侍讀學士阿蘭泰協領哲庫納四等侍衛丁雲龍差往巴爾庫爾軍營著馳驛前往欽此

雍正九年九月初一日內閣抄出奉

旨寧夏橫城口及黃甫川邊外閒地與鄂爾多斯接壤內地民人越界耕種而蒙古等私索租價每致生事互爭經該部堂官奏請照例定界朕遂降旨交與該督撫確查定議今據該地方官派員與鄂爾多斯之扎薩克等會勘請照原定之例分界等因具奏前來經大學士議政大臣等議眾准行朕為天下主簿海內外一視同仁若照廷議立界俾民人蒙古各守界址彼此無爭看來似屬有益之事著行文與鄂爾多斯之扎薩克王等再加詳悉詢問如此三界於伊等有無裨益之處各抒意見共同商酌具奏到日再降諭旨欽此

雍正九年九月初三日內閣抄出奉

上諭原任提督柏之藩著帶提督銜前往阿爾泰軍營管轄綠旗兵丁聽撫
遠大將軍馬爾賽調遣欽此

雍正九年九月初七日內閣抄出奉

上諭據鄂爾泰奏稱貴州提督楊天縱年老力衰兼以耳重伊欲具疏告休貴州提督
緊要祈皇上簡員補授等語揚天縱歷練老成清操素著訓練士卒嚴整有
方簡任貴提勞績懋著朕深惜之但年過七旬黔省要地番彝雜處通省
地方遼濶恐楊天縱精力不足著加太子太保以原品休致貴州提督員缺著
雲南提督哈元生調補雲南提督員缺著廣西左江總兵官蔡成貴補授左江

總兵官員缺緊要著雲南永順總兵官霍昇調補永順總兵官等缺著
總督鄂爾泰通行擬署奏聞欽此

八九

雍正九年九月十四日內閣抄出奉

上諭廣東總督郝玉麟摺奏臣四月間偶感風寒失於調理遂致胃口受傷
飯食類減今氣漸虛弱形貌尪羸雖一切公事照常辦理完屬勉力支持恐
致遺誤政務伏乞另簡賢員俾得就間調養等語廣東地方緊要郝玉麟
准其暫解印務在署靜養調理廣東總督印務著廣東提督張溥署理
廣東提督印務著福建陸路提督張起雲前往署理福建陸路提督印務著
福州將軍阿爾賽署理福州將軍印務著副都統顧弘譽署理每事仍與

阿爾賽商酌而行廣東潮州總兵官王郡到任之後着往署理廣東提督印
務張起雲仍回福建提督原任張起雲回任之後阿爾賽仍回福州將軍任
欽此

九〇

雍正九年九月十五日內閣抄出奉

旨江南提督印務著河南南陽鎮總兵官馬世龍前往署理南陽鎮總兵
官印務著浙江紹興協副將宋愛前往署理紹興協副將等缺著總督
李衛通行揀選委署欽此

雍正九年九月五日內閣抄出奉

旨永良着補受華帖武將宗室學內考取一二等之宗室揀選數與齊克
談白鈕一併帶領引見欽此

雍正九年十月初九日內閣抄出奉

旨散秩大臣欽拜侍郎納延泰副都統阿岱俱著授為撫遠大將軍叅贊欽

此

雍正九年十月十一日內閣抄出奉

上諭江南狼山總兵官王安國年老龍鍾着以原品解任回籍狼山總兵官員缺甚屬緊要朕一時不得可以勝任之人着署總督尹繼善於所屬副將內揀選一人一旬奏聞一面令其署理其副將等缺俱着尹繼善揀選遞行委署俟朕意中有可以用為狼山總兵之人再降諭旨欽此

雍正九年十月十六日內閣抄出奉

上諭年來因征勦準噶爾將滿漢兵丁陸續派出特令召募以寔營伍以資備用凡膚募兵之任者自應秉公持正不徇情面精選技勇壯健之士則戎行可收寔効而軍餉亦不至于虛糜朕聞召募新兵多屬本營兵丁之弟男子姪

親戚友朋互相援引而進該管將弁惟期充足數目不復較量人材以致老弱無能者俱得入選而民間強壯之人莫由食糧入伍是將選兵重大之務視爲具文矣現今降旨募選兵丁着該部通行曉諭令該管大臣官弁等屏除向來積弊公正辦理將來朕必遣官考驗若有將老弱無能之人濫冒入伍者必將挑選之員從重議處若技勇之人不敷挑選著聲明緣由請旨毋得苟且塞責

特諭欽此

九五

雍正九年十月十七日內閣抄出奉

旨今當軍興之際兵可必須每日操演告知五旗王公等將領在伊等門上看守坐堆等差行走旗下護軍披甲人等暫行停止看守令其在各所屬處操演俟軍務定日再照舊在伊等

門上看守坐堆等差行走此際着令各屬包衣佐領人等看守欽此

九六

雍正九年十月十七日莊親王等奉

上諭據浙江總督李衛奏稱選送來京壯勇之人皆如意訓練教習技勇可觀者即進京途次仍派官弁督率演習等語看來李衛訓練之法甚屬妥協柘之藩在京教習各省兵丁或應做做而行令柘之藩等酌量又浙江於額數之外多送來京之人亦着收入營內一體檢用將來各省人到齊之日着柘之藩等試看若諸省中有最優與最劣者著分別奏聞又江西巡撫謝旻送來廢官蕭公讓李璉二員着柘之藩等驗看或可授為隊長令其効力欽此

雍正九年十月二十二日內閣抄出奉

上諭沿邊一帶地方最為緊要向來額設之兵本少昨已降旨古北口宣化大同之處
召募兵丁添入防汛以實營伍今思獨石口以東至山海關皆屬內地各處營汛仍照
舊規其獨石口以西至殺虎口一帶中間要緊隘口必須查勘明白以定添兵多寡
之數至於邊牆年久倒塌而地當緊要者亦應酌量修堵以肅邊境着御史
舒喜天津總兵官補熙前往會同古北口提督路振揚親往踏看將招募之兵
於何處應添若干何處應駐大員或將畚遊改為副協邊城何處應修路振
揚等可會同各該提鎮詳悉定議具奏天津總兵官印務着冠軍使孫承
恩前往暫行署理路振揚現有召募兵丁之事今既奉差公出其募兵之事
着路振揚遴選公明可信之人代為辦理再差副都統韓光基前往古北
口督率查驗欽此

雍正九年十月二十七日內閣抄出奉

上諭襄陽總兵官楊鵬請將火子原任千總楊琦跟隨岳含奇赴陝
効力行走懇食馬糧一分賞給外委千把職御尋語楊琦着交
與湖廣總督邁柱驗看或守備或千總量材給與職銜令其赴岳
含奇軍前効力欽此

雍正九年十一月初五日內閣抄出奉

上諭派往軍前之漢軍兵丁內恐有不肖之徒及跟役人等私自逃回者着行
文宣化等處總兵官令其多派人員于各關口嚴行稽查如有逃回之兵丁
及跟役人等着即鎖拏解京奏聞請旨欽此

雍正九年十一月初六日内閣抄出奉

上諭朕聞各省漢軍駐防兵丁營伍俱屬廢弛而鎮江為尤甚前已降旨令將軍王鈺加意整理俟明春專派官員前往考驗今值管理蘄州織造事務海保回南之便因思蘄州與鎮江一水相通計程不過二百餘里就近稽查最為便捷著海保回蘄之後於今冬明春時常往來京口將兵丁技勇營陣規模以及馬匹戰船甲冑鎗砲器械之完備與否一查驗會同王鈺勤加操練務令水師陸路兵丁等技藝嫻熟武備周全將來或有調撥差遣之處接奉諭旨數日之內即可起程如此方為國家有用之鄂旅俟明年二三月間朕再遣專官前往察看特諭

雍正九年十一月初六日内閣抄出奉

旨副都副統阿成阿帶領之長勝兵二千著改為家達兵欽此

雍正九年十一月十九日内閣抄出奉

上諭前經降旨各省出征之員未能即回本任著於十缺之中分出三缺為
出征弁員陞補之缺西路者交與岳鍾琪北路者交與馬爾賽今馬爾
賽授為綏遠將軍領兵駐扎查克拜他里克其靖邊大將軍印務已降旨
交與順承親王管理嗣後北路弁員題補之事著順承親王辦理欽此

雍正九年十一月二十二日內閣抄出奉

上諭朕因各省駐防兵丁技勇多屬生疎營伍亦覺廢弛所養馬匹多不足額其中漢軍為尤甚已于今年八月間先行曉諭申飭俟明年春月各差科道等官前往查看倘仍不悛改嚴加議處朕思營伍廢弛兵丁怠惰之習若該管官弁等果能實心整頓訓練數月之內即可改除惟是馬匹不敷額數若責令一時購買足額或至馬價昂貴兵丁力量艱難况如南方諸省平時既難喂養而一時急切買補又較難于此方着該將軍等酌量稍為變通現養幾匹其所少者存價于官一有調遣即可購買應用不致遲悞公事此朕格外體恤之特恩若再奉行不力一經查出并兵等俱不寬貸特諭欽此

雍正九年十一月二十四日內閣奉

旨周一德著同栢之蕃繆弘林祖成朱衣銀一同訓練技勇兵丁欽此

雍正九年十二月十七日內閣抄出奉

上諭紀成斌久歷戎行曾有戰功是以朕加恩用至總兵官後因大將軍岳鍾琪極力保薦謂其可以大用始將伊擢用提督令其協贊西路軍務前年岳鍾琪未京陛見將大將軍印信交與紀成斌護理責任更為重大乃紀成斌無識無才隄防疎忽為賊人所窺始則盜竊馬馱繼則逼近軍營無所忌憚紀成斌此時一籌莫展幸賴樊廷等奮力出擊以寡敵衆大挫其鋒而賊衆始退紀成斌之罪誠擢髮難數聞岳鍾琪近亦深悔從前荐舉錯悞甚怨其不知感恩贖罪屢次糾奏朕猶曲體


其情暫寬其罪俾得覓勉効力以贖前愆乃任一年以來未忘忽違巡並無奮勉之意
每見欽差大臣但言我實乃巴爾庫爾官兵之罪魁等語紀成斌有忝職守深負
朕恩著革去提督改為副將交與岳鍾琪凡有差違之處令其行走効力贖罪
若仍不知愧悔著即劾奏必寬前案以重處之四川提督員缺著延綏總兵官顏清
如補授延綏總兵員缺著沙州副將張豹補授沙州副將員缺即著紀成斌補授欽此

一〇六

雍正九年十二月二十五日内閣奉

上諭福建陸路提督印務著潮州總兵官王郡署理王郡未到任之前仍
著將軍阿爾賽署理福州將軍印務前降旨令副都統顧弘譽署
理今聞顧弘譽病故其將軍印務著海關監督準泰暫行署理欽此

雍正十一年正月起到十二月止



兵部造送

工部

冊

雍正十一年正月十六日內閣奉

上諭大定協副將楊馥統兵擊賊奮勇先登為暗鎗所傷其忠義

屬可嘉聞伊子楊恒新現在軍前技勇頗優亦甚有志氣着授

不必在軍前効力遇有遊擊缺出即行題補平越營遊擊羅資袞

應援勇往被害深可憫惻伊子羅雲標現在隨征効力着授為守備

等酌量題補至楊馥羅資

卹典俟事竣題報到日仍照例賞給

欽此

雍正十一年正月十八日奉尚抄出奉

上諭朕特命大學士伯鄂爾泰前往北路軍營宣示訓諭軍務一切義

悉照上年經畧西路之例即將原用印信帶往干
預先傳諭大將軍各路將軍及沿途驛站

〇九

雍正十一年正月十九日內閣奉

上諭福建水師提督印務著王群暫行署理其陸路提督印務仍著阿爾賽
署理興化協副將員缺著長福營叅將李蔭樾補授長福營叅將員缺著
廣東潮州鎮標遊擊手魏傑補授廣東潮州鎮標遊擊手員缺著該督鄂彌
達於屬員內揀選進行題補

雍正十一年正月二十日奉 旨抄出奉

上諭甘涼肅兵丁本年應支糧料草束例應折給銀兩自行採買朕因甘省年來辦理軍需食物昂貴兵丁所領折色銀兩恐不敷採買之用特令加倍增給以示格外之恩提鎮大員自應體朕軫恤兵丁至意悉心料理加意愛養近聞弁員中尚有營私贍徇凡于過往應酬及一切襍費俱于各兵攤派即如甘提馬廠每年尚有餘利若盡歸公用于兵丁不無小補前任提督宋可進祇知網利不恤兵艱且尅扣餉銀濫用公帑各鎮將弁未必不做効而行着署督劉于義侍郎杭奕祿嚴飭陝甘提鎮將營中所有除各官俸薪及親丁名糧外凡有餘利俱歸公用以接濟兵丁不得絲毫乾沒亦不得借公費等項名色攤派兵丁以致苦

一切開費俱概行去

有裨益署提督劉世明受朕深恩 當實力奉行毋得

蹈故轍自取罪戾如嗣後弁員有私派侵蝕生弊該署督等即行叅奏
將該管提鎮一併叅處欽此

雍正十一年正月二十三日內閣抄出奉

諭太原總兵印務昨已降旨着安慶城守營副將康華齡署理今江西南贛
總兵劉章陞見在京着就近前往署理太原總兵印務其南贛總兵印務着
康華齡前往署理欽此

雍正十一年正月二十八日奉例抄出奉

一諭朕每次謁

內凡有應從

路經過之處兩傍俱有兵丁數人站立看管官員人等不許任意行走此次石
文煒並未派出兵丁看管甚屬不合着交該部察議具奏欵此

三

雍正十一年二月初九日內閣抄出奉

上諭古云兵可百年不用不可一日不備所謂備者非徒操練技勇演習行陣

而已如馬匹軍裝炮火器械軍營必需之物一一皆預備于平時及有事調撥便可刻期起行不致拮据延緩此乃談兵之本意也我國家承平日久武備漸覺廢弛年來朕屢降諭旨諄諄訓飭雖該管大臣等稍知以訓練為務然馬力不足資裝器具不周每聞派遣之信往往勉強周章遷延時日所謂預備者但有虛名而無實際此則該管大臣所當深知痛改加意整理者又如營中有必需之匠役不得不酌量給與兵糧數名以資養贍而將弁等每多借名目將水火夫役等人多佔名糧又每將精壯兵丁多派為親隨不令當差及過頭把總缺出即于此內拔補以致荷戈持戟者

不一上進之路

亦着該管大臣嚴

毋得姑容又聞各營中間有公中餘利如甘州提標馬廠之項原係存公以

用者而該管將弁往往據寔為己有故入私橐遇有過往應酬及營中雜費則
攤派于兵丁名下而不恤其艱苦此弊尤當禁革今再行曉諭倘敢示為具文仍
蹈前轍勿謂罰不加穀希冀苟免其情勉其情罪輕者必照例處分若有情
罪重者則在本地方將伊正法示眾特諭欽此

四

雍正十一年二月十七日奉例抄出奉

口題補山東壽張營遊擊之劉驥看來人甚去得爾等寄字與王士俊令其知之欽
此

雍正十一年二月二十日奉閣抄出奉

旨近阿齊圖之子安福跪告願當苦差効力安福人糊塗無知而又自大安福着自備鞍馬前往伊父阿齊圖處學習蒙古語蒙古規矩行走爾等寄信與阿齊圖其教訓造就伊子與否聽其自便欽此

雍正十一年二月二十日奉地抄出奉

旨據巡 察山西御史周紹龍奏稱現今住扎大同旗兵內有七八人于去年十

二月 內恃強毆打鉄匠尚弘謨并將尚弘謨弟兄解送知府審究又今年

正月 內廂藍旗護軍鉄頭向老民揚路買烟角口以刀背擊傷揚路之面

流血業經提兵官拿至衙署審究完^結等語伊等俱係滿洲兵丁世受國恩
自派委出兵以來毫未効力任意違法在地方生事情屬可惡着行文哈
達哈等將此等妄為兵丁務須查出會同地方官審明懲治其為首二人着
革退獲軍即在彼處永遠枷號示衆伊等起程時所得恩賞等物着該旗
出交還俟大兵凱旋日再將伊等釋放欽此

一七

雍正十一年三月十七日內閣奉

諭據貴州巡撫元展成奏稱九股逆苗不法比即飛調遊擊馬騏王友文吳朝
貴馬似龍各帶兵數百名台拱應援詎四遊擊會兵稿貢即彼此不和互相
推諉以致下秉至甘翁一路俱有逆苗伏草阻截糧運四遊擊並不發兵接應

及副將楊馥領兵前進之時冰四遊擊為兩翼進攻山梁而伊等畏懼默無以應
楊馥遂派千把領兵親身前進以致中鎗遇害設使此時有一人領兵奮力同上
即可瞬息成功臣訪查既確擬部題叅因署提臣霍昇以現在需員調遣姑令
圖供贖罪是以暫緩叅奏等語逆苗嘯聚山林不過如鼠竊狗偷之輩並非巨
寇馮麒麟等身為將弁領兵擒捕乃逡巡退縮坐失機宜無耻無能莫此為甚既獲
元展成等奏稱暫緩題叅令其圖功贖罪姑從所請仍留軍前倘不
賊再有怠忽因循之處着部嚴叅在軍前正法特諭

雍正十一年三月二十五日奏事郎中張文斌等交出本日奉旨賞給雲南鶴鹿總兵官楊國華孔雀翎一個欽此

雍正十一年四月初四日奉旨抄出奉

上諭江南河標中軍副將葛世雄着來京引見欽此

雍正十一年四月初七日奉旨抄出奉

上諭從來造作言語煽惑人心者律有不赦之條若在軍前造言傳播其罪更重俱照軍法即正典刑此自古相傳之憲典也數年以來西北兩路用兵征討

準噶爾該管大臣官員等居心急忽辦事粗疎號令不嚴稽查不密聞有不肖之人在軍營各處捏造全無影響之談或稱京師有某新聞或稱某營有某近事一人倡先衆口附和而愚昧之人不能辯其遂信以為寔彼該管之大臣官員等雖心知其非徃徃以為難以根究希圖省事置之不問遂致不肖之人信口流傳全無忌憚又有從軍營回來之人造作言語以惑亂在京之聽聞如此等事不但有妨于公務亦且大害于人心不可不嚴加禁約者行文各略將軍令其詳悉曉諭該管弁兵及跟役人等嗣後倘有造作浮言

為首之人究出姓名奏聞請旨即于本處正法示衆其失于覺察之該

弁一并治罪若能查出叅奏免其議處至在京造言生事之人交與步軍統領八旗大臣都察院五城御史順天府先期曉諭倘怙惡不悛即行查拿從

重治罪欽此

雍正十一年四月十二日内閣抄出奉

旨宋愛著來京其天津總兵官印務着鄂禮暫行署理欽此

雍正十一年四月二十五日奉內閣出奉

旨大學士鄂爾泰等奏稱駐扎呼倫布兒地方三千名索倫巴爾祐兵丁內調遣
二千名令往察漢叟兒大軍營將軍營疾病殘廢兵丁沙汰發回等語着照
鄂爾泰所請呼倫布兒三千名兵丁內選派二千名令將軍卓爾海帶領前

往軍營至軍營時卓爾海即回本任辦理兵丁起程酌量選派管轄官員令卓爾海辦理于何時可以起程之處卓爾海定擬具奏所剩一千名兵丁着博第達巴漢管轄照看伊等遊牧妻子產業牲口黑龍江將軍印務着那蘇圖馳驛前往署理奉天將軍印務着尚書海壽馳驛前往署理刑部尚書事務着公度福署理海壽至盛京時着那蘇圖前往齊齊哈兒卓爾海自軍前回來時着那蘇圖海壽各回本任欽此

一三三

雍正十一年四月二十七日卷內摺出奉

旨八旗各佐領下皆有銑匠鞞匠弓箭匠設此各項匠役按月給與銀米者原為平日熟習手藝帶往軍中則一切器械皆可以資其製造也今雖有此匠役

而寔在能手藝者甚少該旗大臣官員亦不甚稽查管教所以時交武備院
令其教習近聞伊等仍然不學做官物時皆僱人代做僱一匠則費教人錢
糧且併每日應得餉錢盡付所僱之人身為匠役食國家錢糧乃不勤習手
藝所得錢糧不以贍養家口惟僱人代做竟置其身為無用之物是何道理
今在家尚得僱人倘往軍前猶得僱人乎遇有官做什物則坐視耽誤甚屬
惡習公私無益此皆該管大臣官員不以事為事平日並不查管之所致也
文武備院及該管大臣等嗣後將匠役人等不時嚴查加意教習教習時
特委官員令其查管與監造官員一同教習如何令其不誤官物永除
代做等弊之處武備院都統等會同周詳妥議具奏各省駐防兵內亦有
匠役京中匠役尚且如此外省匠役料亦未必身能製造着交該將軍大

臣必嚴加管轄勒限一年加意教習匠作什物驗看甚易朕當遣人試看倘仍有不能手藝者必將該管將軍大臣一併治罪欽此

雍正十一年四月二十九日奉 硃批 抄出 奉

一二四

旨前年派家選兵丁出征時朕曾降旨特沛恩膏俟伊等成功回日將伊等妻子俱于伊
主家中開出作為另戶其各路出征人等內有開檔分出領催披甲伊等久住軍前者有
勤勞甚屬可憫着交各路軍前將軍大臣等將此等開檔領催內如有効力好者將
姓名註冊俟大兵凱旋之日將伊等亦照家選兵丁作為另戶欽此

雍正十一年五月初九日内閣奉

旨嗣後八旗各部院虧空案內凡有婪贓及寔在侵欺入己之項俱不准寬免不必入於查奏之例欽此

雍正十一年五月二十四日奉 上諭

北路所派四省緣旂官兵有在軍前病故者其本營于未奉部文之前家口所領月餉朕已于上年八月降旨免其追還今思西路亦有調撥別省緣旂兵丁其中豈無在軍前病故者若將本營未奉部文之先伊等家口所領月餉按日着追實為可憫着行文各該省若有軍前病故兵丁

俱以文到之日扣除月餉其未奉部文之前已經支領者免其追還倘
預借庫銀之處着以該省司庫存公銀兩代為補項欽此

一三七

雍正十一年五月二十六日內閣抄出

上諭高孔際貪劣一案于上年十月降旨發審迄今半載有餘尚未審訊具奏甚
屬遲延着領侍衛內大臣公豐盛額馳驛前往宣化府會同光祿寺卿王棠
秉公審明具奏欽此

雍正十一年五月二十六日內閣抄出

上諭光祿寺卿王棠辦理軍需事務朕已降旨給與欵差大臣閱防今領侍衛內大臣公豐盛額差往會審高孔啟一案着將閱防交與豐盛額帶用俟審明回京之日將閱防交與王棠掌管欵此

雍正十一年五月二十七日內閣奉

上諭福建水師提督員缺甚屬緊要朕再四思維不得勝任之人陸路提督王卨前任臺灣總兵及五載往來洋面俱曾親歷熟悉海疆情形且聲名素著才畧優長着調補福建水師提督其陸路提督印務仍着將軍阿爾賽署理候朕再降諭旨欵此

雍正十一年六月十二日內閣抄出奉

上諭劉章着以額外總兵官署理太原總兵官事江西南贛總兵官員缺着
江寧城守營副將李連補授江寧城守營副將員缺着康華齡調補欽此

雍正十一年六月十七日內閣抄出奉漢字

上諭從前雲貴廣西等處不法土司除首惡懲治外其餘人等則令安插內地給
以房屋地畝俾得存養不致失所聞該省督撫等不即留心經理遲至二三年後
始撥給房地以為養贍而地畝又相隔遙遠土司不能親自耕作惟賴該縣知縣代徵
糧穀賣銀移交每年非被佃戶侵收即被吏胥中飽有名無實以致各土司飢餓
困頓竟有私自逃匿者重負朕體恤生全之至意着通行曉諭有安插土司之地方
令該督撫悉心稽查若有從前辦理不善處即行更改並飭有司等不時體察
務令安全以受國家豢養之澤倘仍疎忽從事必嚴加議處特諭欽此

雍正十一年六月十七日內閣抄出奉

旨發遣江寧等六省蘓努之子赫席恒等俱着從寬由各監禁處放出令往
右衛歸入額設兵內駐劄欽此

△ 雍正十一年六月二十三日內閣抄出奉漢字

上諭龍江閩向未議有公用銀兩管理稅務人員無項辦公者每年支給銀壹萬伍千兩
再江寧織造養廉不敷亦着每年賞給銀壹萬伍千兩俱於龍江閩盈餘稅銀
內動給開銷欽此

雍正十一年七月初七日內閣奉

上諭據署湖廣提督張正興奏報四月初六日常德府城北門內民居
火延燒兵民瓦草房屋二百八十戶共一千四十八間幸未延及倉庫
傷民人等語朕屢降諭旨令各地方有司預備救火之具倘偶有不
虞即竭力搶救此非不可以人力撲滅者今常德民居偶爾失火遂
延燒至房屋千餘間之多是該地方救火之器具平日並未留心而搶救
不用力可知夫常德如此則他省地方可以類推着傳旨通行曉諭
嗣後倘仍復疎忽因一三家失火而延燒多戶者定將該地方官從重
議處該督撫一并察議欽此

雍正十一年七月十八日內閣抄出奉

旨范宗克着隨平郡王前往軍營於恭遊守備等衙酌量委用若行
走累好再奏聞請旨欽此

雍正十一年七月十八日內閣抄出奉

上諭范宗克賦性狂妄朕所素知其陳辯之詞多有支飾不足為據
著自備鞍馬前往北路軍營効力贖罪欽此

雍正十一年七月二十日內閣抄出奉

上諭聞廣東南雄協副將李斯授賊性軟弱訓練無能約束兵丁亦不嚴肅但其漢伏尚好年力精壯着未京赴部引見候旨另行酌用其副將員缺著總督鄂彌達提督張溥會同揀選進行題補欽此

雍正十一年七月二十五日奉旨抄出奉

旨張家口監督德敏着解任調回質訊其張家口監督員缺着該部另行請旨

欽此

雍正十一年八月初十日奉例抄出奉

旨王嵩鑽營巧詐行止不端深負朕恩是以將伊革職發往鄂爾昆管轄屯種人等効力贖罪乃伊在屯種地方仍不悛改並不實心辦事聞去年於賊人未來之先即倡先躲避種種擾亂以致衆心驚惶似此負恩估過之人豈可仍膺管理屯種之任着隨兵丁之列自出資力種地効力行走若不痛自改悔富德郎一面奏聞一面將王嵩在本地正法示衆周瑛何祥書著從寬釋放其應賠米石仍照數着追王嵩所管鄂爾昆地方屯種兵丁著周瑛前往管轄何祥書著自備鞍馬隨大兵前進効力行走欽此

雍正十一年八月十二日內閣奉

上諭各省營伍必須武職大員平時親身查察庶可以息惰廢弛之弊提督一官節制全省統轄之地甚遠難以親身遍歷至于總兵分轄地方道里不甚遼濶巡察倘易周遍嗣後各鎮臣有應行巡察之處著先期具摺奏聞請旨候朕批示遵行不必拘定期限免各營預備供應致滋擾累倘有絲毫荷累所屬弁兵者經朕察出定行從重議處欽此

雍正十一年九月初一日內閣奉

上諭據倉場總督兆華涂天相奏報各省糧船俱已陸續抵通漕白糧米已

於八月內全行起卸回空南下等語今年春間運河水淺而夏秋之交雨日
為多未免有礙起運船隻俱各如期抵通交卸並無阻滯甚屬可嘉所有辦
理漕糧各員應與議叙以示獎勵著兆華涂天相將應行議叙各官一查
查明分別送部議叙兆華涂天相亦著交部議叙欽此

一四二

雍正十一年九月十一日奉閱抄出奉

旨曹煥著革職發往北路臺站効力贖罪欽此

雍正十一年九月十八日奉閣抄出

旨坐臺之原任員外郎馬爾素二十三臺之原任庶吉士舒明俱着加號仍留
坐臺如能効力奏聞釋放倘仍復推諉着永遠枷號俟大兵凱旋之日具
奏請旨恭奏噶哈常明禪濟布之事交該部議奏欽此

雍正十一年九月二十五日內閣奉

上諭據郝玉麟趙國麟摺奏福建候補知府張良弼稟稱父親張傑由守備
歷任副將良弼自幼跟隨父任于矛馬營伍留心學習今情愿改補武職理
勉効力仰報國恩等語張良弼着改補叅將即留閩省交與郝玉麟酌量
題補欽此

雍正十一年九月二十六日果親王等傳

旨鄂爾奇著革職欽此

雍正十一年九月二十八日奉旨批出奉

上諭據廣東總督鄂彌達提督張溥奏稱左翼鎮總兵官李萬倉性情乖張訓練怠惰于操演兵士並不親行且操守亦不堅固寔是不稱海疆鎮臣之任等語李萬倉著革職來京交與該部請旨左翼鎮總兵官印務着香山副將黃錫申署理黃錫申能勝左翼總兵之任與否着鄂彌達張溥據寔回奏候朕再降諭旨欽此

雍正十一年十月初七日内閣抄出奉

旨綏赫德着發往北路軍臺効力贖罪若盡心効力着該總管奏聞如不寔心効力即行請旨於該處正法欽此

雍正十一年十月十五日內閣抄出奉

旨洪郭爾鄂倫地方管轄兵丁着派噶爾璽倭星額每人賞銀三十兩令其整裝馳馬前往占布着革職將馬蘭泰奏之事交與噶爾璽倭星額審明據實具奏雅秦員缺將扣婁補放都統扣婁員缺將噶爾璽補放護軍統領欽此

雍正十一年十月二十五日內閣抄出奉

上諭據署宣化總兵官補熙奏稱于本月內親往查驗蔚州等處各營汛官兵騎射分別優劣以示勸懲等語補熙着准其前往嗣後各直省總兵官有巡查營汛之事俱着商請該省督提具本請旨不必摺奏欽此

雍正十一年十月二十五日內閣抄出奉

上諭督撫提鎮為封疆大吏總理軍務糧儲刑名錢穀營伍汛防等事責任綦重閱錄匪輕是以簡命之初頒給坐名勅書將所管轄地方所節制官員並應行事宜備細開載令其詳酌施行而督撫提鎮等於奉到之日即騰黃刊

刻通行所屬各為遵守此定例也但國家承平百年因革損益備極周詳各省州縣衛所有原隸該省後經改隸隣省者有隣省所屬原隸本省兼轄今已毋須兼理者有文武官弁原係本職後經另改職銜者有地方改設已久員缺裁汰多年者而勅書所載仍祇照舊式繕謄並未一經改定是竟視為具文矣其何所遵守嗣後頒給勅書該衙門務將督撫提鎮等現在管轄之地方節制之官弁與任內一切應行事宜逐細查明詳確開載俾節制經理釐然可據庶不失慎重封疆以昭職守至意特諭欽此

雍正十一年十月二十七日內閣抄出奉

上諭福寧鎮總兵官印務着福協副將馬召南署理欽此

雍正十一年十一月十八日內閣奉

上諭松潘口外各番野性未馴時聞竊奪是以降旨令每歲於適中之地宣諭化導俾共知法紀庶漸革愚頑惟信所以服人疑慮優柔固未有能馭衆者茲馬滿岱邱名揚奏稱自上年化導之後十二部落番人並無為非等事惟占架擦戎亞貳名係有名慣賊拿到研訊賍款明確因各將伊子為贖求賞生路臣等因事在未經化導之前將二犯釋放將占架之子酸太擦戎亞之子

松布交管收管後二犯悔改之日再給領圍聚等語占架擦戎亞如果係慣賊
料不能悔改即伊子為贖亦不可姑寬以貽番民害既已原情釋放後若有犯
再擒治無難又何必留伊子在營以為牽制計為滿岱邱名揚如此料理識見
既屬鄙陋着奉旨即日即將酸太松布釋放令二犯各領回巢若能悔過即
是良民毋得記伊舊惡倘復為非寔為醜類立應置諸嚴刑將朕此旨普
諭各番目人等知之欽此

一五三

雍正十一年十一月十九日内閣抄出奉

上諭武場鄉會兩試原係期選俊諳材所以人材壯健技勇兼優者外場考試另編
好字號並分別雙單令入內場再考試文藝比較取中以杜冒濫俾進諸弊本年會

試有頂替入場作弊者當經查出交部治罪又有武舉劉元方等人材技勇皆屬平常而考試大臣濫列好字號入場取中經王大臣等查出叅奏已降旨不准中式並將原考試大臣交部察議俾各知經戒至於各省學臣考試聞有弓馬平庸文理粗通之人混入內場越號換卷傳遞代筆希圖取利以致好字號武童自知文理平常賄囑倩代者揆厥所由總因府州縣考試時每以廣收博取市寬大之名無論騎射優劣悉行錄送遂令技藝不堪漢仗猥瑣之輩混入內場種種作弊若不定以處分豈肯加意甄別嗣後府州縣官考試武童倘不熟悉校閱仍蹈前轍濫行者着該學臣於校射時查出題叅交部議處其該學臣校閱外場尤當會同監射之武員加意選擇若將平常懦弱之人濫列好字號入場取中亦着提調官詳報督撫查叅如此則各顧考成自必詳慎去取庶武場之夙弊可除將鄉會之人材日盛著交該部即遵諭通行欽此

雍正十一年十一月二十一日內閣抄出奉

旨張樹言漢仗好人明白用得交與直隸總督李衛於古北口附近遇有守
備缺出着委署試用苦楨職題請補授欽此

雍正十一年十一月二十四日內閣奉

上諭從得備之選務須精悍之材雖目不識丁而胆略非閩文采縱貌不出血
而義勇無礙粗疎蓋整肅部伍委寄干城天奔走于疆場甘勤勞於行列類
非薄具聰明小有才幹者之所能為而勁健渾樸氣盛力克之禪弁所當略短
取長加意造就以儲將材以重武備者也近見各省督提等保題引見之大小弁

員除軍功勞績外大率以明白勤敏才堪辦事註考朕親加簡閱並逐一詢問
奏對給便者有之才具明晰者有之而人材雄偉技勇超佚者曾不數見豈明
白勤敏即可為將材而才堪辦事即所為武備耶所見不遠錯誤殊多嗣後該
督提等凡保題將弁務首重子馬兼選漢仗全材難得寔效湏收如力有以
弱而謬稱熟諳以機巧而謬稱通達濫行題為自私自便計者
朕訓膜視封疆矣定將該督提等嚴加議處交該部即遵諭通行欽此

一五六

雍正十一年十一月二十六日奉內閣出奉

上諭聞署永州總兵王惟一自署事以來優柔供職不能勝任着總督邁柱另行
揀選題請委署欽此

雍正十一年十月二十七日內閣奉

上諭直隸督撫提鎮司道等大員凡有見聞許令隨時摺奏朕皆諄切批示俾有所遵循伊等接到硃批諭旨將摺內事宜遵奉後即于下次奏事之便隨時封繳從前屢降諭旨甚明近來檢閱各省奏摺竟有尚未繳者或有遲至一二年繳進者若謂摺內硃諭有未經施行之事故未奏繳但既奉有硃批踰時已久如果京未舉行又未經覆奏更屬何心其中必有遺漏稽遲不即奏繳者着通行嚴飭凡摺奏大員即將從前奉到硃批逐一查明封繳倘再任意稽遲或至遺漏一經察出必加嚴處欽此

雍正十一年十二月十二日內閣奉

上諭從前鄂彌達條奏臺灣地方僻處海中向無城池宜建築城垣砲臺以資保障經大學士等議覆令福建督撫妥議具奏今據郝玉麟所奏稱臺灣建城工費浩繁臣等再四思維或可因地制宜先于現定城基之外買備茨竹栽植數層根深蟠結可資捍衛并于茨竹圍內建造城垣工作亦易興舉等語朕覽郝玉麟所奏不過慮其池濱大海土疏沙淤工費浩繁成工匪易故有茨竹藩籬之議不知城垣之設所以防外患如必當建城雖重費何惜而臺灣變亂率皆自内生非禦外寇可比不但城可以不建且建城寔有所不可也臺郡門戶鹿耳門與府治並號稱天險港容三舟皆巨石鋒稜如劍戟行失尺寸頃刻沉沒內設砲臺可恃以為固其法最美

從前平定鄭克塽未一貴皆乘風潮舟行入港水高港平衆艘奔赴無一
阻碍大兵一入即獲安平港之舟賊無去路而撫其府市人民南北路商賈
一聞官軍至絡繹捆載而來相依以自保物力既充軍氣自倍賊進不能勝
退無可守各島獸散衆終無所逃遁故旬日可以坐定向使賊衆有成可據
收府市人民財物以自固大兵雖入攻之不拔坐守安平曠日相持克敵不易
蓋重洋形勢與內地異此即明效大驗固未可更議建置也若謂臺灣築城
即以禦臺灣外寇是又不然從前兩征臺灣皆先整兵泊舟于澎湖之南風
澳以候風潮風潮之便歲不過一時時不過數日若盜竊發或外番窺伺泊
舟澎湖則夕至而朝捕之矣至南北二路可通之地雖多然如南路之蚺港
北路之八掌溪海翁港鹿仔港甲西二林中港竹塹蓬山等小舟可入其巨港大舟

可入者不通南路之打狗東港北路上淡水其次則北路之笨港鹹水港去府
沿較遠縱有外寇亦不取道于此備設砲臺派撥汛兵朝夕巡視自足以資
控禦今郝玉麟等請于現在城基之外栽種茨竹藉為藩籬寔因地制宜
甚有裨益其淡水等處砲臺務須造各屬並應增修不可惜費省工或致潦
草應如何舉行之處著郝玉麟趙國協妥議定議具奏欽此

一五九

雍正十一年十二月二十日內閣奉

上諭據四川總督黃廷桂奏稱夔州一協甚屬緊要署副將印務之撫標叅將馬
順不能振作有為寔難勝任請簡發賢員來川署理馬順令回任供職等語
夔州副將印務着口南提標中軍叅將李桂芳前往署理馬順着照黃廷桂

所奏令回本任欽此

一六〇

雍正十一年十二月二十三日內閣奉

上諭據福州將軍阿尔賽奏稱台灣鎮標遊擊王輝在台任滿部內推補江
河標遊擊查王輝上年平番著有勞績是屬熟悉閩地風土諳練營伍
能員可否仍留閩省以要缺題補等語呵 養既稱遊擊王輝熟悉閩地風
著照所請將王輝仍留閩省以要缺題補 標遊擊等員缺着該部另行銓
又據阿尔賽奏稱叅將江化龍前經題 仰奉旨飭行臣查該員辦理營
務勤敏練達寔心任事並無疎忽等語 化龍前于引見時看來人平

是以降旨將副將員缺令該將軍等
員題補今阿爾賽既稱江化龍勤敏

理仍令西路大將軍將功
理將軍標副將印務

雍正十一年十二月二十六日內閣奉

上諭聞得雲南開化總兵官仇元正年近七旬精力就衰著以原品休致
兵官員缺著該督尹繼善揀選題請進行委署欽此

雍正十一年十二月二十七日奉旨抄出奉

上諭從前著將紅鄂爾額隆兵丁內滿洲兵五百名馬廠蒙古兵五百名烏爾輝

劄漢蒙古兵丁一千名俟明年青草發生時調赴北路軍營今平郡王等奏
稱烏爾輝陰扎漢兵不必調遣將紅郭爾鄂倫滿洲兵一千名同馬廠揀漢
察哈爾兵一千名一併發往軍營等語紅郭爾鄂倫之蒙古兵丁不可不留在
軍營看管馬匹應於駐扎紅郭爾鄂倫 八名馬廠蒙古兵丁內揀出入
百名滿洲兵一千名調赴烏良蕪台大 省副都統綽爾多福達禮
一同 公博爾屯管轄前往俟 吁再令前往紅郭爾鄂倫
方去其烏爾輝陰劄漢蒙古兵 百名赴 日附
都帶領往欽此

一件雍正四年正月二十七日奉

旨茲當春令爾部獄內人犯宜及早清理其輕罪者速行酌定保釋至年
羨竟案內干涉之犯若尚未結案者速行完結

雍正四年正月二十八日

一件隆科多挾勢強索揆叙家人安圖銀兩一案于雍正四年正月二十七
日題二十八日奉

旨隆科多婪賍犯法深負朕恩本應按例即行治罪但其才尚可用朕
心憫惜着革退吏部尚書交委料理阿爾臺等路邊界事務另降
諭旨倘能盡心辦理尚可贖其前愆若稍有怠忽定行正法伊家人

牛倫從前犯罪應死比時交與隆科多自行處置乃隆科多徇私容留
寔屬可惡今招搖受賄諸事又復敗露再難寬宥着將牛倫即行處斬其
餽送銀兩之奉天府丞程光珠着革職從寬留任淮徐道張其仁濟
南府姚讓着調來引見隆科多吏部尚書任內有辦理奉天司官一
案未曾清結仍着隆科多理^辦於出差未經起身之前具奏其名下
應追銀兩即着陸續交完餘依議欽此

雍正四年五月二十日

一件領侍衛內大臣公馬爾賽等傳

旨允禮家中太監沈文常明楊玉李林鐸此四名太監係不守分行止不端之
人將伊等通解各原籍交與該地方官嚴行拘管若伊等守分不至生事則

可若生事令該地方官詳明督撫欽此

一六六

一件理藩院咨送郎中奈滿岱因工部派差劄

見奉

旨鎖拿嚴審一案雍正四年五月初四日管理藩院尚書事果親王允禮等奉
上諭看這奈滿岱甚是氣暴必然是阿靈阿之黨伊必有倚仗之處着拿
交刑部上九條鎖爾部會同刑部嚴審欽此經本部于雍正四年六月十七

日奏本日奉

旨奈滿岱從寬免死只將奈滿岱之夫妻發往杭州當差將伊子賞與果郡

王入辛者庫

一件吏部咨送德爾泰富祿交部一案雍正四年四月十四日吏部尚
書孫柱等帶領唐光稷等六員

見奉

旨德爾泰着拿交刑部伊所稱怡親王保興年羨堯之處着刑部問怡親

王福祿亦拿交刑部俟伊父諾木渾事情審結之日刑部一并定擬具奏

唐光稷春山赫倫泰戴蘓着仍於原行走地方行走欽此本部于雍正

四年六月二十七日覆奏本日奉

旨德泰爾非守分之人着發黑龍江崇差免其枷責欽此

一件刑部議覆江西巡撫裴率度題楊欽生毆死傅郡八一案初七日奉

旨楊欽生毆死傅郡八保辜二十四日之外殞命情罪猶可矜原楊欽生着免死
減等發落仍照例追埋瘞銀給付死者之家着刑部將所有命案內保辜五日
外殞命者俱查明具奏餘依議欽此欽遵本部遵奉

諭旨查得各省命案內凡保辜五日外殞命及未經保辜五日外殞命之案已未

入秋

朝二審者繕寫畧節恭呈

御覽等因於雍正四年七月初八日摺奏十三日奉

上諭論刑部國家立法本以懲兇暴之徒而因事原情則時深惻隱之念書云宥過
無大刑故無小所以斟酌權衡廣好生之德也朕慎重刑罰矜恤下民每遇讞
鞫之案徃復披覽至再至三求其可生之路嘗見各直省命案內或緣細事起爭或

因護親情急或已經退避而毆者勢不相容或本意恐嚇而誤傷者遂至莫救其中有經報官保辜者亦有未經保辜者有延至數日殞命者亦有延至數十日殞命者當其爭角之時祇知乘憤直前豈計因傷致斃按律抵罪法所當然但念蚩蚩愚氓祇因一朝之忿頓罹重罪每詳閱案情朕心寔為不忍且秋審時凡情輕之案多以情可矜原減等發落今朕特沛殊恩予以自新之路現在各直省具題到部已未入秋審案内除情有可惡者不准寬免外其何純恭等一百七十七名俱着寬宥釋放分別有力無力照追埋葬銀兩給付死者之家如不照數出給仍將該犯照例減等發落並着詳記檔案倘該犯日後再有所犯必加倍治罪此朕格外生全浩蕩之恩為舊例之所未有凡茲小民當體朕省刑宥過之慈懷身受者力圖改悔以贖前愆旁觀者觀感提撕時存警懼又訓其子孫勉其弟比閭族黨互相勸戒各安本業不犯王章則是朕之法外加恩與民之望外兼恩均為移風易俗之美事倘以為法網寬舒希圖倖免不改其好勇鬥狠之習存重負朕牘民遷善之心則格外之寬典豈容屢邀而異日之追悔計屬可益爾節將此行文各該地方通行張示曉諭務使鄉里

愚民盡皆知悉特諭欽此

一六九

一件議政大臣等議奏原任將軍陳泰並不奏明將正項錢糧六千九百二十四兩自行動用一案將陳泰擬斬監候等因於雍正四年七月二十三日題八月初三日奉

旨陳泰暫且停其治罪給限一年照數完伊侵欺銀兩如限內完結着奏聞免其死罪若不能完結仍照原議擬罪具題餘依議

一七〇

一件原任河南南陽總兵官董玉祥查奏原任提兵官佟世麟收受生辰年節禮物并情願賠交各款銀兩一案於雍正四年八月十一日題六日奉

旨佟世麟暫且停其枷責着將伊應追銀兩速行完結如果依限全完猶可寬免其罪如故行推諉不依限完結着加倍治罪欽此

雍正四年十月初四日内閣九卿等奉

上諭今年各省情寔人及刑部情寔人犯俱停其處決已降諭旨朕詳閱刑部情寔重囚招冊中有情罪一綫可以稍寬者十餘人用是特頒諭旨分別發落以示寬大之恩並使刑部案件得以清結此招冊內李公着免死戚等流徙三千里其功勳着免死發往黑龍江當苦差沈秀臣案內之首犯郭允進既經從寬改斬歸結沈秀臣亦着改絞監候趙士河係鑽營圖利之人着免死發三姓給披甲人為奴查蘓齊係阿其那管當舖之人伊豈能出阿其那之伎倆着免死發黑龍江當苦差何遇恩着免死發黑龍江給披甲人為奴巴爾諸爾巴時馬着免死發黑龍江給披甲人為奴吳書良姚旦衡之案內年如既已寬免吳書良着免死發三姓當苦差姚旦衡着免死發三姓給披甲人為奴曹濤菴着免死發三姓給披甲人為奴王承勳改為監候俟其應追銀兩完日刑部請旨李標着免死戚等發落常進德着免死發烟瘴

地方給兵丁為奴查哈禮阿林保華賚此三人另有諭旨何圖係大光棍
將伊別素情由一併交三法司核擬具奏欽此

一七二

一件步軍提督阿齊圖奏送正紅旗漢軍佐領吳現使用伊婿楊鑄銀
兩什物又附合叅領丁士鴻用強訛詐下憂知縣楊勤芳屋居住一案
於雍正四年十月初九日奏十二日奉

旨丁士鴻吳現俱着革職從寬免枷號其鞭責之罪准其折贖高其佩着
降二級從寬留任常戴着降一級留任餘依議

一件雍正四年十月十四日內閣九卿詹事科道

面奉

上諭今年情寔人犯招冊朕細加閱看其中情罪有一線可寬者已降旨分別
發落其緩決人犯招冊朕昨亦逐加閱看見其中有情罪稍可寬宥者時
召爾弇公同酌議而降諭旨從寬分別發落馬振圖着寬免其罪發往馬
覲伯王嵩種地處効力閔保在內行走効力多年伊子黑色着寬免其罪交與伊
父令其嚴加管教宋師曾沈繹俱着免罪釋放趙氏梁氏亦俱免罪釋放許登許
維新孫良才同轍着免死發往寧夏與披甲人為奴厄思拉米思卓忒巴扎木
蘇鄂欽俱免死發往江南浙江兩省與披甲人為奴劉紀龍蕭志芳毛柱兒吳二
邢三高文顯俱着免死減等發落欽此

一件四川巡撫法 審題馬起龍在四川打箭爐辦過茶馬事件又陝西督
標把提高勉聽從年羨堯差遣將私茶運送交給馬起龍^此貨賣銀兩
一案於雍正四年十月初六日題十七日奉

旨依議把提馬高勉乃微末武弁伊奉總督年羨堯差遣何由得知為私茶
其情罪不至馬起龍^此着從寬免其治罪欽此

一件內閣九卿等

面奉

上諭御史謝濟世奏河南巡撫田文鏡貪贓壞法等款以田文鏡之秉公持
正實心辦事乃天下督撫中所罕見者貪贓壞法之事朕可以保其必無
而謝濟世于天下督撫中獨奏田文鏡朕不知其何心從前

聖祖皇帝見科道官員朋比作奸互結黨羽潛通聲氣網利徇私情私賣本章
嚇詐財賄荐舉悉出于請求奏劾多由于囑託至于請開捐納請開礦
廠種種情弊不可枚舉及至敗露之後則藉口風聞言事未曾確訪以此解
免其罪此等惡習深可痛恨是

皇考屢降諭旨切責至再至三並傳諭止風聞言事朕即位以來因初理政務惟
恐未能周知是以令滿漢文武諸臣及科道等官皆用密摺奏事蓋欲明
目聰盡去壅蔽以收寔效也而科道等官皆用所家陳者未見有裨益政治之事
乃科臣崔致遠等挾私妄奏不遵國憲朕是以停止科道之密摺令其專用本
章而猶恐其惡習尚存顏風不改是諄諄訓誨往復周詳誠以科道乃朝廷
耳目之官關係甚重欲正人心端風俗必自科道始科道無私方能彈劾人
之有私者若恃為言官可以白簡從事而胸懷詭詐聽人指使顛倒是非
擾亂國政此等之人寔大有害于人心世道為國法之所斷不可容朕豈不

知誅戮諫官史書所戒然審緩急權其輕重誅戮諫官之過小而釀成人心世道之害大也古人為禮儀不愆何恤于人言朕為天下主豈恤此區區之小節而忘經國之遠圖哉謝濟世身為御史不聞別有建白而獨將巡撫中秉公持正之田文鏡加以貪賍壞法之名特疏糾劾且自猶風聞言事顯悖

聖祖皇帝之諭旨而于欽差大臣審定之事盡欲翻案並將各案始末情由及將田文鏡之納賄徇情諸事委田描寫若伊在旁目覩者則其受人囑托聽人指使欲傾田文鏡以快其報復不問可知矣若不嚴行訊問則如鬼如蜮之伎倆得行於先天化日之下人心何由而止風俗何由而端乎着將謝濟世革職令大學士九卿詹事科道等嚴訊務將其中寔情審出不得稍有含糊倘九卿詹事科道中有言官不應加刑者亦即據寔陳奏不得面從而退有後言謝濟世由翰林揀選補授御史着將揀選之翰林院掌院交吏部察議具奏

欽此欽遵隨會同大學士九卿詹事科道將謝濟世擬以斬決等因于雍正四年十二月初九日題十九日奉

旨已有旨了欽此

一七六

一件會着得據鎮守宣化等處總兵官黃廷桂奏送原任宣化總兵官許國柱貪婪欺妄虛冒兵餉併各巴顏工頭人等冒銷餽送銀兩一案等因于雍正四年十二月初二日題初十日奉

旨許國柱依擬應斬着監候秋後處決張學庠依擬應斬着監候張文燦着革職從寬免其杖徒餘依議欽此

一件奉本部送刑科抄出

欽差禮部侍郎塞 題奏惡棍閻尚義等打毀米廠擁鬧巡撫公堂一案

于雍正四年七月二十六日題九月十五日奉

旨三法司會同兵部核擬具奏李杖着革職拿交刑部嚴加議罪具奏廣州旂
兵驕之悍之習俱係管源忠在將軍任十餘年縱容所致着將管源忠

革去職銜欽此又雍正四年十二月十三日題雍正五年正月二十三日奉

旨閻尚義王有成陳顯聰譚英奇俱着即處斬梁亞德湯亞四區亞帶區亞
錦劉國正俱依擬應絞李杖依擬應斬俱着監候秋後處決吳成龍着銷
去加三級抵降二級免其調用吳如譯因居母喪未曾理事着降一級從寬留
任餘依議此內旂人鄒老三張漢傑李林芳林靛責完日着解送進京再廣
東習氣甚屬不堪交與將軍石禮塔巡撫楊文乾將彼處官員兵丁詳加

察勘如有似此不守本分生事妄行者俱着送進京師照伊等原舊職事在
旂下當差行走欽此

一件辦理廂藍旂滿洲都統事務多羅臬郡王允禮奏送原任都統圖

思海運米致斃駱駝并收受李樹德藥廷芳盤費銀兩一案雍正

五年閏三月二十一日題二十八日奉

旨圖思海依擬應絞着監候圖思海之子圖敏曾在允禩門下甚為親

密圖思海原係黨內有名之人藥廷芳係阿靈阿家人以軍餉二萬兩餽

送圖思海輒敢收受大干法紀本應將圖思海即行正法朕特從寬宥已屬

殊恩其應銜銀兩理應速行完納今乃遲延怠玩而圖敏圖奕將伊父生

死致之度外若為不知尤屬可惡着將圖奕革去員外郎提至京師並

將圖敏拿交刑部與伊父圖思海一同監禁嚴追不必定限着速追完結

欽此

一七九

一件江南民姚商彞訛詐戶部江南司書辦王右蒼一案于雍正五年閏

三月二十五日題二十八日奉

旨依議余天錫寔係此案之要犯不得容其漏網據姚商彞既稱余天錫曾有我家眷已去之語比時即應行文伊之原籍速行查拿庶不致于逃匿今曠日久於議奏本內始稱行文提督五城窵大二縣及伊之原籍則奸猾之徒早已聞風遠颺難于踪跡矣此處甚屬不合嗣後凡有緝拿人犯之處各該衙門即速行文不得稽遲時刻倘文到之日彼處奉行不力以致免脫責有攸歸着將此旨內外遵行欽此

一件內務府咨稱茶葉庫庫使三塔寺偷盜人參一案於雍正五年閏

三月十八日奏四月初十日和碩莊親王內務府提督等

面奉

上諭三塔依擬應斬著監候秋後處決六雅圖哈達達哈連麻色行此

偷盜甚無臉面下賤為何撥發庄屯將伊等枷號所應追銀兩還

完之時即發廣西貴州烟瘴等處欽此

一件宗人府咨送三海寺咬令允祇與阿其那等結党允祇在圈禁處行鎮壓

事一案于雍正五年閏三月曾順承郡王錫保口奏本日奉

旨着順承郡王錫保公納圖阿布蘭特太監孔進等帶去問允祇伊所行壓魘之事查

孔進等俱據寔供出朕將渠等之罪俱已寬免伊乃大罪之人在拘禁處又行壓
魅伊若將寔情供出朕將伊寬宥亦未可定若假說一語朕定將伊正法欽此欽遵
經宗人府將雅圖三海會同刑部嚴審定擬另行具題外將允祇照大逆例即行正
法等因于雍正五年四月二十八日題五月初二日奉

旨允祇素性貪鄙昏愚受阿其那塞思黑之籠絡供其驅使朕恐其在外妄行致罹重
罪故令拘禁以保全之乃伊在拘禁之地仍敢為魘魅之事被伊太監供出伊亦自認不
諱又自供出向來與阿其那等共為不法之事本應即行正法但念此等庸碌不堪
之人不能為國家之害着從寬免死仍照舊拘禁欽此欽遵經本部等衙門將

雅圖三海擬以斬決于雍正五年八月二十日題二十六日奉

旨雅圖着即處斬三海改為應斬着監候秋後處決餘依議欽此

一件原任山西平陽府革職知府董紳修理城垣推却一案於雍正四年十月初十日題雍正五年五月初十日奉

旨董紳家產不必行追著將伊發往臺站効力如是心効力則已若仍復怠玩將董紳即於彼處正法欽此

一件准廂黃旂滿洲都統公鄂齊等咨稱本旂佐領何星等呈稱本佐領下原任右衛副都統何爾圖欠右衛官房地租銀五百四十二兩八錢六分曾經本旂奏准給限六個月作速催追交銀等因一案于雍正五年六月二十一日奉

一八四
旨四哥既有房產可抵着從寬免其枷責嗣後凡入官變價房產若所變之價浮于原欠之數該旗查明將所浮銀兩給還本人欽此

雍正五年七月初八日因審擬菩薩保一案

召入大學士等奉

上諭此內擬絞之王二王傑父尚臣馬俊益秋審時須擬情實欽此

一八五

一件准步軍提督阿齊圖奏稱劉老兒等妄造訛言一案將大宛二縣五城司坊各官亦交與該部將預先不行曉諭情由照例治罪為此具奏

面奉

諭旨着交部欽此等因雍正五年八月十六日題十九日奉

旨三法司引妄說虛言煽動人心為首者立斬之例將劉老兒擬斬立決劉老
兒雖情罪可惡尚未造言生事之首犯與此例不符着將劉老兒改為應斬監
候秋後處決高有成從寬免死發遣黑龍江給披甲人為奴餘依議欽此

一件刑部奏稱查得菩薩保帝駝保二人原係蘭親王屬下後

為公中佐領除將伊等妻子俱入

上三旂幸者庫外圖南係廂白旂顯親王屬下博勒赫係正藍旂
怡親王屬下人或將伊等妻子入

上三旂辛者庫或入該王辛者庫之處奏請等因雍正五年八月日

奉

旨菩薩保帶駝保之妻子賞給該親王入辛者庫圍南傳勒黑之妻子
著入各該王辛者庫欽此

一八七

一件辦理上駟院事務內大臣今任工部尚書公劄等奏送上都達布孫諾爾
馬駝群小提管郭柱容之子筆帖式公孫查布告提管常齡將衆人錢糧扣剋
等項一案于雍正五年十月初五日題十六日奉

旨常齡隨征進藏時貪贓壞法被年羹堯奏劾朕寬宥其罪仍行錄用且伊係內
廷行走之人尤當感恩奉法今乃肆行貪贓自無法紀甚屬可惡常齡着改為鷹
監候秋後處決餘依議欽此

一件提督奏送原任浙江布政使佟吉圖家人多三首告伊主一案雍正五年十月

十六日提督阿齊圖奏本日奉

旨將此交部佟吉圖已經發往坐臺看該部差人將佟吉圖帶來伊之家人不可有
踈脫俱着加謹看守帶來伊此處所有家人其應拿者兩即拘拿交部至濟寧
州書辦家中所收之物着該部行文地方官查出解部欽此

一件兵部叅送發往宣化修城革職提兵張殿臣並不興工飾詞

推諉一案雍正五年三月初六日題

十七日奉

旨部議將張世臣資財解送宣化府抵補伊兄張殿臣公項着不必行
張殿臣原係隆科多保舉之員朕調來引見看其人才具甚屬庸劣

必係鑽營隆科多濫膺保荐是以將伊革職發往宣化府城工効力
今又復遲延推諉本應即行治罪但伊從前居官如何之處未經確
查着行文湖廣督撫將伊原任襄陽提兵任內有無劣蹟一一據實
查奏若無劣蹟尚可寬宥若有劣蹟即據伊所犯之款按例治罪

欽此雍正五年十月十四日題十八日奉

旨張殿臣從寬免其杖流着發回原籍令該地方官約束不許出境
生事欽此

一九〇

一件提督拿送正藍旗王德拐賣薩蘭珠一案于雍正五年十月十
四日題十九日奉

旨知道了這本內長生張老兒王德俱着發往黑龍江與披甲之人為奴

向來另戶之人犯罪發遣俱不為奴但另戶亦有不同其中有原同奴僕
卑污下賤者亦有原係家下奴僕開戶而為另戶者若發遣遠方各
人管束又致生事如是在滿洲另戶斷無犯等罪之人嗣後除滿洲正身
之另戶外有如此等犯罪發遣者著該部酌量應給披甲之人為奴為
當著該部定議具奏欽此

一九一

一件步軍提督阿齊圖奏送陳保住等偷盜禮部庫銀內金冊一案雍正五年
十月十六日題十九日奉

旨陳保住廣東俱着即處斬六兄二哥俱依擬應斬着監候秋後處決從前禮部
官員有因官物被劫已經賠補者着將追出之項給還該員不必官餘依議欽此

一件會看得准步軍提督阿齊圖奏送廂藍旂達爾占佐領下披甲五
達色出首潘耀如等訛詐戶科缺主史道恒案雍正五年十月十七日

題二十一日奉

旨朕時時頒發諭旨以正人心端風俗為首務碩啓泰身為內務府筆帖式
輒敢糾約多人將史道恒強拉至伊家中訛詐銀六百兩餘藐法逞奸莫此為
甚刑部將伊擬以光棍為從之律而以曾經報信現在脫逃之姚爾尚為首
顯有徇情故縱等弊着將刑部堂官及辦理此案之司官交部察議碩啓
泰着改為此案首犯即行處斬姚爾尚着照為從例候拿獲之日監候秋
處後絞長春依擬應斬雅柱二達子大小子俱依議應絞着監候秋後處決餘
依議欽此

雍正五年五月初一日

一件和碩莊親王 奏送顯應寺尼姑克璽隱匿廟紅旂漢軍原
任恭頌趙世綸家產銀兩房屋并同道人劉福昆西符念咒誑騙
銀兩一案于雍正五年十一月二十四日題二十九日奉

旨克璽依擬應絞劉福昆依擬應斬俱着監候秋後處決克璽以尼僧
而妄行不法西符念咒煽惑民人而又隱匿趙世綸家財克來知情並
不出首該部擬以杖責收贖甚屬不合着將克來勒令還俗交與刑
部收禁俟黑龍江披甲兵丁來京查其嫖妻室者將克來賞給為妻
子永裕巴什承查本旗家產乃聽其藏匿作弊甚屬溺職例革職
趙弘恩居官尚好伊母所行不法之事豈肯明告其子趙弘恩自不知

情將伊處分之處寬免餘依議欽此

一九四

一件通州申解盜犯楊自金等治罪一案于雍正五年十一月初六日奉

旨通州盜犯楊自金等聚眾拒捕脫逃情罪甚屬可惡從前朕曾差侍郎黃炳前往通州嚴諭知州黃成章作速緝拿乃黃成章始初不能自行緝獲迨把總董彥拿獲教人解交該州差役帶同指拿夥犯即有數十人中途持械劫毆以致捕役受傷楊自金等若非商謀劫奪預先糾約臨時何能驟聚多人且內有教人原係別案大盜是楊自金等皆屬積年慣賊無疑黃成章並不嚴加刑訊審出寔情顯有故縱情弊該督亦並不詳訊駁審將黃成章叅處邊依所擬草率具題甚屬不合着刑部將此案人犯提解來逐一嚴審定擬具奏欽此

一件多羅順承郡王恭奏延信私與阿其那等結成惡黨鑽刺營謀
及令伊前往防守藏地假托抱病規避不去一案雍正六年三月二十六日
奏四月初二日奉

旨阿林那王氏俱著改為立斬孫明性著照議戮屍景亦延信著改為應斬
監候秋後處決暫與隆科多一處圈禁延信之子孫阿林那之子孫年十六
以上者俱從寬免死並十五以下之子孫及女妻妾子妻妾俱入顯親王
者庫交與顯親王拘管養贍王氏孫明性之父祖子孫伯叔兄弟人等俱
著該督撫詳細查明此本內擬以立斬者著從寬免死給付功臣之家
為奴擬以給付功臣之家為奴者著從寬免其罪餘依議

一件查圍捕盜總管觀音保拿送山西民裴大光等偷砍圍場官木
一案于雍正六年四月二十一日題本月二十五日奉

昔觀音保屬下人寺先曾控告觀音保觀音保收受裴大光銀兩之數並未首出今觀音保業已革職或懼怕刑訊承認亦未可知著交典理藩院王大人會同刑部大人訊明具奏欽此

一件內務府總管拿送醫生吳謙交部治罪一案雍正六年四月二十日辦理內務府事務和碩莊親王等奉

上諭醫生吳謙原係鑽營生事不守本分之人從前大阿哥允禔處行走招搖撞騙種種不法及允禔獲罪之後伊又在允禔處行走肆竟妄為其光棍惡習人所共知曾犯重法應正典刑幸邀赦免朕念其尚明脉理格外加恩於雍正元年授為太醫院吏目令其効力行走乃伊怙惡不悛於雍正四年以京察浮躁革職後因伊堂官劉聲芳奏稱吳謙人雖浮躁而於脉理尚好是以雍正五年朕又開恩特賞御醫之職令其効力贖罪乃朕如此寬罪

加恩而伊全無感激悔過並無一實心効力之處昨因皇后偶感風寒命伊用藥調理伊用藥數日並未見効及降旨詢問伊全無愧懼之色是其光棍行動並不悛改甚屬可惡著內務府總管將吳謙上九條鎖交刑部定擬具奏其所有家產資財皆伊平日招搖撞騙之所得著交與九門提督阿齊圖抄沒賞給太醫院人等欽此欽遵將吳謙擬以斬決於雍正六

年五月二十五日題六月初四日奉

旨吳謙改為應斬著監候秋後處決餘依議欽此本年

朝審奉

旨吳謙從寬免死著永遠在監會同醫官醫治監犯倘有意傷人仍照伊原罪即行正法欽此

一九八

一件廂黃旂滿洲都統拉欣奏廂藍旂蒙古都統署廂黃旂蒙古都統事務薩齊庫趙保交部治罪一案雍正六年六月二十二日奏

本日奉

旨都統拉欣奏稱伊旂下將米局內銀兩借放與人互相隱瞞侵欺官員將此
情由告知署都統事務副都統薩齊庫副都統趙保等伊等囑令
銷事薩齊庫趙保既已聞知並不查明題奏反令屬員銷事甚屬
可惡被拉欣回來查出奏此等大臣明知而瞻徇盡負法之處從他處發
覺者朕不治屬員之罪但治大臣之罪曾屢降諭旨薩齊庫趙保著革
職拿交刑部嚴審官員等不必治罪欽此欽遵經本部將薩齊庫趙
保擬以枷號鞭責於雍正六年十月初六日題十二日奉

旨薩齊庫趙保俱着在米局枷號示衆俟應賠米石交完之日再行請旨
餘依議欽此欽遵薩齊庫趙保各名下所賠米石照數追完於雍正六
年十月初七日奏本日奉

旨米石既已賠完着從寬免欽此

一件會看得延信之妻常氏從西安將金珠等物隱匿拿給伊家

人關生等分藏一案於雍正六年十二月二十日題本日奉

旨延信妻子已入顯親王辛者庫不必發遣延信之事原係富寧安恭
奏稽查西安家產斷無徇情瞻顧之理且係婦女身藏以致隱匿西
安大臣各官查議之處俱著寬免此內擬徒犯旂人俱著枷責完
結圖納著革職李岱著降二級留任餘依議

二〇〇

一件提督奏送江南田子柳四等私鑄錢文一案于雍正七年五月十

五日奉

旨聞得江南亳州城北關有私鑄之人將你番子內有諳練事務者派往
數人加意訪拿不可生事欽此

一件辦理藩院尚書事務和碩果親王允禮等奏送延信進藏
向阿爾布巴等要過金子七千兩原任員外郎蘇太要過金子三
百兩一案奉

旨延信妻子已入顯親王等者庫不必發遣欽遵在案於雍正七年四月二
十四日題三十日奉

旨據刑部奏稱蘇金太得受金子之處堅供不認以為阿爾布巴挾讎言誣
瀨等語而刑部等遂揆情科斷擬以絞罪具奏延信得受阿爾布巴等
黃金七千兩供據鑿鑿中外共知今蘇金太不肯承認受賄則延信之
受金據蘇金太亦謂有冤抑乎今刑部揆情定議恐無知之人因蘇
金太之供招不確謂延信得金之案亦在疑似之間矣刑部審擬殊屬
不合着將蘇金太再加嚴審務將實在有無得金之處確取口供
定擬具奏不得仍前含糊案欽此將蘇金太照律擬以絞候等因

於雍正七年六月十四日題二十日奉

旨蘇金太依擬應絞著監候秋後處決餘依議蘇金太收受金子之處今已將寔情審出矣從前刑部審理時何以並不訊取確供遽爾揆情科斷若非朕降旨詰問則此案必致朦混完結矣著刑部堂官及辦理此事之司官明白回奏欽此

二〇二

一件兵部咨送宗人府府丞蔡嵩交部嚴審治罪一案于雍正七年閏七月十七日奉

旨宗人府府丞蔡嵩奏摺內稱王爺伊由翰林歷任中外服官多年從古來曾有在君前奏對有稱呼王爺之文理乎豈不知朝廷禮法朕降旨詢問伊奏稱臣寔愚昧不知國體又問國體爾既不知是將大清政務視若

膜外矣伊即應諾是是復問數次皆毫無畏懼認過之意如此妄誕放肆寔為可駭著革職拿交刑部嚴審定擬具奏欽此於閏七月二十日內閣交

出奉漢字

上諭蔡嵩係年久翰林朕御極之初見其年齒已高為人似覺老成特加恩用為雲南學政其在任內所奏事件尚屬明白朕屢加遷擢適因湖北按察使員缺需人朕意以伊或能辦理地方之事因降旨將伊補授隨有大臣等奏伊才知短不勝兩司之任者於是調回以京堂補用及來京進見朕觀其人果不稱外任之職而居官尚無過愆仍加恩授以宗人府丞三品之顯秩所以待之者不為不厚矣而伊進見之時並無感恩之意似以不得外任怨望于心且具神色常若沉湎于酒者昨于輪班條陳摺內稱宗人府王為王爺朕面詰之曰在朕前奏事乃稱王為王爺有是理乎伊對曰臣昏憤不知國體朕詰之曰爾為翰林多年且歷任內外至于大臣此等禮數尚

且不知豈非于大清國之事務全不關心乎伊連稱是是朕又詰之曰爾于大清國之事務全不關心此語爾敢與承受乎伊又連稱是是彼時廷臣同進見者數十人在旁聞之無不駭亟驚異朕見其神色昏亂言詞顛倒以為此必居心不良鬼神為播弄其平日必有誹謗悖逆之詞如呂留良查嗣庭汪景祺等之見于記載者因令革職拿問搜查其寓中筆札及將寓中筆札查出進呈朕一一檢閱其中世俗請託私交則有之並無誹謗悖逆之語但字蹟中言飲酒之處甚多可見其平日沉湎于此以致昏憤也朕竟一時錯看將蔡萬免其究問仍給與原品令其休致在八旗誌書館於李紱等一同修書効力並將朕錯看之處宣諭衆人知之特諭欽此

二〇三

一件內閣交出謝濟世註釋大學毀謗程朱一案奉

上諭據順承郡王錫保以在軍前効力之謝濟世註釋大學毀謗程朱參

奏前來朕觀謝濟世所註之書意不止于毀謗程朱乃用大學內有見
賢而不能舉兩節言人君用人之道借以書寫其怨望誹謗之私也其註
有拒諫飾非必至拂人之性驕泰甚矣等語觀此則謝濟世之存心昭
然可見朕即位以來於用人之際至公無私不惟可以自信亦天下臣民所
共知者即以田文鏡謝濟世二人之事言之田文鏡在

聖祖皇帝時為內閣侍讀學士朕從未識其面亦并未知其姓名因雍正
元年伊奉差祭告華山回京陛見將山西通省荒歉情形急切陳奏備
極周詳朕以山西被災其時之巡撫德音身在地方匿不奏聞而田文
鏡以奉差經通之員念切民瘼直言無隱其忠君愛國之忱悃深屬
可嘉遂令田文鏡文鏡鏡前往山西撫綏賑濟伊到彼果能盡心辦理
是全活山西數萬生靈之命者田文鏡之力也於是將伊授為山西布政
使令與諾岷協衷共濟而山西吏治整頓一新嗣因河南諸事廢弛調

任河南布政使未幾擢為河南巡撫現今授以河東總督之任數年來寔心任事正已率屬洵為公忠體國之大臣夫以素不識面之人見其陳言敷政有益于吏治民生遂于一二年間擢為巡撫深加信任尚可謂見賢而不能舉舉而不能先乎又如李紱蔡璉與黃振國卻言論狂誕等結黨行私營求報復而謝濟世奸惡狼戾聽其指使叅奏田文鏡貪贓細賄任意誣毀借直言敢諫之名行其排擠傾陷之計朕當謝濟世陳奏之時立即洞燭其奸拿交刑部審問奸謀鑿鑿敗露朕尚未忍置之重典著令革職發往軍前効力贖罪一時在廷諸臣無不以為至公至當以此尚可謂之見不善而不能退退而不能遠乎至于朕心并無私好私惡惟以其人之善惡為好惡以衆論之是非為好惡何嘗預存成見于胸中即如引見各官有朕見其才具似優者亦叅談上司試看有見其人似屬平常者亦令談上司試看並諭令談上司秉公考課不必存迎合瞻顧

之念是以各員蒞任之後或朕旨曾與其優而督撫奏劾者多有之或
朕旨以為平常而督撫保題稱職者亦有之朕未嘗以一己之好惡令天
下督撫以阿徇而各督撫亦能仰體朕意從未嘗以朕之好惡漫為逆
合也朕之用人惟期有益於國計民生者可謂之好人之所惡惡人之所
好乎如浙江巡撫之任前此三年之內七易其人今得李衛公正之臣自久任
不易也又如直隸總督西安巡撫之任數年來更易甚多至今尚未得其
人至若田文鏡之在豫省鄂爾泰之在雲貴岳鍾琪之在川陝地方寧謐
吏畏民懷是以田文鏡加為河東總督鄂爾泰加為雲貴廣西總督
凡此皆以萬民之好惡為朕之好惡毫未嘗自任其私安可云拂人之
性也謝濟世於公正任事之田文鏡則肆行誣奏於婪賂不法之黃振國
以及噎護鑽營之李紱蔡珽卽言論注誠等則甘聽其指使而為之報
復乃真顛倒是非紊亂黑白好惡拂人之性者矣天理國法所不能容
蓄已速身而猶不知省惧何其謬妄至于此極可謂下愚不移者矣夫拒

一八〇
諫飾非之說乃朕素所深戒然必責難陳善忠言謹論而後可謂之
諫若乃排擠傾陷之私奸陰狡惡之邪論豈可以直諫自居而冀朕之聽
受耶試問謝濟世數年來伊為國家敷陳者何事為朕進諫者何言
朕所拒者何諫所飾者何非除處分謝濟世黨同伐異誣陷良臣之
外尚能指出二三事否乎謝濟世以應得重罪之人從寬令其効力乃仍懷
怨望恣意誘訕甚為可惡作何治罪之處着九卿翰詹科道秉公定
議具奏特諭欽此隨會同九卿翰詹科道將謝濟世擬以斬決于雍正

七年七月初三日題閏七月十六日內閣奉

上諭九卿等將陸生楠謝濟世二人議罪之本可仍發與順承郡王錫保令
其將此二本與陸生楠謝濟世看本內所載論旨各條伊等有何辯對着
一一訊問確取明白口供具奏欽此於雍正七年八月二十四日經順承郡王錫
保將謝濟世親供奏

聞奉

旨着九卿再行定擬具奏欽此隨會同九卿翰詹科道將謝濟世仍照原議斬

決于雍正七年九月二十日題三十一日奉

旨謝濟世案內李紱不必拿問着刑部將謝濟世所供李紱蔡珽向伊
告知蔡益田文鏡情由詢問李紱蔡珽確取口供具奏欽此

二〇四

一件內閣抄出奉

上諭大學士孫柱雖庸碌無能素餐多年然平生尚無大過且年已八旬
先帝舊臣在朝者甚少着將伊名下應追銀兩俱已豁免止係案件著
開復以昭朕優恤老臣之至意欽此

一件廂黃旗滿洲都統奏原任主事傅爾遜勾賄宮戶等項銀兩將房
屋抵項一案于雍正七年十二月十九日奏本日奉

旨傅爾遜先在工部時係鑽營向其那行走允派去工程並不効力深負朕
恩情由可惡伊房屋不必入官將傅爾遜着圈禁高牆催追銀兩
再傅爾遜從前部內如何擬以枷責即行釋放之處查明具奏欽此

一件順承郡王奏軍前効力之謝濟世釋大學殿謗一案于雍

正七年九月二十四日題十月二十日奉

旨謝濟世從寬免死其妻子家產免其入官將謝濟世交與承郡王錫
保令當若差効力贖罪姚三辰陳學海在軍前安靜奉法着回

京談部請旨虜敵不必交送刑部若詢取口供惟案內有旨了餘
依議欽此

二〇七

一件議政大臣管理廂監旂漢軍事務和碩果親王克禮寺奏送

王義代許煇說事賄求刑部郎中赫楞格一案雍正七年十二月初十日

題二十八日奉

旨赫楞格著暫停加責發往台站効力如果寔心任事則寬免其罪倘復
推諉怠忽著加倍加責再行請旨從重治罪欽此

一件雍正八年十月初十日內閣抄出奉

上諭凡漢軍人員之祖父皆本朝開國時從龍入關之人是以受國家之恩最爲優渥而其中懋著功勳者不但加恩予其本身且望其世世子孫居高位食厚祿綿慶澤于無窮也而無如其中有一種不肖之人忘國家高厚之恩背祖宗忠義之訓自暴自棄干犯王章伊等不自念其先人而朕于執法定罪之時未嘗不念忠勳之後竟罹罪譴為之含淚悽然躊躇再四不忍頒發諭旨也范時繹乃一叅領耳朕念其為功臣之後加恩用為總官伊辦理

陵寢事務尚能謹慎小心朕真其紹述家聲時授以江南總督之重任且官階加以都統尚書伊在江南雖在勉持操守而玩愒廢弛無意於吏安民之善政視地方之事如膜外益梟巨盜待訪確姓名密諭批示而伊始行緝捕且辦事不知慎密竟有閩風遠颺者又如江南浙江地方潛藏匪類蠱惑人心伊不能禁約稽

直以端風俗轉與私相往來及至奸徒敗露之後浙江文到提拿重犯而伊瞻顧舊交欲為之袒護比尚得謂之有人心者乎而朕猶諒其出于愚昧無知非交結逆黨之大惡密令總督李衛于審詢定案之時留意保全之及伊到京朕猶不忍令其罷斥廢棄特命太平峪工程以為効力自新之路適因北河總督不得其人于是令伊前往諄諄訓誨即回文鏡見伊到豫亦深喜得相助為理之人豈料伊下愚不移以河渠乃民命所關正當伏汛危險之時竟忍視為膜不相關之務職負恩至于此極比范時繹之槩也尚崇禎之祖尚可喜于

太祖皇帝時抒誠歸順至吳逆變亂時尚之信雖干叛逆之條而尚可喜始終不失臣節尚之隆侍從內庭數十年小心勤謹深受

聖祖皇帝之恩伊子尚崇禎原係散秩大臣朕望其成立特加任用令其管理

陵寢事務伊頗能黽勉供職無欺無隱朕因奉天積習尚未全改特將伊授為盛京五部尚書令其整理訓導乃伊陛辭起身之時朕見其舉止言動頓改常度于是切加訓誨而伊不能領受到新任行事乖張前將差往辦理之官達叅奏朕將官達召回詰問官達陳奏尚崇禎在任種種狂肆之狀朕以其出于仇

怨之口未之深信後據平辟王恭奏前來朕令大臣等將伊與同事官員二傅齊質問伊狂肆不敬背公行私之處悉皆確實伊亦俯首無辭此尚崇廩之大槩也李永陞原任河南南陽提兵官居官聲名甚屬不好隆科多曾在朕前恭奏朕細加訪查實多劣跡于是將伊罷斥發往口外甚站効力贖罪及朕恭閱

聖祖皇帝實錄見四川原任總督李國英平寇捕賊懋著勞績詢其子孫則李永陞其滴派也遂降特旨將伊調回授以叅領之職朕含淚面加訓諭伊以感激

涕零後又加恩遷擢至于都統辦理該旗事務尚覺妥貼似屬盡心職守者朕以為感奮自新大改故轍矣是以授為工部尚書豈料伊一到工部之任遂作契營私婪賂累疊甚至延奸胥為幕客以開招搖納賄之門寤訊之下供証鑿鑿無可置辯此李永陞之大略也此三人者均係漢軍世家之裔彼之祖父効忠宣力如此國家之酬庸賞功如此而彼之負恩辜德如此朕實不解此輩具何肺腑也凡在廷臣莫不為之嘆息痛恨想伊父祖有知亦應含恨于九原惟是朕再四躊躇若欲按律置之于法則這念伊等前人勲勞拳拳弗釋若欲寬宥其罪又恐開將來功臣子孫肆行不法之漸展轉猶疑實不能決但思伊等所犯尚不至于隆科多年美克恭玷不可赦宥之條今且施法外之仁將苑時繹尚崇廩李永陞釋放令伊等洗滌肺腸遷善改惡倘能戴朕

寬宥浩蕩之恩痛自愧悔將來或另有使令之處若怙惡不悛再有過犯定行正法莫希再邀寬典也着將伊等所有應行審結之案仍令該部審明定擬具奏特諭欽此

二〇九

一件署理蘓州巡撫戶繼善題參原任鎮海將軍何天培於署蘓州巡撫任內侵蝕徇隱婪賄悞公等款一案等因雍正九年三月十三日題十六日奉

旨何天培深負朕恩是以從前部議伊所侵蝕關稅銀兩加倍追繳朕降旨允行亦料其賍私不多力能完納也今伊名下侵蝕銀兩已至數萬若令加倍追繳是徒有其名而無完納之實亦不足示懲何天培名下前後應追銀兩俱着照數追出不必加倍餘依議

一件莊親王奏五達塞聽信常德寺刊刻詩文捏造狂悖詞語一案于

雍正九年十二月初九日奏奉

旨五達塞着在允祇一處圈禁塞奔不必發往打牲烏喇着在圈禁允祇門外永遠枷號余兆瑞亦不必充徒着發往黑龍江給與披甲人為奴凌圖著革去護衛職銜枷號交與該旗將從前所食俸祿查明數催追俟還完之日再行釋放常德何其恕交與三法司核擬具奏欽此

一件安慶巡撫題亳州柳四等鑄造私錢一案于雍正十年四月十九日題二十二

日奉

旨亳州壽州等處奸民私鑄錢文經朕訪聞確實于雍正七年秋間勅令步軍統領差役前往拿獲多人則其合夥私鑄為時已久事理顯然令該

撫等將各案查審具奏俱稱私鑄起至雍正七年之夏秋或鑄一月或鑄二三個月即行停止朕體察情由其中顯有草率支飾等弊私鑄大干法紀若不究問疎忽將來何以示懲至于亳州案內挑水做飯得受工錢之柏雲唐章賣烟得錢之李維三次買錢之李大回子俱與知情不報擬以立決似覺太重况壽州案內受賄不拿之捕役蘓標止于擬絞監候則李維李大回子之罪不應在蘓標之上又亳州案內有商同私鑄因無人掌炉而未經鑄成者亦應酌量議減此數案內私鑄日期及錢文多寡之處着該督撫再加確審務得寔情不得草率結案其情罪稍有可原之人何作分別治罪亦着另行定擬具奏余先祖身為知州而境內私鑄橫行若此全無覺察若止草取不足蔽辜俟此案完結之日將余先祖發往奉天安插以為有司蒞職養好之戒欽此

一件正黃旗漢軍都統金以坦等奏送廂藍旗漢軍叅領高煥

侵用庫銀一案於雍正十年四月二十四日題于二十六日奉

旨旂員侵盜國帑定例昭然高煥藐視法紀明知故犯且畏懼該都統查
庫敗露預先捏詞妄奏又復誣扳駸騎校張杓其居心狡獪已極高
煥著照議即行處斬以為匪類玩法欺公之戒餘依議欽此

一件正白旗蒙古都統魏臘等奏該旂叅領朝典不行撥演兵丁侵佔官

房交部議處一案于雍正十年閏五月初十日題六月二十五日奉

旨朝典人甚狂妄朕曾屢加訓諭伊乃負朕恩如此卑污干犯法紀甚屬可惡朕

本欲從重治罪但伊漢仗胆氣尚好著革職自備鞍馬前往軍前達爾濟

軍前効力贖罪欽此

一件兼理廂黃旗漢軍都統事務范時繹等奏拜他喇布勒哈番
新光宗貪婪蒞法行止不端一案于雍正十年八月二十九日題九月初九

日奉

旨依議岳興阿枷責之處着寬免欽此

一件內閣抄出雍正十年九月二十七日奉

旨着行欽拜將紀罕上鎖由驛站解送來京交與刑部請旨欽此

一件兵部奏奏前往馬廠之副都統徐仁圖爾沁並不親身稽查牧
養以致官馬疲瘦一案於雍正十年十月二十二日題二十五日奉

旨徐仁圖爾沁俱從寬免其枷責徐仁著往查克拜達里督率種地之人
効力贖罪欽此

一件管理廂藍旗漢軍事務和碩果親王等奏原任都統耿化
祚狗瓦驍騎校林仲達受賄行私并辦理正黃旗漢軍事務工部
郎中洪通續奏耿化祚隱匿發遣耿永祚之子三哥等在京朦混
具奏一案于雍正十年十二月十七日題二十日奉

旨耿化祚從寬免其枷責餘依議欽此

一件提督鄂拿送李二屢次行竄一案于雍正十一年三月二十四日彙題

二十六日奉

旨知道了續于雍正十一年四月十九日奉

上諭滿洲漢軍人等不諳耕種之事若發往查克拜他里克甚屬無益自今

伊等尚未起身仍照舊例發往黑龍江等處欽此

一件副將紀成斌故違將令貽誤軍務一案于雍正十一年五月十七日題六月初一奉
旨紀成斌本由行伍兵丁出身蒙

聖祖仁皇帝深恩屢加拔擢至叅將之職雍正元年朕因年羹堯保薦遂用為副將旋即補

授總兵官特陞提督寔為逾格之恩嗣因西陲用兵關係重大協贊務得其人岳鍾琪荐伊素嫻軍旅可以任用朕亦料其重受國恩自必努力戎行力圖報効是以委以協贊軍務之重寄雍正六年岳鍾琪進京陞見將大將軍印務令伊護理伊當此大任自應愈加敬謹悉心籌畫于緊要卡倫嚴密偵探于賊人窺伺思慮預防庶可上報國恩下稱職守詎紀成斌昏庸懦怯玩愒性成將軍國大事視同膜外全不經心以致賊人賖其疎忽乘隙侵擾卡倫損傷將弁賊害士卒其被掠馬駝羊隻無算鎗砲器械口糧遺棄亦多維特紀成斌身在大營掌握重兵恐懼驚惶一籌莫展聽賊眾環營往來如入無之境兩路軍威因此大損且致逆賊資我之馬駝器械得于次年侵犯北路是兩路軍營之被賊擾掠者皆紀成斌之貽害也至今出征將弁兵丁莫不痛恨切齒天下之人亦不以紀成斌之喪師辱國縱賊失機之罪為法所難寬彼時在廷大臣即奏請將紀成斌按以軍法明正典刑以肅軍紀朕猶予以自新之路特降諭旨暫緩治罪俟事竣之後再定寔望其感激抒誠

電勉効力以稍贖前愆也乃伊獲罪後在營載仍無愧悔之心亦無出力之處朕始降旨將伊革去提督降為副將凡有差違令其効力行走若仍不知愧悔必究前案以重處之所降諭旨甚為明晰若伊稍有人心自應感恩畏法洗滌肺腸以圖後効乃伊頑不靈目無國憲既不思從前獲罪之重大亦不念曲加寬宥之深息于雍正十年正月賊犯哈密之時曾勅領兵堵截遇賊于二堡之西仍復退縮不前致賊免脫尚敢扶同曹勅捏報力戰四時朦混掩飾今于駐防搜查卡又敢故違將令漠視軍務以致車輛被劫是紀成斌之所至在在疎防無不失機養逆者可見伊全無改悔之心而且有意悞公債事合其前後罪案情無可寬法無可貸著署大將軍將紀成斌即于軍營處斬以為將弁失機縱賊負恩誤國者戒張元佐許大學俱著降三級調用仍留軍營効力贖罪餘依議欽此

一件廂白旂滿洲都統奏送五彭額家人陳祿聽信任什泰教唆誣告伊主
 一案將陳祿照律擬斬立決等因于雍正十年八月二十日題于三日奉

旨伍什泰圖謀伊侄伍彭額所襲官職利誘伍彭額家人陳祿捏款誣告其主薄
 惡已極議以鞭責不足蔽其辜著交與該旂永遠枷號示衆陳祿之罪固可無
 逭但伊與伍什泰亦有主僕之分一時誤聽指使情稍可原着改為應絞監候秋
 後處決餘依議欽此

一件駐藏統領今陞廂黃旂滿洲都統清保叅奏副將楊大立帶回額兵
 虛冒軍糧一案于雍正十二年九月初三日題初六日奉

旨楊大立從寬免其徒杖著自備鞍馬前往北路軍營聽大將軍平郡王手種

地之處派委効力贖罪餘依議欽此

二二三

一件戶部叅奏員外郎那秦等朋比為奸把持部務一案于雍正十年十月十八日題二十日奉

旨那秦濟什哈依擬應斬常叅費揚古四十九王慎德依擬應絞俱著監候秋後處決宗霖著從寬免其杖流發往北路軍臺効力贖罪餘依議欽此

二二三

一件工部奏員外郎富謙修理城工尅減工料一案雍正十二年八月初十日

彙題十六日奉

旨富謙所修城工甚屬緊要伊乃漫不經心怠忽從事情由可惡著枷號

將應賠銀兩加倍退出若枷號滿日尚不完交不准釋放其所補脫逃之匠後
陳起山等顯係富謙飾詞狡供何必交與地方官緝捕即着富謙訪拿
欽此

二三四

一件准兵部咨稱准辦理軍機事務處交出雍正十二年十二

月二十一日奉


旨據王崇奏稱都統祖秉衡到口稱伊帶領漢軍兵丁內沿途
車牛傷損餵糧斷絕有凍餒不能行走者須攜帶銀米
前後迎接是以同知處借給銀四百兩又為兵丁整理衣帽
等項欲借領銀一千五百兩未敢供應等語朕陸續施恩將
祖秉衡用為大臣伊並未盡心辦理一事此次派往出征者

亦因伊等跪稱伊等漢軍大臣官員兵丁俱情願照滿
洲蒙古一體前往軍營効力行走是以派出祖秉衡領兵去
時自京師以至歸化城傷損馬匹牲口甚多且一到軍前
一味附合馬爾賽毫無効力之處今領兵回京又不敬謹照
看兵丁愛惜馬匹牲口節省餵糗設法行走以致多傷牲畜
俾兵丁如此困乏有是理乎深負朕恩此俱係祖秉衡之罪
與官員兵丁無涉祖秉衡到京日著革職拿交該部嚴
審定擬具奏所借銀兩著落祖秉衡賠補欽此

上諭事件冊

部咨欽奉

查造雍正肆年起至拾年止准到



兵部為欽奉

上諭事武選清吏司案呈准禮部咨稱雍正三年十一月二十七日內閣

交出張文彬轉傳交漢字

上諭朕以

先師孔子聖諦理應迴避前降諭旨令九鄉會議具奏經九鄉議覆凡
姓氏俱加下為邱凡係地名皆更易地名至於書寫常用之際則作

古體止字朕細思今文出於古文若改用止字是仍未嘗迴避也此字

本有期音查毛詩及古文作期音者甚多嗣後除四書五經外凡遇此字

並加下爲邱地名亦不必改易但加下旁讀作期音庶乎允協足副
朕尊崇

先聖之至意特諭欽此欽遵應咨兵部轉行武職各衙門等因前來
相應行文八旗并各省將軍提鎮一體遵行可也為此合咨前去
欽遵施行

雍正四年二月

二十七

日

雍正肆年叁月拾陸日准到

刑部為欽奉

上諭事湖廣清吏司案呈雍正四年二月十一日准內閣抄出案

上諭安民必先弭盜而捕盜之法在於速拿聞有交界地方失事

盜賊竄匿鄰境有司官以地非管轄不便徑拘必用文移閩

提掛號添差方許緝拿以致需遲時日聞風遠颺即使日後

拿獲而贓已花銷懸案不結凡係地方官均有弭盜之責何分此

疆彼界嗣後交界地方失事探實贓盜之處無論隔縣隔府隔省一

面差役執持印票即行密拿一面移文閩會拿獲之後仍報明所該管

地方官添差移解倘捕後借端誣害良民照例從重治罪各該有司
務須協力稽查使奸宄無可潛藏以副息盜安民至意欽此相應
移咨前去欽遵查照施行

雍正四年二月

二十八

日

三三七

雍正肆年玖月拾叁日准到

刑部為欽奉

上諭事湖廣清吏司案呈雍正四年八月初一日奉



上諭直隸地方旗民雜處猾吏舞文太監親屬散處州縣兼皇庄王公大人等庄屯居住其間以故北直地方官最為難做今直隸虧空倉糧四十二州縣特行揀選人員發往令其清理倉庫整飭地方但直隸書辦積弊凡新官到任一切文卷盡行藏匿州縣官因限期嚴迫急而求之方始取出由是州縣墮其術中以後事件皆任其把持為害甚大州縣官能勾致其隱而重置之法者不可多得銅弊相仍朕知之甚悉已諭令總督李紱嚴查但流弊既久新發各官徹底清查必須時日一切案件勢難依限完結恐有遲延之虞着吏戶二部將直隸各州縣現在欽部案件一年之內暫行寬限庶各員得以從容釐剔積弊可除再直隸州縣太監

之父兄弟姪在地方不無生事者本太監亦未必盡知今可令大事該州縣照例
詳報總督具題小事徑報內務府內務府傳該太監曉諭令其自行約束
如仍不悛改內務府即酌量懲治包衣下大粮庄頭并諸王大臣庄頭如
有生事梗法之處大者仍申報總督具題細微事件屬內務府者申報
內務府懲治其餘庄頭人等申報都察院轉行各該管官員懲治不必
奏聞再有直隸畿輔重地理宜嚴肅乃近來盜案較他省居多定例內強
盜不分首從皆斬立法甚嚴當

聖祖仁皇帝法外施仁凡有盜案令大學士會同三法司核擬止將為首
起意并傷人之犯擬斬餘俱減等語落乃不法之徒不思感教愈肆玩法

甚屬可惡可諭內閣刑部自雍正五年正月朔初一日為始直隸盜賊不盡係直隸之人多由各省刑罰聚集仍照舊例不分首從皆斬直隸盜賊不盡係直隸之人多由各省刑罰聚集上盜着行文各省督撫出示遍行曉諭使皆知所畏懼毋致自投法網如此於弭盜似有裨益此次發往人員果能清理錢糧擒拿盜賊不畏強禦設或被入挾讐誣陷寬遭叅處者許赴都察院控告都察院即代為奏聞如果屈抑朕必為伊等主張斷不令伊等無辜受累也欽此合咨前去欽遵查照施行

雍正四年八月

二十四

日

雍正肆年拾壹月貳拾柒日

准到
刑部
咨
為
刑部
為
欽
奉

刑部為欽奉

上諭事湖廣清吏司案呈雍正四年十月十四日內閣九卿詹事科道面奉

上諭欽定朝審緩決人犯招冊至絞犯毛柱兒戮死嚴五兒一案

諭刑部逃人在外生事被人毆殺之案如嚴五兒曾經在外被毛柱兒言其逃

走嚴五兒輒以刀戮毛柱兒毛柱兒奪刀戮傷嚴五兒以致身死逃人本

身已經犯罪又在逃生事被人毆死與尋常開毆不同嗣後逃人被毆

身死者不應擬抵庶使逃走之人知所畏懼爾部即知會各省遵行欽

此相應移咨為此合咨前去依遵查照施行

雍正四年十一月


初八

日

二二九

雍正肆年拾壹月貳拾柒日准到

刑部高欽奉



上諭事湖廣清吏司案呈雍正四年十月十四日內閣九卿詹事科道面奉
上諭酗酒之徒即非良善且至於逞醉殺人有何可寬欽此應行文荊州

將軍嗣後秋審不可因酒醉殺人即加出語從輕擬緩擬於可也高

此合卷前去欽遵查照施行

雍正四年十一月

初八

日

三三〇

雍正肆年拾壹月貳拾肆日准到

刑部為欽奉

上諭事湖廣清吏司案呈雍正四年十月十九日內閣交出奉

上諭朕欽恤刑獄每遇讞決無論罪之重輕必原情酌理再三推求務使

情罪允協又念罪人幽囚叢棘易致瘦斃屢諭問刑衙門修整監

獄督責禁卒不時洒掃潔淨遇有疾病必加意調治務令全可此亦

矜恤罪囚之一端也乃近聞各省本章監斃人犯不少多由羈禁之
處跼隘倒敞以致嚴寒暴暑侵骨刻肌潮濕穢惡之氣薰蒸傳
染之故也况監獄不固防禦多疎罪人越獄脫逃亦所不免特勅各直
省督撫通查所屬監獄逐一修葺並高築墻垣以資防範其地勢低
窪者改造高阜之處狹隘者酌量刑獄繁簡展寬蓋造凡枷號暫羈
之門閤倉所亦必繕治完固正印官仍不時稽查毋令獄官獄卒任意
凌虐懈弛疎防如此則罪人不致瘦病而監禁既固亦可免越獄之虞
該督撫其各仰體朕好生致意督令有司遵行毋忽特諭欽此相應
移咨為此合咨前去欽遵查照施行

雍正四年十一月

初四

日

三三

雍正五年正月拾伍日准到

刑部為欽奉

上諭事湖廣清吏司案呈雍正四年十一月十一日奉

上諭帝王體國經邦政治所施惟準乎道理之至當寬嚴賞罰各得其宜若一

涉利弊二字便入於私是以孟子云仁義而已矣何必曰利蓋仁所以體養安全義

所以裁成化導也朕嗣承大統四年於茲允政教號令皆遵法

皇考

皇考在位六十二年

聖謨弘遠

諭旨周詳紀綱法度靡不脩舉特當時臣下或有陽奉陰違不能實力遵行者或有事經歷久漸至廢弛者朕在藩邸時知之甚悉即位以來仰體

皇考仁育義正之心屢降明旨諄諄誥誡無非欲內外大小官僚咸恪遵

皇考之良法美政實心奉行以共成久安長治之盛是朕所行之政皆

皇考已行之章程朕所申之令皆

皇考已申之寶訓實未嘗有減省增益也特以歷年既久新進疎遠之臣未能悉知見所施之政令遂以為從前所未有而淺陋寡識之人往往於條奏內有衆利

皆與諸弊盡除等語朕經理天下凡用人行政悉奉大中至正之心事至而應

惟理所當然從無計及利弊之私意如謂興利除弊則允平治道路疏濬河渠

修葺城垣開墾田畝此國家經野之常典而可謂之興利乎年歲豐歉不啻設

有水旱為之賑饑平糶蠲賦緩徵此朝廷軫恤之恒政而可謂之興利乎老人

應賜以衣食則賜之孤獨應卹以錢糧則卹之初以存第家小民自有之天良

曷以耕桑固閭閻各盡之職業而可謂之興利乎至於盜賊奸宄法所應誅

貪官污吏法所應黜豪紳劣紳法所應劾而謂誅盜奸黜貪污劾豪劣為除

弊可乎情罪重者予以刑辟情罪輕者予以笞釋此又可謂除弊乎然正民風

而端士習不得不戒之用休董之用威也將以此為興利乎抑除弊乎念習俗

之流於奢靡也朕躬為節儉以身示天下慮農人之惰於南畝也朕親為耕藉以身先天下將以此為興利乎抑除弊乎夫存興利之心即有不利之害有除弊之意即為啟弊之端由此類推治道安得有利弊之名朕又何嘗有興利除弊之舉也

皇考六十餘年豐功偉烈布在方冊皆因事治事以人治人從不居興利除弊之名而以此頌揚朕之政事朕實不敢當朕亦不願當也外省督撫諸臣未能深悉為此曉諭知之特諭欽此相應移咨為此合咨前去欽遵查照施行

雍正四年十二月

二十

日

雍正五年貳月貳拾日准到

刑部為欽奉

上諭事湖廣清吏司案呈雍正五年正月十九日內院抄出

上諭向來內外文武官員虧空甚多我

聖祖皇帝深知其弊屢降諭旨諄諄戒飭祇以

聖心仁慈寬大不忍加誅異其悛改乃伊等不知感戴

天恩反至肆行無忌日積月累虧空之數愈多朕即位以來念此虧空之項

關係國帑朕為天下主豈能以國家一定之經費任貪官污吏之侵漁

令小人藐視國法可乎且聞貪婪之員平日侵蝕國帑而于被叅之後



則將所有資財或匿藏於衙署或送歸於鄉里或分寄於宗族親黨之家及接任官查出虧空則故作貧屨之狀希冀遷延數年援家產盡絕之例以圖豁免此種伎倆朕知之甚悉而內外臣工條陳此事者亦甚多是以朕從衆所奏將被叅虧空之員搜查其官囊家產並及其寄放之處蓋不使貪污之輩盜國帑剥民膏以飽囊橐也此輩本有應死之罪但朕念弊端已久相習成風若遽然按律治罪則誅戡者衆幾乎不教而殺此心有所不忍若仍任其溫飽朕心又所不甘故令其完補虧項而復全其身命此朕仁育義正用中之大道而無知小人妄以為嚴刻乃坐井觀天之輩亦無足論也朕意原欲暫行二三年俟天下咸聞朕諭共知朕心之時若再

有犯者則按律治罪今以曉諭四年不得謂之不教而殺矣上年已令九
 卿酌定條例向後倘有侵欺虧空之員則案所定之例治罪亦有應正
 法者即照例正法其搜查宦囊家產並追及子孫放逐親黨之處
 應不必行矣自此諭下之日俱作停止倘若有知朕化節守保全之恩盡洗
 從前侵剋之弊實伊等之福亦朕之所深望焉仍執事無顧財
 而不恤身命亦其自取不足憫則着遵諭行特諭欵此期應移咨
 前去欽遵查照施行

雍正五年正月

三十

日

雍正崇年拾月貳拾日准到

兵部清咨漢字粘單壹紙內開雍正伍年叁月初叁日奉

上諭自古帝王致治誠民莫不以重農為首務書陳無逸先知稼穡之艱難詩載幽

風愷叙田家之力作論語云百姓足君孰與不足孟子云民事不可緩也蓋國以民

為本民以食為天農事者帝王所以承天養人久安長治之本也我國家撫綏寰宇

聖祖仁皇帝臨御陸拾餘年深仁厚澤休養生息戶口日增生齒益繁而直省之內地

不加廣近年以來各處皆有收成其被水歉收者不過州縣數處耳而米價遂覺漸

貴閩廣之間頗有不敷之慮望濟於鄰省良有地土之虞產如舊而民間之食指

愈多而人不足以供所出是以米少而價昂此亦理勢之必然者也夫米較為養命

之寶既賴之以生則當加意愛惜而不可存輕棄之心且資之者衆尤當隨時撙節而不可縱口腹之欲每人能省壹勺在我不覺其少而積少成多便可多養數人若人人如此則所積豈不更多所養豈不更衆乎養生家以食少為養訣固所以願神養和亦所以節用惜福也况脾主於信習慣便成自然每見食少之人其精神氣體未嘗不壯此顯而可見者至於各省地土其不可以種植五穀之處則不妨種他物以取利其可以種植五穀之處則當視之如寶勤如墾治樹藝菽粟安可舍本而遂末棄膏腴之沃壤而變為果木之場廢糞養殖之恒產以倖圖瀛餘之利乎至於烟葉一種於生人日用毫無裨益而種植必擇肥饒善地尤為妨農之甚者也以民較量貓蛛且但顧目前而不為久遠之

計政當圖利之時若令其舍多取寡棄重就輕必非其情之所願而地方官遽

然繩之以法則勢有所難行轉滋紛擾惟在良有司勤勤懇懇諄切勸諭俾

小民豁然醒悟知稼穡為身命之所關非此不能生活而其他皆不足恃則群

情踴躍不待督課而盡力於南畝矣朕聞江南江西湖廣粵東數省有壹

歲再熟之猶風土如此而仍至乏食者是地土之方有餘而播種之民不足非

小民習於怠惰而有司之化導者有未至耶或者曰米穀太多則價賤而難於

糶賣昔人有穀賤傷農之說諺語所謂熟荒者此則不必過慮假若小民

勤於耕作收穫豐盈至價賤而難於出糶朕必多發官價以糶買之使重農

務本之良民獲利而有餘資也朕生平愛惜米穀每食之時雖顆粒不肯拋

棄以朕玉食萬方豈慮天變之不給而所以如此撙節愛惜者實出於天性自然之敬慎並不由於勉強且以未殺乃

上天所賜以生養萬民者朕為天下生民主惟有敬謹寶重仰冀

天心默佑雨暘時若歲獲有秋俾小民家有蓋蔽人歌樂土朕既為億萬生民計不敢

輕忽天貺爾等紳衿百姓獨不自為一身一家之計乎朝夕生養之需既受

上天之賜若果加意愛惜隨時撙節則天必頻頻賜賚長享盈寧之福若恣情故縱

欲暴殄天物則必上於天怒不蒙賜賚而水旱災祲之事皆所不免其理豈或

爽哉又聞江西廣西地方竟有以米穀飼養豚豕者誠恐穀食之與肉食孰重

孰輕孰急孰緩而乃以

上天之所賜小民終歲勤苦之所獲者為黍養物類之用豈不于天和而輕民命乎朕所以惓惓訓諭者惟期天下之人專務本業以杜浮糜愛惜物力以圖久遠共體朕敬遷


天庥勤恤民隱之意則爾等家室必益至於豐饒爾等子孫必永綿其福澤思之思之毋忽朕言着將此曉諭內外官民人等並通行遠鄉僻壤咸使聞之特諭

二三四

雍正五年肆月拾捌日准到

刑部為遵

旨事湖廣清吏司案呈准內閣抄出雍正五年閏三月十三日刑部議覆



署山西巡撫高 復查原任知縣魏重焜等侵欺銀兩數目一本折奏奉
旨這本內議稱張學都已完銀數比原叅多銀三十兩應令該撫查明報
部等語凡看落追賠之項不敷原額自應勒限追賠若所交數目浮於
原額之外自應發還本人這本內議令交部之處甚屬鄙瑣着將
原本發回另議具奏嗣後有似此變產還項較原叅之數浮多者
俱應議還本人永為定例欵此相應移咨前去欵遵查照施行

雍正五年閏三月

二十八

日

雍正伍年捌月拾陸日准到

兵部為欽奉

上諭事雍正五年七月十一日內閣抄出漢字

上諭一道為此合咨前去欽遵查照施行

計粘單一紙

雍正五年七月初八日內閣奉

上諭七月初一日朕曾頒諭旨云從來天人感召之理捷於影響凡地方水旱災稔

皆由人事所致或朝廷政事有所缺失或督撫大吏不修其職或郡縣守令不得

其人又或一鄉一邑之中人心詐偽風俗澆薄此數端者皆足以干天和而召災稔是

以朕諄諄訓飭頒發諭旨至再至三而宵旰之時無刻不深乾惕天下至大兆民至
廣察吏之責全在督撫親民之官莫如守令若地方有司官果能視民如子休戚
與共平時化導有方痼瘼一體則民氣舒暢而乖戾潛消設偶遇暘雨愆期又復
為民請命虔誠祈禱自可挽回

天意感召休和張堪之麥秀兩岐魯恭之蝗不入境史冊所傳皆實有其事實有其理非
虛語也近見有司官平時不能盡愛養之道民生不厚民俗不淳既足上千天譴及遇水旱
又真不關心不知悔過自省從事祈禱虛文亦不過勉強塞責甚至不肖之員惟恐報災猶
賦自己不得火耗羨餘而隱匿不報者有之又或本身原有虧空及求水旱得邀賑濟以便開
銷而百姓並不沾顆粒之惠者有之似此居心行事竟將民生疾苦視同陌路則民氣鬱

而不舒何以彌天災而召豐之穰乎朕為天下主凡民生之休戚吏治之得失皆朕躬之責亦難

推諉於臣工况臣工之是非即朕之是非朕又何能推諉于若言可以推諉即近在畿京地方

亦府尹刑部之責若言不可推諉則雲貴邊方之第亦朕親向畿南一體辦理之事也如何分

得遠近但用人察吏之道各有等次朕所察用者督撫也督撫所察用者有司也若督撫不得其人朕之過

也有司不得其人則督撫之過也至地方百姓不能為之遂生復性悍患則亦則其過亦在在有司

矣夫為政之道在於得人而用之之法只得博採異論然使伯以輿論為憑則如崇禎度派拍台皆

稱其秉公持正謹慎和平及至近日江西虧空畢露弊端種種比自裴律度張楷任內之事伊

等從前即其巧詐苟且因循貽害地方其罪實難寬貸至如河南巡撫田文鏡者尚有天理

良心喪盡之李紱謝濟世等誣為貪婪似此不辨公私顛倒是非實可為嘆息流涕朕御

政五載如此者不可枚舉只就田文鏡裴率度兩言之則輿論之不足憑顯而易見矣輿論
不足盡憑則人之賢否何由而知只得試用之以觀其後此即古聖人明試以功之意若試之而
稱其職豈非朕心之所甚願倘試之而不稱其職自當速行更換豈有劣員既經敗露尚可
姑留在任者乎乃無知小人不識朕進退人才之苦心而輒有輕於去留之私議此皆愚昧之甚
者也如田文鏡在任五年朕因其有益於地方屢欲用為總督尚不忍令其輕去豫省裴率
度在任一無善狀朕惑於輿論姑容至於三年以致江西吏治廢弛至此至今朕心悔不早去
尚可謂朕之用人輕於去留乎為督撫者當體察吏安民之苦心竭誠秉公倡率百僚使
地方有司皆能實盡父母斯民之道則上與下合為一心官與民聯為一體和氣致祥休嘉
日集斷不致旱潦之為憂矣今年春月直隸地方有數處小雨朕心軫念不遑寧處

降旨詢問而總督宜兆熊劉師恕坦然奏稱今歲閏月嗣後得雨亦不為遲朕已
降旨切責如此存心怠忽豈能感召天和從前雍正二年春河南地方少雨田文鏡具摺
奏聞詞意懇切憂民之心露之章句朕見之皆為心動竭誠祈禱乃伊摺奏到京之
二日河南即得大雨朕先曾以明諭自此以後三年之內豫省皆獲豐收連歲穀秀十
三穗麥秀三歧可見志誠感格真有不應凡封疆大臣皆能如此存心則地方斷無不
受福之理田文鏡當加殊恩以獎忠誠任事之大臣着加兵部尚書銜授為河南總督總兵以
下聽伊節制此係特恩不為豫省定例朕意各省地方若遇水旱之災當定例地方官
之考成除直隸之玉田寶坻等處江南之泗州盱眙等處湖廣之江陵沔陽等處廣東之
圍基等處皆濱江近河疏稱沮洳之地似此等地方難免意外其餘地方亦宜備

有政治不修化導不力以致民氣不舒後見告者或有自顧已殆而不敢報者應作何
嚴加處分之處着大學士九卿詳議具奏如此則人人知敬

天勤民之道矣自古有治人無治法朕所降諭旨叮嚀往復無非念切民生然奉行盡善方

收實效即如社倉一事朕數年以來屢屢降旨但可勸民自為不可繩以官法前揚宗仁

在湖廣銳於舉行而州縣官遂迎合其意強勉行之近日竟有官吏將此項米穀侵挪者

此即奉行社倉之弊非朕之意也又如民間向來多將膏腴之壤栽種烟粟以圖重利

朕慮其拋荒農務諭令有司善為勸導守使知務本諭旨甚明並非迫令一時改業也

今聞有將民間已種之烟業竟行拔去者此時既不能樹藝五穀而已種之物又復拋

棄豈不農末而失大負朕愛養百姓之初心矣朕所降諭旨明白周詳而奉行者如

此弊皆由愚劣官員不能預會且遠鄉僻壤之地未曾曉諭同知此皆地吏更疎忽之咎着將此諭遍傳直省務使遠鄉僻壤咸共知之嗣後凡朕遍諭之旨倘有遺漏宣示不及之處經朕察出定嚴加處分此初一日所降諭旨也乃數日以來陰雨連綿不見晴霽朕甚憂畏虔修省躬思近日用人行政之處可以自信或前日頒發此旨欲將地方水旱定為有司考成之處其事有所不可故

上天垂象以示意耶其以水旱為考成之處不必定例大學士九卿不必議奏着將前後所降諭旨彙寫一處仍復通行並令大小官員各錄一通存貯官署以自儆省且使知朕敬

天乾惕之至意期與內外大小臣工共勉之其餘仍照前旨行欽此

雍正五年玖月初叁日准到

刑部為欽奉

上諭事湖廣清吏司案呈雍正五年七月十八日內閣交出七月十七日奉

上諭任克慎先掣福建順昌縣知縣缺引見時看其人甚屬庸劣故調

簡用為元氏縣知縣到任後竟敢苛派私費是必心懷怨望故肆意

貪婪非無心之故也任克慎著交與該督等嚴審從重治罪嗣後

凡屬月選特旨調簡之員若以才具庸劣被叅尚有可恕至於操

守乃可以自主者倘在任有貪婪蹟著加倍治罪永遠為例欽此

相應移咨荊州將軍欽遵查照施行

雍正五年八月

初九

日

二
三
七

雍正五年拾月拾叁日准到

刑部為欵奉

上諭事湖廣清吏司案呈雍正五年九月初二日內閣交出奉

上諭民生日用所需制錢最高緊要朕專為便民起見屢頒諭旨嚴

禁銷燬制錢並令京城及各省督撫駐劄之省城不許鑄造黃銅器

四三品以下官民不得私用銅器此朕欲期錢文豐裕為小民易於資

生非朕有所需用也已曾諄切詳諭不啻再三自曉然於天下矣京

城現今奉行錢價已覺稍平乃近聞各處督撫駐劄之省城銅器店內仍用黃銅鑄造者甚多此明係各督撫奉朕諭旨之後不曾實力奉行止以告示曉諭虛文掩飾而已朕時時切諭內外諸臣若朕所頒諭旨有不便於民之處即當據實敷陳請弛其禁斷不可陽奉陰違有失為政之體各省督撫寧不聞之乎且猶燬銅錢以鑄造銅器之弊朕向因錢局鼓鑄日增而錢文日見短少知其情事有灼然者嗣於京城內果屢次拿獲銷燬之奸民而欲差官員至甘肅地方亦有燬錢為器與朕所料若合符契則銅器之必當嚴禁明矣省會乃督撫駐節之區耳目最近政令易行非若遠鄉僻壤之難於稽查也若果

實心遵奉甚屬易事朕高制錢籌畫宵旰焦勞各省地方官辦
運銅筋亦甚費經營跋涉之苦然後官局得以鼓鑄錢文以資百
姓之用夫以鑄制錢如此之難而奸徒貪財射利竟將已成之錢復
行銷燬蠹國害民孰大於此故禁用銅器者所以杜燬錢之源也乃
督撫畏一二犯法貪利工商之怨望背朕昔而輕民計是何心也今特
再加訓誡各省督撫務宜實力奉行朕各道令人查訪倘仍徇疎忽
定將督撫嚴加處分至於黃銅器凡前朝所鑄錢物均屬元木
可以代銅器者甚多朕前諭旨甚明况交官局仍得價值又何樂而不
為但從前曾酌議三品以上許用黃銅今猶覺濫用者多嗣後惟一品

官員之家器皿許用黃銅餘着遍行禁止如有藏匿私用不肯交
官者槩以違禁論中外臣民共知朕意毋忽特諭欽此相應移咨前去
欽遵查照施行

雍正五年九月

日

二三八

雍正伍年拾貳月初伍日准到

刑部為欽奉

上諭事湖廣清吏司案呈雍正五年十月十八日准吏部咨稱內閣九卿奉

上諭朕看文武官員之歷履開載年歲多有不實或年歲本少而增之焉

多或年歲本多而減之為少此種陋習漢人最甚近來漢軍亦漸有之惟滿洲官員皆係真實年紀無意為增減之事至於外省武官則年歲不實者尤多此甚無益而可笑也國家用人惟論其才力之可以辦事任職原不以年紀之老少為重輕如老成望重之人宜於居官服政年歲雖多而精神尚健即屬可用之員若年歲未老而志氣萎靡則不可用是多者不必減之為少也少年精壯之人宜於効力宣勞年雖尚輕而辦事勤敏亦即屬可用之員若年齒雖大而才具庸劣則不可用是少者不必增之為多也人之立身事事皆當誠實豈可涉於欺詐彼增減年歲者無益於功名而有關於品行不可習為固然也今朕特為訓

諭凡各官從前之籍貫有年歲不實者俱着即行改正令以實在年
歲開明註冊嗣後文武官員倘仍行增減甘騙欺隱之習其人甚為無
耻而不足責矣欽此相應移咨前去欽遵查照施行

雍正五年十一月

十二

日

二二九

雍正五年拾貳月貳拾捌日准到

刑部高欽奉

上諭事湖廣清吏司案呈雍正五年十一月二十八日內閣傳抄

上諭向來外間常有演習拳棒武藝之人自號教師召誘徒衆甚有害

於民生風俗此等多係游手好閒不務本業之流誘惑愚民而強悍少年投
之學習廢弛營生之道羣居終日尚氣角勝以致賭博酗酒鬪狠打降
之類往往由此而起甚且有以行教為名窺探村莊人家之虛實因而勾
引劫盜竊賊擾累地方者况拳棒之技藝國家無用若言愚民習學
可以防身禦侮不知學習拳棒者能幾人天下人民未有盡習拳棒之
理果使人人謹遵國法為善良尚廉耻則盜賊之風盡息而鬪訟之累自
消又何拳棒以為防乎若使實有膂力勇健過人者何不習學弓馬
或就武科考試或投營伍食糧為國家効力以圖榮身上進詎不美乎豈
可私行教習作為無用誘惑小民以為人心風俗之害甚屬無益者各

省督撫轉飭地方官將拳捧一事嚴行禁止如有仍前敢於自號教師
以演弄拳捧教人及投師學習者即行拿究庶游手浮蕩之徒知所
儆懼好勇鬪狠之習不致漸染而民俗可歸於謹厚矣特諭欽此相

應移咨前去欽遵查照施行

雍正五年十二月

初四


日

二四〇

雍正陸年冬月拾貳日准到

刑部馬欽奉

上諭事湖廣清吏司案呈雍正陸年正月貳拾貳日內閣奉



上諭雍正貳年朕卽諭李維鈞聞得直隸滄州地方有偷鑄私錢之匪類應嚴
行查拏李維鈞回奏已經嚴查該地方並無私鑄保奏甚力今步軍統領阿
齊圖奏稱本月內准內務府咨稱番役因分事前來滄州拿獲私鑄之回子
劉七等移送前來隨差千總江進祿帶領番役前往滄州將私鑄之夥黨悉行
拏獲並獲鑄錢器皿等語觀此則滄州奸民私鑄之弊由來已久而地方大吏
漫無覺察今始敗露阿齊圖差官將匪類夥黨俱卽捕獲不使漏網甚屬
可嘉着將阿齊圖及所差官并交部議叙番役着加賞賚其私鑄一千人犯交
刑部嚴審定擬具奏夫私鑄錢文大干法紀且私鑄不息則錢法不能盡一而
銷燬制錢等弊皆由此而生何以便民間之用此事大有關係畿輔近地尚有此

等奸民而各省遠方難保必無此弊着通行曉諭再嚴加申飭倘查省督撫中
如有似此疎縱不肯寔力查拏者朕番心訪察若差京員緝捕若一經查出必
將該督撫照溺職例處分欵此相應移咨前去啟遵查照施行


雍正陸年貳月 拾陸 日

雍正陸年叁月拾貳日准到

刑部為啟奉

上諭事湖廣清吏司案呈雍正陸年正月貳拾柒日內閣交出

上諭凡律例之設乃詳情察理揆度至當而後定者也若擬罪案之時應引其



條則引之斷無輕重任意之理亦無介在兩端之理常見外省本章及法司
議覆疏內往往有先引一例復云不便照此治罪更引重罪以坐之以此而說載
入壹本此乃臣下巧於營私之陋習或欲以嚴刻之名歸之於上而為此語或
希冀法外之恩巧於開脫而為此語均非讞獄明允之道從前已經降旨禁
止而去冬刑部本中猶有此陋習夫治獄之道貴乎得平而司刑之官在乎執
法今以壹罪而引兩律則是法無壹定而獄不得其平矣豈朕明刑弼教之
至意乎嗣後若再有兩引條例者外省督撫提鎮本章着通政司駁回將情
由叅奏三法司本章着內閣駁回將情由叅奏若所犯之罪當引輕律而故
意坐以重罪以難逃朕之洞鑒內外執法臣工各凜遵毋忽特諭朕此相應移

咨前去欵遵查照施行

雍正陸年貳月 拾陸 日

二四二

雍正陸年玖月貳拾貳日准到

兵部為欵奉

上諭事武選清吏司案呈雍正陸年柒月拾壹日內閣交出

上諭一道相應行文各省將軍一體遵行可也為此合咨前去欵遵查照施行計粘抄

上諭一道雍正陸年柒月拾壹日內閣交出奉

上諭向來督撫赴任之時有奏請將平日所知人員帶往以備委用者朕因督撫職任

甚重事務甚繁欲將素所熟悉之人以收臂指之效事屬可行是以允從所請令其帶往酌量題補近聞督撫等帶往人員在地方不甚相宜或屏相趨奉而指為上司之腹心或妄生譏諭而以為上官之偏袒與端頗多流言不少如楊文乾請帶王士俊殷邦翰前往廣東此二人皆衷心辦事之員祇以楊文乾信用之故令廣東闔省人心不服多生謗議又如陳時夏請帶蔡益仁往蘆而江南之人指為陳時夏之耳目浮言四起恭鵬立奏請帶往朱亨衍李敏德傳樹崇往陝原為脩辦軍需不令効力一事藩司孔毓璞即逢迎巡撫以一人委署二缺而命往試用各官不令委署人心甚謂不公此皆帶往人員不宜於地方者朕思所帶之二三人其得力甚為有限而因此數人阻衆人効力之心則為益少

而無益多况屬員之微愆小過上司本應曲體保全而既為督撫帶往親信之人理當畏避嫌疑而有不便格外保全之勢亦非所以愛惜人才也况通省屬員人多督撫等果公正精明善於查吏則闔屬中豈無有廉幹之員可相信以心相資為理者何必帶往之二人是賴而啟衆口之疑議乎文官與武職不同武職以弓馬技勇為主有操練兵丁差委巡緝之事督撫提鎮等將熟悉之人奏請帶往以供使令可以得其効用之益至於文員則不應帶往從前督撫等之奏請甚非朕亦不當允從其請除督撫已經到任之後因本地要缺奉旨令其題補而本地不得其人將別省舊屬題補者不必解任外如楊文乾陳時夏奉鵠立及各省督撫大吏從前所請帶往之人目今現在屬下者似着回京請旨

另用前臺灣道朱鴻緒赴任時保奏現任知縣袁式宏原任知縣劉輝祖唐暄
此時朕准其將劉輝祖唐暄帶往臺灣効力將袁式宏調來引見昨袁式宏來
京看來亦係中平之員其帶往臺灣之劉輝祖唐暄着回京引見候旨特諭欽此

二四三

雍正陸年拾壹月初壹日准到

刑部為啟奉

上諭事湖廣清吏司案呈雍正陸年捌月初陸日內閣大學士奉

旨在京在外奉旨永遠枷號之人着刑部及該管官於歲底查明將姓名及所犯

情由開列奏聞欽此交出到部相應行文荆州將軍於歲底查明奏聞可也為此合

咨前去查照施行

雍正陸年拾月初拾日

二四四

雍正陸年拾月初拾日送到

兵部清咨送到漢字粘單一紙內開雍正陸年玖月初陸日內閣抄出奉

上諭原任南陽總兵官李永陞居官不職且得受軍政陋規經接任官恭劾部議

革職具奏朕令發往阿爾泰驛站坐臺効力今年春間朕恭閱

聖祖仁皇帝寔錄見原任四川總督李國英擒勦逆寇勞績茂著因命查其子孫
帶領引見此將伊孫李永安授為副叅領並知李永陞即李國英之孫特從慶

站地方調回授為叅願面諭之曰爾不自念爾之祖父勉為好官然朕心實不
忍忘爾祖父之勞績也今加特恩省過錄用爾其思之勉之朕該旗奏保名下
應追未完銀兩俾情愿變產扣俸完納朕又降旨免追矣大凡官員等之先祖
為國家宣力抒誠致身殉節者其子孫應體父祖之忠心倍加勉勵以紹家聲
斯不愧名臣之後若犯法婪賄虧空國帑不修名節有玷家風是不忠之外
又添不孝之罪以情理論之應加倍重懲然朕繼述

先志褒功獎善追維往昔時時眷注於懷是保等不肖之子孫忍於自忘其父祖
而朕則不忍以其子孫之不肖遂忘其先人之善不加恩於其後嗣也著八旗
通查凡有父祖陣亡盡節及偉績殊勲載在國史而子孫犯法問罪及虧空

拖欠者無論已結未結着該旗大臣等秉公據實確查具奏又漢人中如稽
 曾筠之父戕以墮之祖皆能抗節捐軀舍生取義已荷國恩復加榮獎又如趙
 申喬揚宗仁清廉公正乃國家實心任事之大臣其任內一切賬兩朕豈忍令子孫
 賠償已經降旨擬從寬免不得絲毫牽累着各省督撫等確查所屬有居官
 清正如趙申喬揚宗仁湯斌陳瓊張伯行之比而其子孫罔罪及虧空拖欠者
 無論已結未結俱行秉公據實具奏不得稍徇情面其父祖若係陣亡盡節
 者亦照八旗例查奏八旗及各省督撫查奏之處俱着具摺交送內閣陸續
 續進呈候降諭旨特諭欽此



雍正陸年拾月初拾日准到

兵部為欽奉

上諭事武選清吏司案呈雍正陸年玖月拾伍日內閣抄出奉

上諭大凡省會之區民居稠密人烟湊集一或弗戒於火每至比屋延燒被火之家

倉皇搬蕭有無賴棍徒以救火為名利其所乘機搶竊此時地方官員雖率

領衙役赴救而心力不齊且救火之具不備難以撲滅昨因湖廣荊州居民失火

蔓延鄰舍已行令該地方官依照京城置備救火器具以資防範令著各省督

撫一體遵照於省會之地不得累派里民酌用何項銀兩多設水桶水腕鈎藤麻

搭之類分貯各門令文武各官派差人役兵丁倘遇火警齊集救護即時撲滅併

雍正陸年玖月拾伍日內閣抄出奉

將搶火思棍查拏從重治罪向例地方延燒屋宇稍多者地方官員例有處分近多視為具文嗣後為掩飾嗣後著該管上司嚴查叅劾不得徇情隱匿其或赴救不力以致延燒多戶至數十家以上者據實查叅加倍議處至於各府州縣並令地方官各加番意預備防範以副朕恤民禦患之至意特諭欵此抄出到部擬合就行為此令咨前去欵遵

上諭事理一體遵照施行

雍正陸年玖月 貳拾 日

雍正崇年拾月貳拾日准到

戶部為欵奉

上諭事山東清吏司案呈雍正陸年拾貳月拾陸日內閣抄出

上諭據止白旗漢軍都統李國權等奏稱原任副都統萬永祺借欠公庫銀兩一案除有

抵壹千餘兩外尚有未完銀貳千柒百餘兩應着落原准借之副都統及保官庫

官等勒限分賠今都統石文英庫官于珩李鳳林已於別案各報家產盡絕應將此項

銀兩着落管庫原任佐領張國柱之子張經六品官高應清之子高起鵬二人名下分賠

等語夫拖欠公庫銀兩所以令該管之人分賠者蓋以當時經管錢糧之人將公庫借

給之時或徇情受托或扣尅分肥不論其人之家產厚薄濫行借給致成虧缺無可

着落撥之情罪甚屬可惡是以責令分賠以示懲戒但分賠多久各人名下自有應賠之數若該員將應賠之數完納則其責已畢倘將他人家產盡絕不能完納之數加於現在之人則又代衆人分賠殊於情理未協嗣後凡屬分賠之項本人止完自己名下應賠之數若同賠之人有家產盡絕者將此分賠銀兩豁除歸結不得於他人名下渾同攤派着通行八旗奉為定例萬永祺此案着該旗各議具奏特諭欽此抄出到部相應行文荆州將軍可也為此合咨前去欣遵

旨內事理施行

雍正柒年玖月

貳拾玖

日

雍正崇年冬月貳拾日准到

兵部為啟奉

上諭事武選清吏司案呈雍正崇年貳月拾玖日奉

上諭一道除行文吏部轉行直隸各省督撫外相應通行各省將軍等一體欽遵可

也為此合咨前去欽遵施行計咨漢字

上諭一道雍正崇年貳月拾玖日內閣交出奉

上諭聞得江寧府守門旗軍勒索出入人民殘文該將軍所司何事而范時繹

容忍者又何意見着二人查明具奏傳諭直省將軍督撫凡省會之地有門

軍似此不法者看嚴加懲治又聞得江寧省城內正月初間被強盜夜劫者

四五處似此則鼠竊之事不知凡幾也朕諄諄令地方大吏以息盜安民為務今省會之區尚如此肆行該督等所司何事亦着明白回奏特諭欽此

雍正癸年貳月 貳拾玖 日

二四八

雍正癸年肆月初伍日准到

刑部為欽奉

上諭事湖廣清吏司案呈雍正癸年冬月拾肆日內閣抄出奉

上諭從前屢降諭旨禁止賭博京城內外稽查甚嚴聞游手不法之徒潛往通

州天律公然犯禁聚賭其賭具之所從來有司亦不究問又如京城禁止宰牛

聞鷄及畜養鵠等事而無賴之輩則於通州天津地方仍敢擅宰耕牛
私開關局文武官吏漫無覺察又聞京城禁賭而好賭之人遂潛匿於四鄉
無人禁約似此陽奉陰違有干法紀通州天津二處之人五方雜處易於容
留匪類通州有倉場侍郎衙門又有副將駁剗均當與知州等一體管理
稽查違禁等事倘不實心稽察致有疎縱展差侍衛御史等挈獲是
將該侍郎副將知州等分別嚴加議處天津有總兵巡鹽御史及道員等
官亦著照通州之例行至近京鄉村中若有賭博等情該管汛地文武各
員不得辭其責一經發覺決不寬貸特諭欽此相應移咨前去欽遵查照

施行

雍正柒年叁月

拾柒

日

雍正崇年崇月貳拾日准到

刑部為欣奉

上諭事湖廣清吏司案呈雍正崇年陸月初陸日內院交出奉

上諭游惰之民自昔治天下者之所深惡若好為賭博之人又不止於游惰而

已荒棄本業蕩廢家資品行日即於卑污心術日趨於貪詐父習之則

無以訓其子主習之則無以制其奴閭閻由此而生爭訟由此而起盜賊由

此而多匪類由此而聚其為人心風俗之害誠不可以悉數也夫凡為不

善之事者雖干犯功令猶可得微利於一時而獨至賭博則今日之所得

明日未必能保若合一年數月而計之勝者與負者同歸於盡此天下

之人所共知者而無如邪僻之人一入其中即迷而不悟且甘為下賤而
不辭亦大可悲矣數年以來屢次降旨嚴禁而此風尚未習者則以製
造賭具之尚有其人而有司之禁約未嘗盡力也有工技藝之事可以獲
利營生者何事不可為而乃遽條犯法製此壞風俗感人心之具其罪尚
可言乎嘗思賭博之風所以盛行者又兄為之子弟在傍見而傲之家主
為之奴僕在傍見而傲之甚至婦人女子亦沉溺其中而不為怪詭因習此
者多故從風而靡者衆也假若嚴行禁止使人不敢再犯則日積月累後
生子弟無從而見即無從而學此風自然止息無俟條教號令之煩矣
凡地方大吏有司均有化民成俗之責而乃悠悠忽忽視為泛常安辭溺

職之咎今特是本地官員勸懲之法以清其源嗣後挈獲賭博必窮究
 賭具之所由來其製造賭具之家果審明確有證據出於某縣將該縣知
 縣照溺職例革職知府革職番任督撫司道等官各降一級番任如本
 地有私造賭具之家而該縣能解拏懲治者知縣着加一級知府着加
 一級督撫司道等官着紀錄二次將此勸懲之法永遠着為例於雍正
 年為始着該督撫通行曉諭使城邑鄉村及遠陬僻壤咸使聞知特諭欽此

相應行文荆州將軍朕遵查照施行

雍正崇年陸月 拾崇 日

雍正崇年崇月貳拾日准到

刑部為啟奉

上諭事湖廣清吏司案呈雍正崇年陸月拾伍日內閣抄出奉

上諭聞得外間訛傳陸月貳拾肆伍將開屠宰耕牛之禁回子等俱欲齊來謝

恩等語又聞民間竟有私宰耕牛之事此必奸民造為訛言誘人犯法以撓禁

令也凡朕所降旨禁約者事事皆欲濟民之用厚民之生無一事為朕之私心便

用而設也如禁用黃銅所以裨益鼓鑄流通國寶朕豈別有需用黃銅之處也

今雖以一品大臣例用黃銅之器而朕宮中與部中凡有新添鑄造亦令不必用黃

銅矣如禁賭博所以端人心而厚風俗賭博之為害於風俗人心朕已屢降諭旨

言之甚詳且悉非愚頑不移之輩無一人不以禁約爲當也至於禁宰耕牛以耕牛爲農田所必需墾土播穀是藉其力世間可食之物甚多何苦宰耕牛以妨穡事乎今朝廷所需除

祭祀照例供用其餘亦一槩不用牛肉矣年來自禁黃酮之後而賤價漸平民用頗利矣自禁賭博之後而開場聚衆者亦畧知畏懼歟跡矣自禁耕牛之後而農家向日數金難得一牛者今已購買易而畜收蕃矣可見利益民生之事亦既行之有效爲良民者必皆知朕大公愛民之心爲良有司者必能寔心遵朕愛民之政如不能寔心奉行而置民生於膜外者必非良吏也如不能仰體朕心而陽奉陰違以蹈法網者必非善類也有姓中惟回子以宰牛爲業誠思貿遷有無百工技藝何業

不可營生而必欲為此犯禁傷農之事自甘為頑梗不化之民乎國家亦豈肯因
一二遊手回民無理之營生而令妨天下務本萬民之生計耶夫朕所禁之事必審
度再四灼見其必應禁止然後見諸施行豈有從禁旋開朝三暮四之理乎
今訛傳宰牛開禁之語必係為匪奸徒造作言語煽誘愚民使之犯法而
於中取利甚屬可惡着該部步軍統領天府府尹五城御史等通行曉諭
京城宜省併嚴行查訪如有違禁私宰耕牛及造為種種訛言希圖煽誘者
立即鎖拏按律盡法究治如該管官不實力嚴查致有干犯者定行從重議
處特諭朕此為此合咨前去查照施行

雍正崇年陸月

日

雍正崇年捌月拾玖日准到

刑部為欵奉

上諭事湖廣清吏司案呈准吏部咨稱雍正崇年閏柒月拾壹日內閣交出奉漢字

上諭朕見近來官員等彼此互揭之案甚多如上官揭報屬員而屬員隨即列欵

揭告上官知縣揭報教官而教官隨即列欵揭告知縣似此等者若果出於公

道則何不控告於未揭之前而乃報復於既揭之後其為挾讐反噬情弊顯

然但其中或有探知上官欲行揭報而先行誣揭者亦有逆料下司必行揭報

而先發制人者其情偽虛實種種不一總在該督撫等悉心詳察秉公審理從

庚戌年為始若有挾私互揭之案其所揭欵贖件件審寔非虛則照定例歸結

雍正崇年閏柒月拾壹日內閣交出奉漢字

倘數件之中有一款審虛仍照誣告律治罪若件件皆虛則將挾私互揭之人加倍治罪文武官員一體遵行着該部預行曉諭咸使聞知特諭欽此交出到部相應照刑部等因前來據此相應行文荊州將軍可也為此合咨前去欽遵查照施行

雍正柒年閏柒月

貳拾陸

日

二五二

雍正柒年拾壹月貳拾壹日准到

兵部馮欽奉

上諭事武選清吏司案呈雍正柒年捌月拾玖日內閣抄出

上諭一道相應行文該將軍欽遵可也為此合咨前去欽遵查照施行計粘單壹紙內開

上諭朕自御極以來凡文武大小官員進見時必諄諄訓誨諭以國計民生之要務至於近日廷臣科道等官輪班條奏其寔在可行者即降旨施行其似有可採者即發令查議其有言之未當者或局於一徧之見或失之迂濶難行甚至懷挾私心不顧大體敷陳鄙瑣識見庸愚朕多召令入見面加講諭剖晰其說諭以不可施行之故蓋朕意欲使其人曉然明白自知識見之淺鄙是以降旨之時周詳往復不憚繁勞倘其人退而默記果能深會朕心詳譯朕旨一記載畧無舛錯遺漏豈不甚善但其事有甚難者彼於倉猝之際敬畏矜恃或則借會朕旨或則記憶不全又或書寫之間詞不達意或有意捏成顛倒朕諭所謂差之毫厘謬以千里者正復不少即如啟奏折本時大學士及學士滿漢多人皆每日進見素常熟習者而面奉諭旨退而繕寫進呈尚且未能悉暢何況出於壹人壹時之奏對者乎前者科道翰林

捌玖拾人同奉面諭朕令其各書呈覽乃諸人所寫參差捌玖拾員人皆互異况與朕旨多不相符可見理會記載之難矣設或漫自記錄謬相流傳有失降旨之本意則所閱匪細從前屢經曉諭曾命在廷大臣典外省文武員弁等面奉之旨皆書寫進陳朕覽以防訛錯今再行申飭凡內外大小臣工不論從前嗣後倘有欲記面奉之旨者着將所記呈奏方許存錄倘有未經朕覽私自存錄者一經查出照詐偽制書之例治罪着各部院衙門將此諭旨抄錄實貼堂壁俾現任及接任官員共知之其各省文武官弁等看該督撫提鎮將朕此旨每年通行曉諭壹次倘屬員等有不知此旨者即於該司是問特諭

雍正柒年拾壹月

貳拾壹

雍正崇年拾壹月貳拾玖日准到

刑部為欣奉

上諭事湖廣清吏司案呈雍正崇年拾月初捌日內閣抄出奉

上諭從前由京發遣廣西之旗人太監等沿途需索地方強橫不法且捏造流言鼓

惑衆聽今經直隸河南廣西等省二查出具奏此等八旗包衣發遣重罪旗犯到

外省衆人不知其來歷認爲朝廷得力之人又見伊等妄自尊大遂羣相畏懼避其

克煽又恐加以管束而悍惡之徒或致輕生拚命則不免受其拖累於是隱忍應付

聽其需索使令容爲不法令克犯益得肆行無忌嗣後除徒罪輕犯外其克煽烟

瘴軍流入犯倘於經過州縣及安棹地方或凌虐解役需索驛站或行克煽生事造作

謠言不安本分不守規條着本管解役即稟明地方有司詳報督撫據寔具題
於本處卽行正法倘解送之時安插之所犯人不服拘管或因約束過嚴以致
輕生斃命者亦該犯自速其辜將地方官吏人等概免究問倘有徇情故縱或疎
防逃脫者亦當從重處分着該部定議具奏若此等發遣人犯果能在彼地方
安靜奉法無壹毫安行之處叁年之後着該地方官詳報督撫奏聞候朕看
其情罪之輕重酌典赦宥之恩着將此旨通行各省督撫轉飭所屬文武大
小官弁咸使知悉併出示曉諭各犯知之特諭欵此相應行文湖廣荊州將軍
轉飭所屬一體遵行可也為此合咨前去查照施行

雍正柒年拾壹月

初伍

日

雍正捌年正月初祭日准到

兵部為欽奉

上諭事武選清吏司案呈准吏部咨稱雍正七年十一月初四日内閣抄出漢字

上諭一道相應粘單行文兵部轉行內外武職衙門一體欽遵等因前來為此

合咨前去查照施行

計粘單一紙

內閣抄出奉

上諭自古朋黨之患必至害於而家凶於而國而口身亦併受其毒爾等

翰詹科道多由科目出身讀書明理當以此為切戒務為端人務為正

士務爲國家倚賴之大臣不可誤入於小人之一途蓋小人有小人之器局識見小才氣亦小恃其小忠執其小信行其小惠縱有微長適成其爲小人而已大人有大人之器局識見大才氣大惠大義大仁大志凡所作爲皆有關於國計民生此等大人實能公忠體國併無沽名邀譽之心而名譽自至是以爲臣子者凡事爲國起見所成自大若爲一身起見則所成必小甚至卑污苟且夤緣請托瞻徇情面黨同伐異流弊不可勝言朕在藩邸四十餘年於人情世態無不洞悉此等陋習實痛惡朕於

聖祖皇帝從前無揣度意旨探聽信息及邀名沽譽之事朕弟兄輩往往多蹈此轍朕惟以理處事和而不流而一身心迹仰邀

皇考聖明洞鑒可見天下之結黨營私者徒自壞其心術品行耳欲求纖毫之

利益不可得也即如康五瑞本欲坦護李紱而究境不能掩其惡李紱蔡

珽本欲傾害田文鏡而適以自害其得意不可言矣公之洞成故文如李

紱科場作弊之一節雖未得受財賄而採取虛名延攬親故其意以高樹

德市恩患難可以相倚殊不知情急勢迫之時斷無有顧己身之利

害而從非救人者此一定之情理毋待臆之縷述也昨李紱奏稱臣聞田文

鏡之不善乃得諸道路之口此語更甚悖謬天下焉有聽人之毀譽而定

督撫之優劣者乎大抵屬員之中受其保薦者必生感激而高溢美之嗣

被其奉劾者必生望怨而造誣謗之語此人情之常無足怪者爾等若以二

人之毀譽而定督撫之優劣必爲所薦者尚指其過失所劾者尚訟其公
明如此則褒貶是非確乎可信矣然天下有此理有此情乎朕於田文鏡並
不因其才情學問而用之以其實心爲國毫無瞻顧迎合之稱深得大
臣之體朕所降旨詢問之事伊必據理敷陳朕所交與試用之員伊必秉
公舉劾從未有揣度意旨苟且迁就者又如鄂爾泰高其倬二人外間俱
稱爲如總督而其實有不同之處鄂爾泰居官奉職悉秉忠誠此專心
爲國而不知其他者高其倬謹慎廉潔坦易和平惟恐謗議怨尤之及
其身大抵爲己之念居多其一生得力在此其不及鄂爾泰亦即在此且
高其倬之爲總督只圖完其任內之事而後來貽害所不計也鄂

尔恭則每事籌及遠大接任之人即以中材處之亦可安坐而理凡為臣
工者當以鄂爾恭為法夫人才力各有不同在朕之用人實是因材器
使而爾等意中自知分量者未必多人如己身但有文墨之材朕用之
翰苑可謂器使矣而尔等私心必以為我之才幹何見不勝政事繁劇之任
而沉淪于閒曹者全不知朕之置於閒曹正所以保全之也尔等果能
安分循理各盡職業自然識見日開閱歷自進今日之小臣即他日
大臣之器何必存躁妄之心以自限也至於閉門謝客以宗孤介亦矯
情之舉如在京之大臣外省之官換平日裏不見一人不聞一語如何周知
人之賢否事之利弊尔等新進小臣亦不必以師生同年往來相接馬蹄

但當和衷共濟勸勉箴規以道義相砥礪此則君子之明所爲合衆
人之公心以成舉朝之公黨是朕所望於尔等者也蓋天地神明之所
佑者誠所惡者僞果能去僞成誠於虔心積慮之間焉朝廷焉國家
焉社稷焉蒼生此即爾等所以自焉其身家不但己身榮顯子孫必受
其福矣尔等將朕諭旨時時體認清夜自思躬行實踐朕言自必有
驗勉之勉之

雍正七年十二月

十四

日

雍正捌年捌月初貳日准到

兵部清谷漢文粘單

雍正八年五月十四日內閣抄出奉漢字

上諭今年春夏以來屢沛蠲免寬恤之政中外臣民皆以為沐朕浩蕩之
 恩而不知朕施恩之所自朕之接待天下臣庶朗然如青天白日無不
 可以共知共見之隱微况怡親王不幸仙逝朕追思其美善尤不忍不
 以朕之本意明白宣諭使眾共知之朕御極之初命怡親王管理戶
 部事務朕知戶部庫帑虧缺甚多令王清查辦理王奏云此項虧空歷
 年已久清查之後必求皇上開恩寬免此時朕姑應之及王遵旨查出

虧缺之項至於二百五十餘萬兩之多王奏請以將來餘平餉銀陸續代為完補免向各官着追朕以歷年該官官員侵蝕國帑藐視國憲若不責令賠補何以謹度支而清弊竇於是飭令開報着追未從王之請王始而變色後即遵旨悉心辦理是以衆外之人但知戶部多年虧項至怡親王查出甚至無識小人有謂王過於搜求者而不知王之請免追究請為代完幾番陳奏之苦心若斯之懇切也數年以來在各該員名下追出者不過十分之一二而怡親王以餘平餉銀代為補完者則已十之八九然則各員之應完而不完者其銀豈可免乎其罪尚可貸乎今春朕見怡親王抱恙未痊因思王從前懇切陳奏之意特降諭

旨將各員未完銀兩槩行免追以遂王之初願一日朕向王言之王悚惕

不寧曰此皇上寬大之恩非臣所敢異望者此戶部庫項之始末朕不

忍不宣播於衆者也王曾奏稱皇上用法稍寬朕厲朕語之曰公

玩愒已久百弊叢生此時若不懲創將來無所底止蓋朕雖未御從王之

言而王一片寬厚忠直之意未嘗一日不在朕心也近見貪婪侵帑作奸

犯科之風漸次止息吏治漸次肅清因思王言特沛恩膏將雍正三

年以前各省官員名下應追銀兩令該部查出請旨豁免三月

間王來見朕朕語以施恩祈沛之意王對曰此皇王如天之仁宸衷

獨斷若云出自臣奏臣萬不敢居也朕意欲俟秋冬之間將內外

大小文武官員叅罰各案悉行寬免准其開復此意亦曾向大臣等言之適因京師四月雨澤愆期朕齋心虔禱之餘遂頒寬免開復之旨庶幾集中外之歡心以感

天和而施甘澍果蒙

天降時雨四野均霑凡此數事皆朕念王之忠從王之言而布此寬大之典也王一生爲國爲民濟人利物之事不可枚舉常存惟恐人知之念若朕偶一宣露則王之惶悚不可名狀是以王在生之日朕不肯違拂其意以此揚播於衆今王仙逝矣若朕仍秘而不宣則內外臣民隱被王之厚德而莫知其由是朕旻王之善也此心何以自安據天

理本良朕實難於隱忍况王之懿美多端筆不能述姑就此言其
大概如此特諭欽此

二五六

雍正玖年正月拾壹日准到

兵部清咨漢文粘單

雍正捌年拾貳月貳拾貳日內閣抄奉

上諭大將軍岳鍾琪從西安由肅州前赴軍營途中有調撥兵丁辦理
軍務之處須用印信行文前所頒寧遠大將軍印信留在軍營今特

將撫遠大將軍之印遣員賚送交與大將軍岳鍾琪領受大將軍未到軍營以前一切行文俱用撫遠大將軍印既到軍營以後仍用寧遠大將軍印並着大將軍岳鍾琪接到諭旨印信之日通行所屬知之特諭欽此

二五七


雍正玖年捌月拾壹日准到

兵部清咨漢文粘單

雍正九年五月二十九日內閣抄

出奉漢字

上諭朕視天下兵丁皆爲一體莫不異其生計有賴俯仰從容然養育於



平時者自有經常畫一之道而加恩於格外者則不得不由近及遠次第舉行量國用之盈絀而爲之若必欲一概施恩不分遠近先後則將因經費之不敷而稽遲膏澤之下逮矣如恩賞生息銀兩一事首先及於在京之八旗兵丁次則推廣於外省駐防之八旗兵丁及督撫提督標下之兵丁等又次推廣於外省鎮標之兵丁等皆令將軍副都統督撫提督大臣會同經理以爲長久之計數年來固有料理得宜可濟兵丁之緩急者而措置未協敕人議論者亦往往有之則此事經畫之難可知至於各省協標兵丁同列行伍朕豈不欲一體加恩但各兵分防之處與督撫提鎮相隔遙遠若遇緩急必須文移往來多延時日始得願此數金


豈能濟其一時之用若照例給發生息銀兩與協鎮等則現今督撫
提鎮大臣辦理此事尚覺繁難未能妥貼協鎮以下等官豈可交
辦此事徒貽累於弁員而無裨於兵丁之寔用况夫兵丁衆多國家
經費通盤計筭其勢難以普及此亦一定之情理近聞各省協標兵丁
有謂督撫提鎮等不爲代請而生怨望之心者爲此特頒諭旨着該
管官通行宣示使伊等知國家之施恩並無偏向戎行之沐澤自有先後將來
西陲軍務告竣國用充饒朕再徐思周徧加恩之策若伊等不察事勢此時
遽欲均霑妄生異倖是因朕逾格之恩而啟伊等非分之望則朕雖有將現行之恩賞
悉令撤回然後可以晝一豈不因教人之無知阻衆人受恩之裕乎思之特頒諭旨欽此

雍正玖年玖月貳拾叁日准到

兵部清咨漢文粘單

雍正九年八月二十四日奉

上諭朕聞各省駐防兵丁技勇多屬生疎營伍亦覺廢弛所養馬匹多不足額漢軍尤甚且竟至過有急用之時將營馬出賣與人者種種積習至今尚未悔改今特頒諭旨通行曉諭著該管大臣官弁等悉心整理勤加訓練務令軍容嚴肅武備周全朕於明年春月各差科道等官前往查看向後年年馬例倘仍蹈故轍一經叅奏定將該管大臣官弁等嚴加議處特諭欽此



雍正玖年拾貳月拾壹日准到

兵部清咨漢文粘單

雍正九年十一月十六日內閣抄出奉

上諭年來因征勦準噶爾將滿漢兵丁陸續派出特令召募以寔

營伍以資脩用凡膺募兵之任者自應秉公持正不徇情面精選

技勇壯健之士則戎行可收寔効而軍餉亦不至於虛糜朕聞召

募新兵多屬本營兵丁之弟男子侄親戚友朋互相援引而進該

管將弁惟祈充足數目不復較量人材以致老弱無能者俱得入選而

民間強壯之人莫由食糧入伍是將選兵重大之務視為具文矣現今

降旨募選兵丁看該部通行曉諭令該管大臣官弁等屏除向
未積弊公正辦理將來朕必遣官考驗若有將老弱無能之人濫
冒入伍者必將挑選之員從重議處若技勇之人不敷挑選着聲明
緣由請旨毋得苟且塞責特諭欽此

二六〇

雍正玖年拾貳月拾壹日准到

兵部清咨漢文粘單

雍正九年十一月二十二日內閣抄出奉


上諭朕因各省駐防兵丁技勇多屬生疎營伍亦覺廢弛所養馬匹多

不足額其中漢軍爲尤甚已於今年八月間先行曉諭申飭俟明年
春月各差科道等官前往查看倘仍不悛改嚴加議處朕思營伍
廢弛兵丁怠惰之習若該管官弁等果能實心整頓訓練數月之內
即可改除惟是馬匹不敷額數若責令一時購買足額或至馬價昂貴
兵丁力量艱難况如南方諸省平時既難喂養而一時急切買補又較難
於北方看該將軍等酌量稍爲變通現卷幾匹其所少者存價於官
一有調遣即可購買應用不致遲悞公事此朕格外體恤之特恩若再
奉行不力一經查出弁兵等俱不寬貸特諭欽此

雍正拾年叁月初柒日准到

兵部清咨漢文粘單

雍正十年正月十七日內閣抄出奉



上諭京師自上冬以及新春未得雨雪畿輔地方及近京各省雖有

奏報得雪者看來亦未普遍霑足因思上年十一月十五日月食

據欽天監觀候曾引占書燕趙旱禾麥有傷之語陳奏朕前朕

心甚為憂懼擬於正月祈穀之期虔禱

上帝以迓

天和乃朕躬偶感風寒醫家奏請避風靜攝是以未曾躬親祀典

此心愈加乾惕維茲數月以來雨雪未降顯係

上天垂象以示儆甚可畏也朕虔誠體察政治之闕失以期仰格

天心爾大學士九卿等各宜恪慎齋戒致誠祈禱尤當洗心滌慮殫職奉
公以爲敬

天祈福之本京師爲四方輻輳之地民食浩繁更宜預爲籌畫至於該
督撫等各自敬謹修省外而所屬地方雨澤之有無播種之遲早務
期悉心訪察先事圖維倘二麥歉收必有思患預防之策不使黎民
有乏食之虞方不負朕之委任倘有玩忽隱飾等弊經朕訪聞必
加嚴譴內外大臣等領此諭旨務在寔心奉行不必以空言覆奏


特諭欽此

二六二

雍正拾年叁月初柒日准到

兵部清咨漢文粘單

雍正十年二月十二日內閣抄出奉



上諭國家典禮首重祭祀每膏齋戒日期必檢束身心竭誠至敬

不稍放逸始可以嚴昭事而格神明朕遇齋戒之期至誠至敬

不但殿庭供設銅人即坐卧之次亦書齋戒牌存心警惕須臾弗

忘至內外大小官員雖設齋戒牌於官署但恐言動起居之際

稍有褻慢即非致齋嚴肅之義查明代祀典凡陪祀執事之人
有懸祀牌之例今酌定齋牌之式令陪祀人員佩著心胸之間使
觸目警心恪恭罔懈並得彼此觀瞻益加省惕其於明禋大典
愈昭虔潔看傳諭各部院及八旗並直省文武官員一體遵行特諭

雍正拾年陸月初貳日往到

兵部清咨漢文粘單

雍正十年閏五月十三日奉

上諭從來人心不正斯風俗難移習染既深則懲儆宜密朕自御極以來雖晉

天率土莫敢歧視而由近及遠則八旗人等尤國家教養百年望其遂生復性
共享安樂以永沐恩光者若明知其頑者貪鄙將為人心風俗夏而尤故示
寬縱以博仁厚名姑息之害將無所底止朕為天下百姓主實不忍或出此而
聽其陷溺不為之一援手有負

皇考之付託也是以嚴治貪婪清釐帑項槩不得免而追呼牽擾亦有所不恤
者誠欲八旗人等各思罪愆漸自醒悟知有所不為庶無往不利凡此綜核
之數舉即朕訓愛之初心用嚴用猛與天加賞加恩諭事之迥雖殊而曲成之
意不二昨於雍正三年以前虧空各案令其查奏酌免諭旨內業經明白曉諭
諒八旗人等已皆悉朕意知自省矣今特再沛恩膏於八旗官員人等將

雍正三年以後九年以前其人應追限兩除本身虧空侵蝕借帑及貪贓盜
用等項不准查免外其年遠之案於雍正八年恩旨以後發覺者與本身已故
着落子孫追賠坐扣俸向抵補者或本身雖在其應追之銀實係分賠代賠
無着之項或因公那用並未入己者又或應追之本人已經豁免而開欠之尚在
着追或本案已經寬免而在奉旨以前報出田房人口抵補其間人口病故回房
變價不敷仍行追補着該旗將各項情由造冊開送內閣轉奏候朕酌量分
別加恩寬免此次諭旨着丹行通傳俾八旗人等深知朕恩恪遵朕訓洗滌
慮痛改前非循理奉公謹身節用以副朕教肅淳誠之至望則爾自求福
朕實厚望焉欽此

雍正拾年癸月初癸日准到

戶部為欽奉

上諭事雍正十年六月十三日內閣抄出奉

上諭西北兩路派令出征之滿洲蒙古漢軍大臣官員等於起程之時

朕俱令寬裕給與跟役人數而其家中隨甲銀米仍留為該員家

口養贍之資並未議令裁革頃聞戶部於本年三月間行文各

處以各員在外既有隨丁則在家不應重領隨甲應將各員隨甲

糧餉停其支領並將自雍正七年大兵起程之日起凡家中支過糧餉

在本員應領俸銀俸米內照數坐扣還項在該部意在慎重

戲糧然五未奏聞請旨遽爾通行甚屬錯謬且大非朕體恤出征人員之本意特頒此旨曉諭八旗人等凡軍前之大臣官員等家中已領隨用糧餉不必扣還其應領之項照常支領並將此通行各軍營知之特諭欽此相應行文荊州將軍遵奉可也須至卷者

雍正拾年陸月

十四

日

二六五

雍正拾年捌月初玖日准到

兵部咨爲知會事武選清吏司案呈准內閣抄出雍正十年七

月二十日奉

旨大學士一等伯鄂爾泰督巡陝甘經畧一應軍務所有文移除

大將軍平行外督撫將軍俱用照會提鎮各官俱用牌劄欵

此欵遵相應知會該將軍可也為此合咨前去查照施行

雍正十年七月

二十四


日

二六六

雍正拾年玖月貳拾捌日准到

兵部清咨漢文粘單

雍正十年七月二十六日內閣抄出奉



上諭據湖南巡撫趙弘恩奏稱南嶽爲皇上主壽之山昔年修造廟
宇碑亭今歷年已久須重加修葺料估工費計銀八千四百餘兩請勅
湖北湖南存公之項給發興修恭祝皇上無疆之壽等語朕思皇
天無親惟德是輔朕受

天眷命爲天下主一行事一舉念皆

上天

皇考之所照臨若身無失德自蒙

上天

皇考垂慈護佑益壽延齡若德行有虧居心行事獲罪於

天天下億萬臣民豈能代朕祈禱而寬其譴責乎朕御極以來無日
不以此訓示天下臣民凡有奏請建壇誦經爲朕祝釐延壽者悉嚴
諭停止至於山嶽江河之神爲地方捍患禦災錫福兆庶者則虔修
詞廟潔誠展祀以申報享之忱並非爲朕一身祈福也

上天

皇考寔鑒此衷南嶽之

神佑我楚民朕心感激廟貌久未修理應照該撫所請敬謹舉行惟
是趙弘恩陳奏之詞識見鄙陋不知朕心用頒此旨再行宣
諭俾衆共知之特諭欽此